

Sèsî Tontondipá Tóná

Cetá Kamámá

Pòkàtà mentà yòn Dúki pòkàdéèta-dà ò wàhaa-ta doòo pà toò-ko Tèòfidi. O cecetá menta toó o yèdi-dà, è wei pà pekáama Sèsî, n'òo fòumu tenkà menkà kú hínka, n'òo kúmú, n'òo yántà-ma kú bookú kpípa meheká é òsi hínka. Déèta menta bekú tóná o tontondipá pàà-na-dà. Ye kú kpémú-dà tee ti tà yún-má Sèsî tontondipá tóná pòkàta. Ta meheká, Dúki cakú Weèdi Sèdi de cútà-ma-ní kú bookú-dà Sèsî tontondipá hínka, nà pà de cèn-má kú bookú yotí dódódi meheká è cakú o wenaamá kà Weèdi Sèdi pà tempú-nà. Ò tùmà weè-é-ma ta meheká, dòhòka yaàmma de pà fákápàa-ma kú bookú, nà nánkú pà de pà dià-ku háá kà pà yòo ya-yahí páati weèni.

Ye kú wòni-hò, Sùwífùpa de maàhu è toò Weèdi fìhinamá yòn pa còòdi kpéemá-dà. Dúki há bekú pòkàtà mentà kú meheká, è yò ye kú yaàmàhàdi de pú yòn Weèdi kpéedí. Ò bekú miì, Weèdi de múntà héè-ma-dà kà Sèsî tontondipá é cèn páati weèni é caka o wenaamá. Pà de cedí mà caka Sèdisàdém meheká-dà, é yídá mà caka yotí totí mèniti de tó-tósi-ti ye pesá, háá é taá-nà tòboocí teñka meheká.

Ti kó neé totá tóná Sèsî tontondipá pàà-na ye pòkàtà mehekà cémá màdéé-dà: Cecemá-dà héé, tóná pà pàà-na Sùwífùpa còhòka. Déèma-dà héé, tóná pà pàà-na boocí toci còhòka. Ye cémá ma déèdi mehekà, Sèsî tontondipá, Píyéè nà Pódì kú tóná hínka-dà Dúki weè-ma sàma. Píyéè de cakáa Sèsî wenaamá Sùwífùpa còhòka-dà, kà Pódì menn é mà caka mèmà pú yòn-pa Sùwífùpa còhòka.

Ñte ye pòkàtà wemà tùn-tùnkàama ma tòoma:

Tn 1.1-12 : Sèsî dadèndèèka fòuku meheká o yántàma dàhàka.

Tn 1.13-26 : Pà takadà Màtíyási k'ó hìn Sèsî tontondikó.

Tn 2.1-13 : Weèdi Sèdi cútàma-ní.

Tn 2.14 - 8.3 : Sèsî tontondipá cakú o wenaamá Sèdisàdém meheká.

Tn 8.4 - 12.25 : Sèsî wenaamá cakàma Sùdèè nà Sàmàdî tempáati meheká.

Tn 13.1 - 14.28 : Pódì cànku cecekú k'ò kó taá é caka Sèsî wenaamá.

Tn 15.1-35 : Tíkàma Sèdisàdém yotí meheká.

Tn 15.36 - 18.23 Pódì cànku déèkú k'ò kó taá é caka Sèsî wenaamá.

Tn 18.24 - 21.16 : Pódì cànku taáku k'ò kó taá é caka Sèsî wenaamá.

Tn 21.17 - 23.22 : Pà cɛɛ́ Pódì Sèdisàdém meheká óò kpená.

Tn 23.23 - 26.32 : Pà tanà Pódì Sèsàdèè yotí.

Tn 27.1 - 28.31 : Pà tanà Pódì Hòdóm yotí.

1

Sèsî cakú o tontondipá è yò ò kó pà kǒǒ-ní Weèdi Sèdi

1 Dapànkpèh Tèòfìdì, n pòkàta cecetá meheká, n wedà-á-ma Sèsî paḡ-sa n'òò biòhàna-sa weñni n'òò cetà-ma o tòmú, 2 háá daadí ò òdisi-dí hǐnka. K'ó neé òdisi hǐnka, ò de kǒǒ nà Weèdi Sèdi noòti o kpéñtínùka-dà, nipa ò de batà-pa kà pà yòn o tontondipá. 3 Ò dii-má náákú é kpíí, ye kú dàhàka é pà fodá còkumá dósódi é pà beka nà paḡma dósódi è yò ò fòu-ú-ma. Daàka púnàhì, k'ò pà foní è pà weì-nà Weèdi wóòti wemá. 4 Daadí yèni, k'ó n'kaadi è pà yon-nà, é pà kǒǒ nùdi è yò: Ne dá nátà-nà Sèdisàdém, àmá né n'ceí Báàa hǐn ò kó ne kǒǒ-sa-ní, paḡí n ne cakáa-di kú wemá. 5 Ìsàḡ cóntá nipa nà néemá-dà, àmá néna, daàka cǛmasí meheká, pà kó ne cóntá nà Weèdi Sèdi-dà^a.

Sèsî òdisi hǐnka

6 Ye wòni, kà mèm̀pa de tísí-pa o pesá óò béka è yò: Ti Teù, ye kú wòni-dà a kó tǔmá é kaàna-má Ìsìdàyédi wóòti?

7 K'ó pà tǛná è yò: Yè pú békú né yádá daadí yoo wòni ye kú niyà kó tèni-dí-ní. N Báàa-dà yè hǐnà n'òò mónn kú noòti. 8 Àmá Weèdi Sèdi kó cútá tǐn daadí ne hǐnka, nì kó ne kǒǒ-ma kpeèti, kà né n'yòn n pútapa Sèdisàdém meheká, nà Sùdèè tempàaku weñni meheká, nà Sàmàdî kpékú meheká, háá nà teñka nà ka nùdi.

9 Ò wedà-ma mema é yò, kà p'òò n'wán k'ò òdikìdì hǐnka, kà wóòdi óò kuncí pà koò p'òò déhà.

10 Kà pà n'káà nèhi òò wán k'ò òdikìdì hǐnka, ye pesá n'èe pesá kà pà n'hǒtá nìi pàdèé nèhi è pà hédí-nà, è báá báapéíti, 11 é pà caka è yò: Kàdìdèè nipa-nà, baà tee kà ne nèhi ye pesá è wán hǐnka? Sèsî mèǹh yídà-kò ne còhòkà é òdisi hǐnka, ò kó yádá tóní n'òò dékáama kú bookù-dà k'ò òdikìdì hǐnka.

12 K'òo tontondipá é yídá taḡdi pà toò-di òdífuna taḡdi, é tón Sèdisàdém yotí. Ye taḡdi de pú tì deu-nà, ye tantàhni de yòn kìdòmétídì òcǒ kú kpéemá-dà. 13 Pà tantà-ma Sèdisàdém, é òdisi nàmòni pà hǒ m'peèku-dí kú meheká, kà nì péé hǒdìdikàta hǐnka. Nte ye o dapàm̀ma mèm̀pa de yè péé-pa pa yèka: Píyèè nà Ìsàḡ, nà Sàákì, nà Àntidèè, nà Fìdípù, nà Tòmáà, nà Bàtèdèmù, nà Mátíyèè, nà Sàákì Àdìfèè bíitá, nà Sìmóò mèǹh yení-ko o yotí kpémú, nà Súdì Sàákì bíitá. 14 Nà nùdi nìcǒ-dà, pa weñni d'èè pèeku-ú-ma è doñ Weèdi nà poòpa, nà Mádî Sèsî màa, n'òò kúcàpa.

Mátíyàsì tantà Sùdàsì fèudi

a ^a 1.5 é ne cóntá nà Weèdi Sèdi, yè kpèi é n'yò Weèdi Sèdi-dà kó cútá-ní ne hǐnka.

15 Ye kú Daàka meheká, kà weèdoòpa é tíká è yò nìpa kòta nà púdée kpéemá. Kà Píyèè é yídá pa còhòka é pà caka è yò: 16 N kúcàpa-nà, yè de békú pà wàtà-sa Weèdi pòkàta meheká-dà é paná. Weèdi Sèdi de wedà-á-ma nà Dàfítì nùdi Sùdásì hínka, mènèh nihí-ko-ní mèm̀pà cègè-pa Sèsî. 17 Sùdásì de yòn ti kóóò òcò-dà. Ò de péè é ti deha-nà-á-ma tòmú pà ti kòò-pu kú meheká. 18 Nà díci pà d'òò bodà-ci o sùma kpémú, k'ó dontá yèdi, é dodi ni meheká bibiùdi (o yudí hínka), k'òò peuti é pìhá, k'òò notí é ya-yahí ti weñni. 19 Kà Sèdisàdém̀ nìpa weñni é mà yèkà, é yíi ye yèdi nà pa bookú wemá meheká è yò Àkèdidámáà, mìi kpèi é n'yò-sa hìma yèdi.

20 Pà wàtà nényènci pòkàta meheká è yò:

O hòòta é hìn dawoñku

òcòh dá tà m'péé.

Pà tùmà wàtà è yò:

Tòòò òcòh é tañta o fèùdi.

21-22 Yè békú tí baàta nìi-dà k'ó ti tuèha-ní, é hìn pútáko ti Teó Sèsî yántáma hínka. Ye yañn yònà é yeèni mèm̀pà de ti noònà-pa wòka weñni meheká-dà. Ò tùmà yònà ò de ti n'noònà-á-ma ti Teó Sèsî de ti centi-nà tìn wòni ti teñka yotí meheká, é tódá wòni Ìsáà ò cóntà-di, háá daadi ò yídà-di é òsi hínka.

23 Kà pá deèda nìi pàdée: Sòséfù pà yún-kó Bàsàbàsì, kà tòòpa ò toò Sùsítìsì, nà Mátíyàsì. 24 Ye kú dàhàka, kà pá paà weèdoòpù memù è yò: Ti Teù, fòh mènèh yáá-ko ti weñni yàma, ti beka ye nìpà pa déékà mehekà a batà-ko, 25 k'ó feùwa Sùdásì fèùdi, é púsí tòmú a kòò-pu a tontòndipá, kà Sùdásì é mù hédá é kahá o kú còku. 26 Ye wòni, kà pá taà tété, é baàta Mátíyàsì, òò tùèha ye tontòndipá pì-òcò.

2

Weèdi Sèdi tèm̀má-ní

1 Pàntèkòtì kúúdi daadi tòi-má, kà weèdoòpa é peeta pa weñni bèmbèni nìcò. 2 Ye wòni n'èè wòni, kà hodí é yeèni nà hínka è yònà yakpeèku heu-má, é tènì súná nàmòni pà de péé-di kú meheká. 3 Ye wòni, kà pá déhá yècì k'yé fodá-ní è yònà hadencí. Kà cí totá totá, é basí bá pa mènèh dèè-ko hínka. 4 Kà Weèdi Sèdi é pà súná pa weñni, kà pá cemá cetá è wei boocí tocí wemá é n'yònà nì de pà peji è yò pá wedá-ci.

5 È hòtà Sèdisàdém̀ meheká, Sùwífùpa yè péé è tùn Weèdi sukú, è yèni-nà-ní teñka heèka weñni. 6 Pà yèkaà-ma ye hodí, kà pá tíká-ní dódòdi. K'yé pà dii pa weñni sàma, mìi tee-sá bá pa mènèh dèè-ko de you k'yèè weèdoòpa wei o bookú wemá-dà. 7 Yè de pà dii kà pà tùmà sègè-é-ma ye kú paámà, kà pà wei è toò: Ye nìpà mèm̀pà wei-pà, Kàdìdèè yañma do pa wenni? 8 Nté y'áá hìma, kà ti you kà pà wei bá ti mènèh dèè-ko bookú wemá? 9 Ti mehekà, nìpa péé-dà è yèni Pátì teñka, kà tòòpa yeèni Mèèti nà Èdám teñka, tòòpa Mèsòpòtámì, tòòpa Sùdèè nà Kàpàdòsì, tòòpa Pòò, tòòpa Àsì tempáaku, 10 tòòpa Fìdisì, tòòpa Pàñfidì, tòòpa Èsípùti, tòòpa Dìbì yotí mènèh hédí-nà-ti

Sidèni teŋka, kà tɔ̀pa yeèni nà Hòdò̀m, 11 tɔ̀pa nà Kédétì, tɔ̀pa nà Àdà̀bù. Ti mehekà, pàcɔ̀ yòn Sùwífùpa-dà, kà tɔ̀pa pú yòn Sùwífùpa àà t̀n pa weèdɔ̀pa. Nà mema, kà ti you kà pà wei Weèdi pà̀sàma ti boocí wemá meheká!

12 Yè de pà dii-í-ma dédéí pa weñni, bá pà koò pú yáá pà kó n'yò̀mù, kà pà békú pà tɔ̀pa è tonà: Mii kpèi é n'yò̀ badà? 13 Àmá, kà pàcɔ̀ dehekú ye weèdɔ̀pa è tonà: Pà boí naàma-dà!

Píyèè cakáà-ma wemá nìku

14 Ye wòni, kà Píyèè nà tontondipá tɔ̀pa pî-òcɔ̀ é yíi neèhi, k'ó weé kpeéma é caka ye nìku è yò: Néna Sùwífùpa, nà néna mèm̀pà kú wenni péé-pa Sèdisàdèm meheká, besí-nà é yekà sukú n kpèi é n'yò̀pu. 15 Ye nìpà pú boí naàma k'yé n'yò̀nà ne maàkumá, mì tee-sá yè káà yòn wòni màwò̀-dà kányè̀nfa. 16 Àmá, sàmà-dà Weèdi wetè̀nàko Sòwè̀di de cakáà-sa pà̀-ma. Ò de wedà è yò

17 Weèdi yò: Dadè̀ndèka meheká,
n kó cun n Sèdi-dà nìfò̀o weñni hì̀nka.
Ne bídahí nà ne bípohí kó n'tè̀ni n hì̀mpú-dà,
kà ne dapà̀mma n'dé̀hù bekàma,
kà ne dakpè̀nhí n'dé̀hù pà̀sàma hi dɔ̀hòti meheká.

18 Mòma-dà, ye kú daàka meheká,
n kó cun-ma n Sèdi n dehàpa hì̀nka,
daapá yoo poòpa, kà pà n'tè̀ni n hì̀mpú.

19 N kó pàá pà̀sàma-dà hì̀nka,
é pàá pòntáyìpa teŋka hì̀nka,
kà né déhá hì̀ma, nà hamú, nà yúkú wò̀ddi.

20 Ye daàka meheká, wè̀nku kó bikà-á-ma,
kà cìma é hùgdá é n'yò̀nà hì̀ma,
kà Bateó daadí há neé tè̀ni,
daadí mènì yò̀n-di daasàdi è túmà suu sukú.

21 Ye wòni, nì mènè̀n kú wenni
kó kò̀n-nà-ko Teó,
kó fìtá-ma.

22 Ìsìdàyè̀di nìpa-nà, besí-nà é yekà n kó ne caka-sá: Weèdi yeè-nà Sèsí Nàsàdè̀ti kóoó-dà é pàá pòntápà̀ma nà pòntáyìpa ne còhòka, ne mómpá mà yáá-dà-ma. Ma kú bookú-dà Weèdi ne bekáà-ma è yò mení-d'ò̀ò tòn-ní. 23 Mení-dà pà tàà-ma ne nòhi meheká, é n'yò̀nà Weèdi de takadà-ma, nà nì de hì̀nà-sa è yò yé pàná. Néna-dà héè kà mèm̀pà pú yáá-pa Weèdi ò̀ò kpéj kpidòkú hì̀nka, ò̀ò kò̀. 24 Àmá, kà Weèdi ò̀ò yàhina, ò̀ò fèda kúmú dákáti meheká, mì tee-sá yè de pú cédí kà kúmú ò̀ò cāhina mu nòti meheká. 25 Dàfìti de wedà-á-ma o hì̀nka è yò:

N de dii-í-ma Teó

wòka weñni n yìhìka,
ò péé n heùma-dà,
k'yé teha kà n dá n'ceùdi.

26 Ye kú kpémú-dà tee, kà n yàma naa,
kà n dèh nà wèèdi.

Bá híúdi meheká,
n wòhku kó m'muhipú nà dańma-dà,
27 è yáá a pú kó n wéi kpíiku meheká.

A pú kó hédá,
mmí, a təkadáko,
ká n pèi híúdi meheká.

28 A n bekáà-á-ma còku
mènkù kódi-nà-ku fòumu meheká,
a kó nà péé-nà-á-ma,
é n súná yańnaakú.

29 N kúcàpa nà n potòpa-nà, héé-nà ká n ne caka pópói yè hìmpú ti yàdo Dàfítì hìńka. Ò kpíi-í-
ma, kà p'òd dáná, k'òo híúdi kàà péé ti còhòka háá nà yenì. 30 Àmá, ò de yòn Weèdi wetéńáko-dà,
è yáá è yò Weèdi de wéháà òò hínà nùdi è yò nì kó kaàna o yaàbídí nìcò o wóokàtáda hìńka. 31
Dàfítì de denà é déhá mìi kó tènì-sá-dà-ní, ye wòni é wedá Kídísì yáńtáma wemá, è yò:

Pà p'òd wéi kpíiku meheká,
o wòhku mèe pú pèi híúdi meheká.

32 Ye Sèsù n weì-kò kú wemá, Weèdi òò yáhìnà-á-ma, ti weñni nònci meheká. 33 É yídá, kà
Weèdi òò dikanà hìńka, òò kàna ni nòkànheùma, òò kòj ni Sèdi nì de hín nì kó kòj-di-ní, k'ó nì ti
cuní-ní. Mii-dà ne mèe dìi-má sàmà, èè you. 34 Dàfítì mónn pú òò hìńka, àmá ò yò:

Bateó Weèdi cakáà
n Teó è yò:
Yaní kaàdi n nòkànheùma,
35 háá é n'sàna
n kó héé-ma
k'á cèn a kààtòpa hìńka.

36 Ìsìdàyédi nìku weñni yònà é n'yáá-ma mómasí hìńka è yò, ye Sèsù ne kpéi-ko kpíidokú hìńka,
Weèdi hìn-kó-dà Teó, é túmá òò hìn Kídísì.

37 Pà yèkaà-ma ye wemá, kà má pà pín dédéí. Kà pá béka Píyèè nà tontòndipá tòpa è yò: Ti
kúcàpa-nà, nté ti yònà é hìmà-dà?

38 Kà Píyèè é pà ténà è yò: Pènta-nà paáma, kà bá mènè dèè-ko é héé kà p'òd cóntá nà Kídísì
yèdi, k'yé teha kà Weèdi é ne deèda ne sùma. Ye wòni, ne kó déta-ma Weèdi Sèdi mènè yòn-di ni
padí, 39 è yáá Weèdi hínà ye nùdi ne kpémú-dà, nà ne bíhí kpémú, é péé-nà mèmpa kú wenni

péé-pa nátáma, nà ti Bateó Weèdi kó yí-pa weñni.

40 Kà Píyéè é tǔmá pà caka wemá tǔdǔma dǔdǔdi, è kpèi é yahikàna pa wǔnti kà pá teha. Ò de pà cakú è yò: Wǔnkù menkù kú nìpa yòn kpákpàapa-dà. Pà cédá-nà kà Weèdi é ne fìhina.

41 Pa meheká, kà nìpa dǔdǔdi é teha Píyéè wemá, é hédá kà pá pà cóntá. Ye kú daadí, nìpa tòhika kàtaḡa kpéemá-dà de tuehà weèdǔdǔpa dǔdǔdi hǐnka. 42 Pà de kǔḡ-ḡ-ma pa cǔḡdi è bekù wǔka weñni Sèsñi tǔntǔndipá biḡhànamá, è fòu kúcàti meheká, è tónkú Weèdi dipú nùdi nìcǔ, è péè pǔkú weèdǔdǔpu.

Weèdǔdǔpa fòumu

43 Bá mènḡ dèè-ko de káá Weèdi wantafḡdi-dà, mìi tee-sá Sèsñi tǔntǔndipá de pǔkú pǔntáyíipa nà pǔntápaḡma dǔdǔdi-dà. 44 Weèdǔdǔpa weñni de múrn nùdi-dà, è péè tookú pà káá-sa weñni. 45 Pà de hǔ yeda pa neñti nà pa káama è té tótá ye dífa-dà pa weñni, bá pa mènḡ dèè-ko kpèkaama. 46 Daaka weñni, pà de pú hǔ mǔnka pà kó peeta-ma Weèdi hǔḡta meheká. Pà de péè è yon-ń-ma Weèdi dipú pa hǔḡhí meheká, è mù tónkú nà yañnaakú nà yàma màcǔ. 47 Pà de duñti-í-ma Weèdi, kà nìpa weñni pà sedí. Daaka weñni, kà Teó tuehèni pa meheká, ò de fìhíni-pa.

3

Hòuta tàcǔtà kpekànamá

1 Daadí yèni, kà Píyéè nà Ìsǔḡ é n'kódí weèdǔdǔpu Weèdi hǔḡta meheká. Ye weèdǔdǔpu, pà de mù pǔkú yohokú wǔni màtaḡa-dà. 2 È hǔtà pà toó-ní dǔdǔ òcǔn, nà p'òdè pedà-ma k'ò yòn hòuta. Daaka weñni, pà de h'ḡḡ toó-ní é tēni òdè hǐná Weèdi hǔḡta hǔnñùdi pà toò-di-dà hǔnñusuudí, k'yé teha k'ò n'cǔdhu díci mēm̄pà de dúu-pa ye Weèdi hǔḡta meheká. 3 Ye hòuta déhà-ma Píyéè nà Ìsǔḡ kà pà dúti, kà tá pà cǔhà díci. 4 Píyéè nà Ìsǔḡ kà pá fitá é tà n'wán, kà Píyéè é tà caka è yò: Ti wántá-ní! 5 K'yèè hòuta é pà wántá nà ta yàma weñni, è màhu è tonà pà kó tà paḡ yècǔḡ-dà. 6 Àmá kà Píyéè é tà caka è yò: N pú káá dífa, n mēe pú káá wúdó, àmá n káá-sa m'a pǔn-sá-dà. Nà Sèsí-Kídísì Nàsàdèti kóoó yèdi, yídá é cèn!

7 Ye wǔni, k'ó cǔḡ ta nǔkànheukú é tà yíkàna-ní. Ye pesá n'èe pesá, k'yèè hòuta tàka nà ta taàcǔnci é dètá kpeèti. 8 Kà tá cem̄ pùu-ní é neñhi ta tàka hǐnka, é cetá cem̄. Kà tá nǔó-n'èe tǔntǔndipá kà pá dúu ye Weèdi hǔḡta meheká, kà tà cènti, è fékù, è dùnti Weèdi. 9 Kà nìku weñni é tà déhá, kà tà cènti è dùnti Weèdi. 10 Pà bantà-ma è yò dǔdǔ mènḡ de hǔ n'kaadi-kó-dà Weèdi hǔḡta hǔnñusuudí pesá è cǔhàta, kà wantanfḡdi é pà cǔḡ, k'yé pà dii nà mìi de ò tēni-sá-ní.

Píyéè wei-nà nìku Weèdi hǔḡta meheká

11 Ye dǔdǔ de koò pú kpèi é nátá-nà Píyéè nà Ìsǔḡ. K'yé dii nìku weñni, kà kú cocí-ní pa pesá, hǔnñhàni pà toò-di Sàdòmǔdò hǔnñhàni meheká. 12 Píyéè déhà-ma miya, k'ó caka ye nìku è yò: Ìsidàyédi nìpa-nà, baà tee k'yé ne dii nà mìi paḡ-sa kú hǐnka? Baà tee kà ne ti kódí ma kú bookù, k'yé yònà nà ti cǔḡdi kú nǔditi-dà yoo ti códíma kpémú-dà tee tí paḡ-ma k'yèè dǔdǔ mènḡ é cèn? 13

Weèdi mènì yòn-di ti yààpa Àbààhám, nà Ìsàákì, nà Sàkópu Weèdi-dà bekàà ni deho Sèsî wehimú. Ne móm pá-d'òò yeé-nà yotí kpémma, òò yeda Pídátì yìhika, kà menn há de kpèi òò wéí. 14 Ne yedàà mènè weni-kó-dà è coó, é còhà Pídátì è yò ó ne wéí niikòudo. 15 Ne hédà kà pá kòu mènè yòn-ko-dà fòumu yudí. Àmá Weèdi ò yáhinà-á-ma kpíipa meheká, kà t'òò déhá nà ti nònci. 16 Sèsî ti dań-ko kú yèdi kpémú-dà tee ye dcoò ne dii-kò òò yáá, ò détà-ma kpeèti è nèhi cócó. Dandaní ti káá-di Sèsî hínka-dà kpekàna ye dcoò ne weñni yìhika.

17 N mèe yáá-ma dédéí n kúcàpa nà n potòpa, è yò néna nà ne kpémma ne paà miya è pú yáá. 18 Weèdi há paà nì de wedà ni weténápa weñni nùdi meheká è yò nì kó paá-sa-dà. Nì de yò ni Tàkadáko yònà é dii náńkú-dà. 19 Peñta-nà fòumu, é fitá Weèdi béka kà ní ne deèda ne sùma. 20 Ye wòni, Bateó kó ne paà-á-ma muhipàma wòka, é yí ton-ní ni Tàkadáko Sèsî, nì denà é baàta-kó ne kpémú. 21 Yè békú Sèsí-Kídísì é denà é m'péé hínka-dà, háá é n'sàna daadí Weèdi kó tón é dðhà-di niya weñni. Nì de mà weè-é-dà-ho ni weténáwenipá nùka meheká, k'yè káa deu. 22 Mòyísì de wedà o kú hínka-dà è yò: Bateó ne Weèdi kó ne ton-ń-ma-ní weténáko k'ó n'yònà mmí, é n'yòn ne kúcàa. Ne kó besí-ma ò kó ne caka-sá weñni. 23 Mènè kú wenni kó yee-kó ò kó besí-ma ye weténákò-ní, pà k'òò dèna-á-ma Weèdi niku meheká, òò kòu. 24 Weèdi weténápa mèmpa kú wenni wedà-pa, é cetá-nà Sàmùyédi, nà mèmpa tùnà-pa-ní o dàhàka, pa weñni de wedà-á-ma mìi kó tènì-sá-ní ye daakà menkà kú meheká. 25 Weèdi de yeè-nà ni weténápa é híná-di nùdi, mèe té yòn ne kpéedí-dà. Múnáma nì de paà-nà-ma ne yààpa, mèe té yòn ne kpéemá-dà, è yáá nì de cakáà Àbààhám è yò: N kó kóná teńka boocí weñni n'aa yaábíiká kú noòti-dà. 26 Weèdi takadà ni deho òò kòj-ní ne kú kpémú-dà cecemá. N'òò ton-ní è yò ó ne kóná-ma, é hédá kà bá ne mènè dèè-ko é wéí o paákpákpàama.

4

Píyéè nà Ìsáà Sùwífùpa kpémma yìhika

1 Píyéè nà Ìsáà de káa wei-nà niku-dà, kà dðhàka yamma, nà Weèdi hòtá ceípa kú kpénn, nà Sàdúkípa é tènì. 2 Yè de pú pà naa dédéí nà Píyéè nà Ìsáà de bihàni-sa niku. Pà de kú cakú è yò Sèsî yántà-mà-ní, kpíipa mèe té kó wántá é yántá-ma. 3 Kà pá pá ceg é pà yèi kódeedí háá-nà kúnweñni, mìi tee-sá weńku de yò dcoòpú-dà. 4 Nà mema, nipa mèmpa de yeèkaà-pa Weèdi wemá, kà pa dóódi é hín weèdòpa. Pa dóódi de yò-ó-ma tòhèka kànùm kpéemá.

5 K'yé weka, kà Sùwífùpa kpémma, nà yotí kpémma, nà Weèdi kpéntinùka bihànapá é peèta Sèdisàdém. 6 Dðhàdi kpénn Ànì d'eè péé-ma, nà Kàyífù, nà Ìsáà, nà Àdèkìsántì, nà dðhàdi kpénn hòtá kpéepá weñni. 7 Kà pá kòj nùdi, kà pá teè-ní Píyéè nà Ìsáà, é pà nèhina pa còhòka. Kà pá pá béka è yò: Wòò ne kòj ye noòti kà né kpekàna ye dcoò-ní? Nà wòò kú yèni-dà ne paà-ma miya?

8 È hòtá Weèdi Sèdi súnà Píyéè, k'òò mèe pà caka è yò: Yotí wóopa nà yotí kpémma-nà, 9 ne ti békú yenì, suumá ti paà-ma-dà hòtá hínka, nà ti hìmpú é tà kpekàna nkéè? 10 Ne wenni, nà Ìsidáyédi niku weñni yònà é n'yáá-ma è yò, ye dcoò nèhi ne yìhikà nà wònkpeèti nà Sèsí-Kídísì

Nàsàdétì kóóó yèdi nòòti-dà. Ye Sèsî-dà ne kpéí-ma kpíidokú hínka kà Weèdi òò yáhina kpíípa meheká. 11 Weèdi pòkàhi wei-ko kú wemá-dà è yò:

Táàdi, néna maápa wéi-dí,
mení-dà tón é hín táàdi
mèni púsí-di sukú nàmòni kpekpekamá.

12 O kú pesá còòdi-dà fìhìnamá péé-ma. Teñka nà ka nùdi, Weèdi pú kòò nido tòò òcòñ kú yèdi, mèni yònà é ti fìhìna-di.

13 K'yé dii sàma ye Sùwífùpa yudí kpémma, mì tee-sá pà de déhà Píyéè nà Ìsáà de pà wei-ma-dà nà damma, kà p'áá tùmá cós é n'hótà pà pú yòn nìisàpa pàcòpà, pà mèe pú yáá pòkàta. Pà de yáá è yò pà de nòò-nà Sèsî-dà. 14 P'áá de dii-má ye doòò mènñ kpekàà-ko k'ò nèhi è pà pèe-nà tá, kà pá mónka pà kó téná-sa. 15 Kà pá kòò nùdi è yò pá yèdi ye sídàma nahàku meheká, ye wòni é púsí nòndhicí pa còhòka. 16 Pà de cakú pa tòòpa è tonà: Ti kó paá mómónya-dà ye nìpà-ní? Sèdisàdém nìpa weñni yáá-dà è yò pà paá pónítapaáma, mà pú sòdi, ti mèe pú kó neé mà nòhì. 17 Àmá, ti pú yònà é héda k'yèe wemá é dòhà é pidá nìku meheká. Tí deèna nùdi é yeda è yò pà koò dá weé n'òòcòñ Sèsî yèdi.

18 Kà pá tùmá pà yí-ní, é pà caka è yò pà koò dá wedá yoo é biòhàna nà Sèsî yèdi. 19 Àmá, kà Píyéè nà Ìsáà é pà téná è yò: Ne mómpá é cós é déhé-è! Ye coó-dà Weèdi yìhika è yò tí besí néna é yeda Weèdi kpéemá? 20 Tínti, ti pú kó neé héda è pú n'wedá ti déhà-sa nà ti yeèkaà-sa.

21 K'yèe Sùwífùpa yudí kpémma é tùmá fátá nònci pa hínka, ye kú dàhàka é pà wéi. Pà de pú déta pà kó yèi-sá kú hínka é yòñ-nà pa toòka, è yáá nìku weñni de duñti Weèdi-dà nà mì paà-sa kpémú. 22 Ye doòò mènñ de déta-ko kpekàma n'èe kú pónítapaáma, de hàtà-á-ma beeká púnàhì.

Weèdoòpa weèdoòmu

23 Pà pà wéi-má, kà pá cem taá pa kpéepá pesá, é tèi é pà caka dòhàka yañma kpémma nà yotí kpémma de pà hímpú weñni. 24 Pà yèkaà-ma mema, kà pá péé nùdi nìcò é doò Weèdi è yò: Ti Bateù, fòñ-dà paà teñka nà hínka, nà dàmedì, nà mì péé-sa weñni ye meheká. 25 Fòñ-dà de héda k'aa Sèdi é wedá n'aa deho Dàfítì ti yàdo nùdi meheká è yò:

Baà tee kà boocí nìku
toó hoodí dòm?
Baà tee kà cì daakú còci
mèncì pú cì kódí-nà-ci yècò?

26 Teñka wóopa yída tòdi,
kà yotí kpémma é múná nùdi
è kònti-nà Bateó n'òò tákadáko.

27 Mómasí-dà Hèdótì nà Póñsí Pidátì de péè-ma nùdi yotí mentì kú meheká, nà boocí tòcì nìpa, nà Ìsìdàyédi kpéepá è kèj-nà a dehè-wenó Sèsî a batà-ko k'ò yòn a tákadáko. 28 Pà paà a de hínà è kó paà-sa weñni-dà nà daadí yèni, a nòòti n'aa kpèimá meheká. 29 Sámà-ní ti Teù, déhá pà ti

fákápú-ma kú bookú. Paá a dehèpa kunnònci kà pá caka a wemá. 30 Beka a nòti k'yé teha kà kpekànamá, nà pónítapaáma, nà pónítáyíipa é paá n'aa dehè-wenó Sèsû yèdi.

31 Pà yò-má weèdòpu, kà bèmbèni pà de tísi-di é sampà. Kà Weèdi Sèdi é pà súná, kà pá cetá è cakú Weèdi wemá nà kunnònci.

Weèdòpa múni káama è pèè mà tookú

32 Mèmpà kú wenni tàa-pa dandaní Sèsû hínka de múni nùdi nicò-dà dédéí, è yòn yàma màcò, yaàmàhàdi nicò. P'òdcòn de pú hù n'yò o káama yòn o còcòdi kpéemá-dà, àmá pà de káa-sa wenni de yòn pa wenni kpéesá-dà. 33 Nà nòti sàti-dà ye tontondipá de cakú-ma Teó Sèsû yántáma wemá, kà Weèdi paásuumá sàma pà kóm. 34 Pa meheká òcòn de pú mónkú yècèè. Mèmpà kú wenni de káa-pa yèka yoo hójhí de hù yè yeda-á-ma, é teení ye dífa 35 é fà kój ye tontondipá. Ye wòni, kà pà té fà totá, bá mènè dèè-ko k'ó déta y'òò békú-fa kú nùdi.

36 K'yé n'yònà dodo òcòn de kákáama yèdi. Ye dodo yèdi-dà de deè Sòséfù, k'ò yòn Dèfñ nahaku kóó, k'òo yotí héé Sípúdi, kà Sèsû tontondipá de ò pèj yèdi tòdi è yò Bànábasi, mì kpèi é n'yò-sa: Nido mènè nakànì-ko yàma. 37 K'ó yeda o yèdi, é teení ni dífa é fà kój ye tontondipá.

5

Ànànyási nà Sáfída nuñhetí

1 Dodo òcòn-dà há de péé kà p'òò toò Ànànyási, k'òo poòo kpéedí toò Sáfída. Kà pá kòdà n'òo poòo é yeda pa teñka. 2 K'ó yakàda ye dífa é soòna k'òo poòo yáá, é tóo sònfá é taá kój Sèsû tontondipá. 3 Àmá, kà Piyéè òò béka è yò: Ànànyási, badà tee k'á héé kà weèkupá wódo é tañta ma kú bookú a yàma k'á báná Weèdi Sèdi è yò a yèdi dífa wenni-dà è há fà yàkàdà é soòna-ní hójta? 4 A de mun pú nì yeéè-ma, nì de pú yòn a kpéed'áa? Yoo a nì yeéè-ma é yò, k'à de kpèi-nà-sa ni dífa, a de pú kó neé yè paná? Nté y'áa himà k'á takadá a yàma meheká, é paá ye kú paámà-ní? Yè pú yòn nipa-dà a bánáa-ma, àmá a bánáa Weèdi-dà. 5 Ànànyási yèkaà-ma mema, k'ó dodi é kpíi. Mèmpà kú wenni de mà yèkaà-pa, kà wantanfòdi é pà cèè sàma. 6 Kà dapàmma é yída, é pòá o wònkú, é kù kahàna é taá kù dáná.

7 Kà wòni màtaa kpéemá é kahá, k'òo poòo é dúú-ní è pú yáá mì paà-sa. 8 Kà Piyéè òò béka è yò: N caka-ní, ne yedáa ne yèdi dífa menfà kú nùdi-dà? K'ó téná è yò: Àà, menfá kú nùdi-dà. 9 Ye wòni, kà Piyéè òò caka è yò: Nté yè himà fñ n'aa dodo kà né kòdà é beñ Bateó Sèdi? Nte, kà mèmpà dánà-pa-ní a dodo péé hánnùdi. Pà mèe té k'áa tódá-ma. 10 Ye pesá n'èe pesá, k'ó dodi ye tontondikó tàka fòdi é kpíi. K'yèe dapàmma é dúú-ní, òò déhá k'ò kpíi. Kà p'òò tódá é taá ò dáná o dodo pesá. 11 Kà wantanfòsàdi é cèè Weèdòpa wenni, nà mèmpà kú wenni de yèkaà-pa ye kú paámà-ní.

Pónítapaáma dódí

12 Sèsû tontondipá de pakú pónítapaáma nà pónítáyíipa dódí-dà nipa còhàka. Weèdòpa wenni de

hɔ peɛta nɔdi nɛɔ-dà Sàdòmɔɔ hɛnhɛni meheká. 13 Toɔ òcɔn de pú hɔ teha é pà péé-nà. Nà mema, kà nɛpa de pà sedí sàma. 14 Nɛpa mèm̀pà de tani-pa pa dandaní Teó hɛnka, daapá nà poopa kà pa dɔɔdi dɔɔhaà è wehikú, kà pà dákù-ho weɛdɔpa hònhòkàdi. 15 Pà múntà de hɔ toha-ní mɔkàpa cɔci béécí-dà, é pà dɔá dɔɔka hɛnka yoo mèti hɛnka, è kpèi kà Píyèè kɛhedí, k'òo wéma é pɛ́n bá p'òcɔ pa meheká. 16 Kà nɛpa dɔɔdi mèe té de é yeèni nà yotí mènti tó-tósi-nà-ti Sèdisadém, è toó-ní mɔkàpa nà weèkupá de fákápu-pa, pa weñni kà pá kpeka.

Pà fákápu Sèsí tontondipá

17 Ye wòni, kà d̀hàdi kpènn, nà mèm̀pà de ò péé-nà-pa weñni, è yòn Sàdúkìpa hùhùkèdi kpéepá é yídá sɛsɛkú pa hɛnka. 18 Kà pá pà cɛɛ é pà yèi kódedí. 19 Àmá yènka meheká, kà Bateó tontondikó é tɛni kpetá ye kódedí còka, é pà dèna, é pà caka è yò: 20 Taá-nà Weèdi hɔɔta meheká, é tɛi caka niku fòumu wemá. 21 K'yèè tontondipá é tɔ̀na o wemá. Kányènfá pìpìdi, kà pá yídá é taá Weèdi hɔɔta meheká é tɛi cetá è biòhàni.

Ye wòni, kà d̀hàdi kpènn, nà mèm̀pà d'òò péé-nà-pa weñni è yòn Sùwífupa yotí kpèmma, é tíká sídàma nahàku nɛpa weñni. Kà pá tɔn è yò pá toó-ní ye tontondipá kódedí meheká. 22 Àmá, kà kódeceépa é tɛi pà pú pà déhà kódedí meheká. Kà pá tón ye sídàma nahàku nɛpa pesá, é tɛi é pà caka è yò: 23 Ti tɛi è hɔ́ta kódedí kpeé-ma sásá, kà ni ceépa neèhi ni hánnùka è ceí. Àmá kà tí kpetá ni còka é dúú, ti pú déhà òcɔn ni meheká. 24 Weèdi hɔɔta ceépa kpènn, nà d̀hàka yaímma kpèmma yeèkaà-ma mema, k'yé pà dii sàma, kà pà békú pa tɔ̀pa mìi kó tɛni-sá-ní ye tontondipá. 25 Memá-dà, k'òòcɔn è tɛni é pà caka è yò: Ye nɛpa ne yèi-pá kódedí péé-ní Weèdi hɔɔta mùnku meheká è biòhàni niku.

26 Kà kódeceépa kpènn é kahá n'òò sòsipa, kà pá taá é cɛɛ-ní ye tontondipá. Àmá pà de pú pà paà nà kpeèti, mìi tee-sá pà de wani niku kó pà kámu-má-dà táàka. 27 Pà pà cɛɛ-ma é pà tɛná-ní, é pà tanà sídàma nahàku nɛpa yìhika, kà d̀hàdi kpènn é pà béka è yò: 28 Ti ne cakàà-á-dà tenten, è yò ne koò dá biòhàna nɛpa n'èè dɔɔò yèdi. Nte hákà kà ne súnà Sèdisadém weñni nà ne biòhànamá. Ne kpèi é n'yò tɛnti-dà tee ye dɔɔò kúmú-ì? 29 Kà Píyèè n'òò tontondipá tɔ̀pa é tɛná è yò: Yè békú tí tɔ̀na Weèdi hɛmpú-dà é hédá nɛpa hɛmpú. 30 Ti yààpa Weèdi yáhinà-á-ma Sèsí ne kpéi-ko kpíidókú hɛnka, óò kòò. 31 Mení-dà ni mèe dikànà-ma hɛnka é taá ò kàna ni heuma, k'òò yòn wódo, è yòn fìhìnɔ. N'òò hɛn mema, è kpèi Ìsìdàyédì niku-dà é cehèna paàma, kà ní pà dèda pa sɛjima. 32 Tɛnti déhà-á-ma ye kú paàmà nà ti nònci, é péé-nà Weèdi Sèdi ni kɔ̀di-ní mèm̀pà ni bekù-pa kpémú.

33 Ye sídàma nahàku nɛpa yeèkaà-ma mema, kà fɔ̀di é pà cɛɛ, kà pà kpèi é pà kòò. 34 Àmá pa meheká, kà Fàdisi òcɔn yè péé kà p'òò toò Kàmàdiyédì, k'òò yòn kpéntinùka biòhànakó, kà niku weñni ò kèhi. K'òò yídá é neèhi pa còhòka, é kɔ̀ɔ nɔdi è yò pá cedí deèna ye tontondipá wòni céma. 35 Ye kú dàhàka, k'òò pà caka è yò: Ìsìdàyédì nɛpa-nà, paà-nà yòkàma ne kpèi é paà-sà ye nɛpà hɛnka. 36 Yè pú yókàà nà ti déhà-ma dɔ̀ò pà toò-ko Tèdásì. Ò de tóíkú o cɔ̀ɔdi niisào-dà, kà nɛpa kòònà nàhi kpéemá óò tɔ̀na. Àmá kà p'òò kòò, kà mèm̀pà de ò tɔ̀n-pá é wiida pa békà békà, bá ti

koò pú you pa nampàta. 37 O kú dàhàka, kànkàmu wòni, kà Sùdàsì Kàdídèè yotí kóóó mèè té fodá-ní. Ò mèè té de yǒn-ma nìku dósódi kà k'òò pùdi. Kà pà mèè t'òò kòù, mèmpà de ò pùdi-pá weñni, kà pá wiida pa békà békà. 38 Sámà-ní, n ne cakú-ma: Ne koò dá n'wisí ye nìpà-ní, pà héé-nà kà pá kàhá. Kà pà bǎhòta-sá, nà pa tòmú péé-nà-ní nìpa pesá-dà, yè kó kàhá-dà. 39 Àmá, k'yè yèni nà Weèdi pesá-dà, ne pú kó neé pà nèhina. Né paá yókàma kà ne dá yetá dúú tòdi nà Weèdi! K'yèe sídàma nahàku nìpa é teha o wemá. 40 Kà pá tùmá yíi-ní ye tontondipá, é hédá kà pá pà podí, é yò é pà caka è yò pà koò dá wedá nà Sèsù yèdi. Ye kú dàhàka, kà pá pà wéi. 41 K'yèe tontondipá é yídá ye sídàma nahàku nìpa pesá, k'yè pà naa dédéi nà Weèdi de hótà-ma pà kó neé dii nánkú nà Sèsù yèdi kpémú. 42 Daàka weñni, Weèdi hǒta meheká nà hǒhí meheká, kà pá n'sòncí è biòhàni, è cakú Sèsù wenaamá è yò mení-dà yòn Weèdi takadáko.

6

Pà bàtà nìi pàyeñi kà pà kó tempa-nà Sèsù tontondipá

1 Ye daàka meheká, weèdòpa dósódi-dà de tǎhèni è káá. Kà Sùwífùpa mèmpà de taà-pa pa dandaní Sèsù hǎnka è wei Kèdékidi, é kǎi-nà pa Sùwífù tòpa mèmpà de wei-pa Hèbùdèèdi. Pà de kǎi è yò daàka weñni, pà pú hǒ diida sukú pa kú kpíipoòti dimá totá wòni. 2 Memá-dà, k'yèe tontondipá pǎi-pàdéé é pehèna Sèsù kpéepá weñni é pà caka è yò: Yè pú sudi tí hédá Weèdi wemá cakàpu, é n'wèsi dimá totáma. 3 Ye kú kpémú, n kúcàpa nà n potòpa-nà, baàta-nà ne mehekà nìi pàyeñi, mèmpà kú fòumu suu-pá, kà Weèdi Sèdi nà yañfòuma pà súnà, kà tí pà kǒj ye kú tòmù-ní. 4 Mema, ti kó neé sǒkadá-ma é kǒj ti cǒjdi weèdòpu meheká, nà Weèdi wemá cakàma meheká. 5 K'yèe mèmpà de tísí-pa weñni é teha ye wemá. Memá-dà kà pá takadá Ètíyèni, nìi k'ò káá dandaní dédéi, kà Weèdi Sèdi ò súnà. Kà pá yíi takadá Fìdípù, nà Pòdòkòò, nà Nìkànòò, nà Tímòò, nà Pàdimènasì, nà Nìkòdàà k'ò yòn Àntíyòsì yotí kóóó, è há de é kǒj o cǒjdi Sùwífùpa weèdòpu. 6 Kà pá pà teèni Sèsù tontondipá yihika, kà pá cǒnà pa nǎhi pa hǎnka é dǒ Weèdi pa kpémú. 7 Kà Weèdi wemá é dǎhà pidá. Kà Sèsù dapànma dósódi é dǎhà è tǎhìni Sèdisadém meheká. Kà dǎhàka yaàma dósódi tanì pa dandaní Sèsù hǎnka.

Ètíyèni cǎma

8 Weèdi de bekáà Ètíyèni ni paásuumá-dà òò súná ni kpeèti, k'ò pakú pónápáama, nà pónáyíipa nìku cǎhàka. 9 Kà nìi pàcǒpà òò yee-nà dédéi. Pàcǒ de yòn Sùwífùpa Weèdi wemá biòhà-nàmòni pà toò-di «~Mèmpà yèè-pa núniti weèdòò-nàmòni» kpéepá-dà, è yèni nà Sídèni nà Àdèkìsánti tempáati. Kà tòpa yòn Sìdisù nà Àsù teñka kpéepá. Mempa-dà de yídà nònòhicí nà Ètíyèni. 10 Àmá, kà pá hǎka pà k'òò héi-ma wemá, mìi tee-sá Weèdi Sèdi-dà d'òò kǒni yañfòuma k'òò wei. 11 Memá-dà kà pá bodá nìpa dící è yò pá n'yò pà yèkaà kà Ètíyèni tèu Mòyisì nà Weèdi. 12 Ma kú bookú-dà pà de fucí-ma nìku, nà yotí kpémma, nà Weèdi kpéñtìnùka biòhànapá, kà pá kúkádá Ètíyèni, òò cǎdí òò tanà pa sídàsàpu hǒta. 13 Kà pá teèni nuñhetí yaàma, kà pá tēni è yò: Ye dǒò menñ baà hǒ n'tún è wei Weèdi hǒwenta nà Mòyisì kpéñtìnùka kpákpaàma-dà! 14 Ti

yeèkaà-á-ma k'ò wei è yò Sèsî Nàsàdèti kóóó, kó pódá-ma Weèdi hòtá mentà, é cehèna ti bokupaáma Mòyisì ti kòò-ma.

15 Mèmpà kú wenni de kaàdi-pá ye sídà-nahàku meheká, kà pa nònci fà-fádí Ètíyèni, kà pá déhá é n'hótà o yìhika yònà Weèdi tontòndikó kpéeká.

7

Wemá Ètíyèni de weè-ma

1 Kà dèhàdi kpènn é béka Ètíyèni è yò: Pà wei-sà a hínkà yòn bemú-dà? 2 K'ó téná è yò: N kúcàpa nà n báàpa-nà, besí-nà é yekà n kpèi é n'yòpu. Weèdi mènì wehi-dí de bekàà-á-ma ni còòdi ti yàdo Àbààhám k'ò kàá péé Mèsòpòtàmî tenka, k'ó neé taá kaàdi Hádàni tenka. 3 Ye bekàma meheká, kà n'òò caka è yò: Yídá a tenka, n'aa hòtá kpéepá, é taá tenka n k'aa beka-ká kú meheká. 4 Memá-dà, kà Àbààhám é yídá tenka pà toò-ka Kààdèè, é taá é kaàdi Hádàni kpéeká. Ye kú dàhàka, k'òo báàa é kpíi, kà Weèdi óò yíkàna-ní Hádàni tenka, k'ó tènì é kaàdi ne péé-kà kú mehekà wòni menì. 5 Weèdi há de p'òò pèj yècî ka meheká, bá tempètàda kà tà sàà-nà tàdi pèekamú. Àmá nì d'òò hína nùdi-dà è yò: N kó wántá áa pàá-á-ma ye tenkà, a kú dàhàka, k'aa yaàbíiká é kà teeka. Nì d'òò cakú mema, ye kú wòni-hò kà Àbààhám mun pú káá bída. 6 Kà Weèdi óò caka è yò: A yaàbíiká kó wántá wèe-é-ma tòtenka, é hìn núnma ka meheká, kà pá kà diá nánkú háá beeká kòonà nàhì. 7 Àmá n kó wántá sída-á-ma niku mènku kó kà núná-ku. Ye dàhàka, kà ká yeèni ye tenka é tènì é n duntà bèmbènì menì. 8 Ye kú dàhàka, kà Weèdi é pàá múnáma nà Àbààhám. Ye múnáma yjód-dà de héé çantáma. Memá-dà, kà Àbààhám de é pedá o bíidatá Ìsáákì é tà çantá ta daniidí. Kà Ìsáákì mèè té çantá o kú bíidatá Sàkópù, kà Sàkópù mèè té çamu o kú bíidahí, ti yààpa pî-pàdèé.

9 Kà sèçékú é yee-nà ye Sàkópù bíidahí, hi kúcàa Sòséfù hínkà, háá kà hí ò yèda k'ó hìn nún Èsípùti meheká. Àmá kà Weèdi de óò m'péé-nà. 10 Nì d'òò fíhíni-í-ma o fínci weñni meheká, óò pàá yañfòuma, é héé k'ó détá yudí Èsípùti wódo Fàdàòò yìhika. K'òò tódá k'ò yòn yìkànyido Èsípùti tenka hínkà, n'òò wóo-hòtá kpéesá weñni hínkà. 11 Kà kòni é dúú-ní Èsípùti tenka weñni meheká, nà Kànàáà kpéeká weñni meheká. Kà nìpa yon nánkú dédèí, kà ti yààpa de é mónka pà kó dii-sá. 12 Kà Sàkópù é yekà è yò pèè yòka péé Èsípùti tenka, k'ó tòn ti yààpa cecemá. 13 Pa déèma wòni, kà Sòséfù é bahina o còòdi o kúcàpa. Memá-dà, kà Èsípùti wódo é bantá-nà Sòséfù hòtá-kpéepá héé-pa. 14 Ye wòni, kà Sòséfù é tòn kà pá tóo-ní o báàa Sàkópù, n'òò hòtá-kpéepá weñni, pa weñni kà pà yòn nìpa púyehì nà pànùm. 15 Ma kú bookú-dà Sàkópù de cútá-ma Èsípùti tenka meheká, é tènì é kà m'péé, háá é kpíi é péé-nà ti yààpa. 16 Kà pá pà toha é pà kònà Sìsèm yotí, é tènì pà dáná tágbeèdi fòókú meheká, Àbààhám de dontà-ku nà díci Hámóò bíhí pesá Sìsèm meheká.

17 Wòni de héékú-ma-ní, kà Weèdi kó pàá nì de hína nùdi è yò nì kó pàá-sa Àbààhám, kà ti niku é dèhà é wédá é súná-hò Èsípùti tenka. 18 Memá-dà, kà wódo pàn è disi wóòti Èsípùti tenka, è de pú yáá Sòséfù wemá. 19 K'yèè wódo é soó-nà ti niku, é diá nánkú ti yààpa, háá é pà pàá-nà noòti è

yò pá n'wán pa bíipànhi kà hì kón. 20 Ye kú wòni-dà pà de peè-ma Mòyìsì, k'ò yòn bíisuutá, kà Weèdi ò dósí. Kà p'òò yèùdà cìma màtaḡa o báaa hḡḡta meheká. 21 P'òò wéi-dí daadí, kà Èsípútì wódo sepànn òò déttá, òò tódá òò kpáhina o bíipedáta. 22 Memá-dà kà pá bihàna Mòyìsì Èsípútì yáḡama weñni, k'ó hìn niisào o wemá n'òo paḡama meheká.

23 Ò káá t́ín bení beeká púnàhì, k'ó takadá è yò ò kó taá é dentá-ní o kúcàpa Ìsidàyéðipa. 24 K'ó tèi é déhá Èsípútì yañn, k'ò dinì p'òòcḡ nánkú. K'ó yeda o kpémú è kó bodá o bànti, é kòu ye Èsípútì yañn. 25 Ò de maàhu è tonà, o kúcàpa kó bantá-ma è yò Weèdi kó yèè-nà mení-dà, é pà fḡhina, àmá pà pú bantà. 26 K'yé wentá, k'ó peèta-nà Ìsidàyéðipa pàdéé, kà pà kḡnti, k'ó n'kpèi é pà pàta é pà caka è yò: N dóòpa-nà, ne yòn kúcàpa-dà-ma, badà tee kà ne kḡnti? 27 Àmá, kà mènḡ de diini-ko o tòòo nánkú é haàta-ní Mòyìsì è yò: Wod'àa h́ínà è yò á n'yòn ti yìkànyido nà ti sídàko? 28 Ìyé! A kpèi è mèe té n kòu a wontà kòukaama-dà Èsípútì yañn-ḡ? 29 Mòyìsì yèkaà-ma mema, k'ó cocí é taá é sòdi Màdiyáḡa teñka meheká. Ye pesá, k'ó pedá bíidahí hìdéé.

30 Kà beeká púnàhì é kaḡá, kà Weèdi tontondikó òò fodá Sinàyiḡ taḡadi càwenkú meheká, túku còhòka kà kù còhú hamú. 31 Mòyìsì déhá-ma miya, k'yé ò dii, k'ó hétá-ho è kó sódí. Ye wòni, k'ó yekà Bateó boòku kà kù tonà: 32 N yòn a yàapa Weèdi-dà, Àbààhám, nà Ìsáákì, nà Sàkòpù Weèdi. Kà wantafḡdi òò cḡḡ, k'ò cèùdi, ò koò pú neè é pàdá kunnòfa é sódí. 33 Kà Bateó òò caka è yò: Fḡdá a nèùti, mìi tee-sá bèmbèni a péé-di kú h́ínkà yòn n kpéedí-dà. 34 N déhá-á-ma nánkú n niku yon-kú Èsípútì teñka meheká, é yekà nà ku kúhàka. N cútà-ní è kó kù fḡhina-á-ma. Tòòta sáma, m'a tonti Èsípútì teñka meheká-dà.

35 Ye Mòyìsì pà de yeèè-ko-ní òò caka è yò: Wod'àa h́ínà è yò á n'yòn ti yìkànyido nà ti sídàko, ye mení-dà Weèdi de t́mà tón-má Èsípútì teñka, è yò ó n'yòn pa yìkànyido nà pa fḡhino, nà ni tontondikó mènḡ d'òò foò-ko túku meheká tempàma. 36 Mòyìsì-dà dèna-ní Ìsidàyéðipa Èsípútì teñka meheká. Ò de paḡa pónápapaḡa nà pónáyípa dósdi-dà ye teñka meheká, nà pà de deeku t́ín wòni kpàḡti(hàḡti) dàmedì, nà càwenkú meheká háá beeká púnàhì. 37 Mení-dà mèe de t́mà cakáà Ìsidàyéðipa è yò: Weèdi kó ne kḡḡ-ma-ní ni weténako k'ó n'yònà mmí, é n'yòn ne bookú kóoó. 38 Ìsidàyéðì niku de péé t́ín wòni càwenkú meheká, kà mení-dà tḡni wemá Weèdi tontondikó de ò cakú-ma Sinàyiḡ taḡadi h́ínka, è mà tḡni ti yàapa. Weèdi de ò kḡkáama kú bookú-dà wemá mèmà kḡni-ma fòumu, k'ó mà ti kḡḡ.

39 Àmá, ti yàapa de pú teháa òò yèkà nà toodí. Pà d'òò yeèè-é-ma è múntà penti pà kó h́impú é tón Èsípútì teñka meheká. 40 Kà pá caka Ànòò è yò: Ti paḡa wàci mènḡi kó ti túdí-ci, mìi tee-sá ye Mòyìsì mènḡ ti denà-ko-ní Èsípútì teñka, ti pú yáḡa mìi ò tḡni-sá-ní. 41 Memá-dà, kà pá máí naàbíidí é nì kpáhina pa wàfa, é paḡa dḡhàdi ni kpémú, é yanà kúúdi nà yañnaakú nà pà de paḡa-sa nà pa nḡhi kpémú. 42 Kà Weèdi mèe é pà búttá, é pà héé kà pà dḡnti cìma nà hḡhi, é n'yònà pà de wḡttà Weèdi weténapa pòkàhi meheká è yòpu. Pà de wḡttà è yò:

Ìsidàyéðì nìku-nà,
notí dḡhòka nà dḡhòka tòòka
ne paḡa-ka càwenkú meheká

háá beeká púnàhì,
 mmí-dà ne de kà pàà-ma?
 43 Óò! Ne de toó wàfa
 pà toò-fa Mòdókì fíikú-dà,
 nà tòfa pà toò-fa Hèdèfàà kú hàtàda.
 Yè yòn nìi-dà ne pàà-sa èè dón.
 Míí-ì tee, n kó héé-ma
 kà pá ne kàhàna núnti,
 k'yèe pesá é n'nátà-nà Bàbìdónì teñka.

44 Càwenkú meheká, ti yàapa de káá fíikú-dà nà Weèdi pà pèèku-sa. Mòyísi de kù pàà Weèdi de hín ó kù pàkamá-dà. Ò de kù déhà kà kù yòmpu, ò de kù pàà-ma kú bookú-dà. 45 Kà ti yàapa yaabíiká é kù sòkadá-nà, é kù toó teñka pà de fedà-ka meheká kà Sòsùwéè pà nihí. Ye teñka meheká, boocí tóci-dà de yè péé, kà Weèdi é cì bòhà pa yìhika. Kà kù baà é m'péé ye pesá háá Dàfítì wòni. 46 Kà Dàfítì é dètá yudí Weèdi pesá, é nì còhà è yò n'òò pàà nùdi k'ó nì maá hǒǒta, mení mènì yòn-di Sàkópù Weèdi. 47 Àmá, o bíitá Sàdòmóò-dà nì madí ye hǒǒta. 48 Hákà, Sàwènkù pú fòu hǒǒhí nìpa maá-hi kú meheká, é n'yònà ni weténaako de weè-ma è yò:

49 Bateó yò: Hínka-dà yòn n wóokàata,
 kà teñka yòn n taànaadí.
 Hǒǒta m̀móná kú bodú-dà
 ne kó neé é n maá-ma?
 Bèmbèni m̀móni-dà n kó neé kaadi-má?
 50 Ntoò mmí-d'èè pàà-ma ye wennì?

51 Kà Ètíyèni é sòkadá wemá è yò: Ne yòn nìpa mèm̀pà kú toòka kpeni-pa-dà. Ne kpenà ne yàma nà ne toòka-dà è pú kpèi é besí Weèdi. Ne baà sòncí-ma è yení Weèdi Sèdi hímpú è yònà ne yàapa. 52 Weèdi weténaako wodà pà de pú dià-ma náńkú? Pà múntà de kòu-ú-dà mèm̀pà de cakáa-pa nìicoóko tèm̀má-ní. Wòni mení, kà néna m̀eè óò yeda óò kòu! 53 Nená-dà Weèdi tontondipá kǒǒ-ma ni kpéńtinùka, àmá ne pú kà t̀nà.

Ètíyèni kòuma.

54 Ye sídà-nahàku nìpa yekaà-ma mema, kà pá kédí pa nika dédéi, kà fǒdí pà káá Ètíyèni hínka. 55 Àmá menn, kà Weèdi Sèdi ò súnà, k'ó wántá hínka béka, é déhá Weèdi wehimú nà Sèsfì k'ò nèhi Weèdi nòkànheuma. 56 K'ò yò: Nte, n òdi kà hínka-dà kpetà, kà Nùfòuò bíitá neèhi Weèdi nòkànheuma.

57 Pà yèkaà-ma mema, é tóó kúucí dédéi, é hīna pa toòka, é péé dotina pa weñni o hínka. 58 Kà p'òò yǒǒpa óò dèna yotí béékú, é t̀i bátá pa baatí é t̀i cèǵa dapànn òcǒn kà p'òò tonà Sòdi, ye wòni óò kámu táǵa óò kòu. 59 Pà de ò kámù-ma ye táǵa, k'ò pàkú weèdòpù-dà è tonà: Sèsfì n Teù, tahta n sèdi. 60 É yídá, k'ò dodi-ho o dúuka hínka é dedí kpeéma è yò: N Teù, a dá pà kàn ye kú

sìimà. Ò weè-ma mema é yòò, é tɔ̀ɔ̀ta.

8

1 Sòdì de tehàà-á-ma Ètíyèni kò̀uma.

Sòdì fàkápú weèdòpa

É cɛ̀ɛ̀-à ye kú daadí-dà, pà cetà-ma è fàkápú dédéí Weèdòpa mèm̀pà de péé-pa Sèdisàdè̀m yotí meheká. Kà weèdòpa wèni, é m'baàsì Sèsì tontòdipá, é wiida é ya-yahí Sùdèè tempáàku nà Sàmàdì kpekú meheká. 2 Kà nìpa mèm̀pà de wani-pá Weèdi é tódá Ètíyèni wò̀nku é taá kù dáná, é kón o kúmú sàma.

3 Sòdì menn de wɛ̀ɛ̀, è kpèi é fíwá weèdòpa-dà. Ò de dúù hɔ̀hí meheká-dà, è cɛ̀hú poòpa nà daapá, è pà yè̀ù kóodeèka meheká.

Fidípù cakú Weèdi wenaamá Sàmàdì tempáàku meheká.

4 Weèdòpa mèm̀pà de wii-pa páati wèni, de centi-í-ma ye tènka wèni meheká è cakú Weèdi wenaamá. 5 Kà Fidípù é taá Sàmàdì tempáàku yosàti meheká, é tèi è cakú ti yàmma Weèdi takadáko wenaamá. 6 Kà nìpa dósì é yèni nùdi nìc̀ é besì o wemá, é déhá-nà póǹtápáama ò de pakú-ma, kà pá fedá toòka sukú ò de wei-sa hìnka. 7 Ò de boòhu Weèkupá-dà nìpa meheká, kà pà yèhu nà hoodí sàdi, kà hò̀hi nà mèm̀pà cènti-pa tàdi, kpekú. 8 Memá-dà yànnasàku de sùnà-ma ye yotí meheká.

9 Yè há de h̀t̀ta dò̀o òcò̀n-dà de yòò péépu ye yotí meheká, kà p'ò̀ toò Sìmò̀. Ò de h̀j m'pakú dópòdòpò paáma-dà, kà mà yon Sàmàdì yàmma. Ò de tóǹkú o cò̀̀di è yò ò yòn yècè̀-à. 10 Kà nìpa wèni, bíhí háá nà kpèmma ò kèhi dédéí, è wei o hìnka è toò: Dò̀ mèǹn yòn Weèdi kpèti-dà, kpèti pà toò-ti: Kpeèsàti.

11 Memá-dà, kà pà de dósì o wemá dédéí, mì tee-sá ò de pakàta o dópòdòpò paáma k'yè deu sàma, k'yè yon nìpa. 12 Àmá, pà há de yeèkaà-ma wenaamá Fidípù de pà cakáa-ma, kà mà wei Weèdi wò̀ti hìnka nà Sèsì-Kídìsì hìnka, ye wò̀ni daapá nà poòpa kà pá taàa pa dandaní ma hìnka, é héé kà pá pà cóntá. 13 Kà Sìmò̀ móǹn mèe té taàa dandaní ma hìnka, é héé kà p'ò̀ cóntá. É tóò n'èe kú daadí, ò koò pú yída Fidípù f̀di. Yè de ò yon-í-ma dédéí, n'ò̀ de ò̀i-má kà póǹtápáama nà póǹtáyìpa sàpa pakú.

14 Sèsì tontòdipá mèm̀pà de péé-pa Sèdisàdè̀m yotí yèkaà-ma è yò Sàmàdì yàmma de tantà Weèdi wenaamá, kà pá pà tòn-h̀j Píyèè nà Ìsáà. 15 Pà tantà-ma Sàmàdì, é tèi é paá weèdòpu pa kpémú, k'yè teha kà pá déta Weèdi Sèdi, 16 è yáá nì de mum pú cùtá-ní p'ò̀cò̀n kú hìnka. Pà de pà cóntá sáadi nà Teó Sèsì yèdi-dà. 17 Memá-dà, kà Píyèè nà Ìsáà é cò̀nà pa nòhi pa hìnka, é paá weèdòpu, kà pá déta Weèdi Sèdi. 18 Sìmò̀ h̀t̀ta-ma Sèsì tontòdipá cò̀nà pa nòhi weèdòpa hìnka kà pá déta Weèdi Sèdi, k'ò pà teè-ní díci é pà caka è yò: 19 Mèe té n m'paá-nà ye kú nòti, k'yè teha kà n té cò̀nà-ko kú wèni hìnka n nòhi, k'yè yànn té déta Weèdi Sèdi. 20 Àmá kà Píyèè ò̀

téná è yò: Tòòta é sèn n'aa díci, mìi tee-sá a de maàhu è tonà a kó neé é dontá-dà Weèdi paadí nà díci? 21 A pú káá bòòdi ye tomù meheká, è yáá a pú códí a yàma meheká Weèdi yihika. 22 Wéí a yaàmàhàsini, é còhà Teó è yò ó nì nà dèda, k'yè púdì ò kó nì nà dèda-á-ma. 23 N códí é n'hótà mekatohikú-dà sùnà a meheká, kà sùjma a dásí. 24 Kà Sjmóò é caka Píyéè nà Ìsáà è yò: Còhà-nà Teó ne mómpá n kpémú, k'yé teha k'yècû dá n tèni ne weè-sà kú hínka.

25 Ye Sèsû tontondipá padéèdi cakáa-ma Teó wenaamá é yò, é fitá é n'tónti-ho Sèdisadém yotí, è cakú-ho Weèdi wenaamá Sàmàdû tempáaku yòbíci dódì meheká.

Fídípù nà Ètiòpû dehèsào òcòñ

26 Kà Weèdi tontondikó é caka Fídípù è yò: Yídá é taá pèpè-cúécúédi béka, còku mènku yihú-ku-ní Sèdisadém è sùmu Kàsáa yotí. Ye còku, nipa pú kù tùnì sàma. 27 Kà Fídípù é cemí yí é kàhá. K'ó n'tòdi ye còku hínka, é déhá dòò òcòñ, k'ò yòn Ètiòpû tenka niisào, kà p'òò fòntà. Mení-dà de nihí poòo pà toò-ko Kàndási káma weñni. Ye poòo de yòn ye Ètiòpû tenka wódo-dà. Ye dòò de tènì Sèdisadém-dà é duntà Weèdi, 28 è tónti è kùnti o tenka. Ò de kaadi o san-dawéèku hínka-dà, è kàn Weèdi weténako Èsàyî pòkàta. 29 Kà Weèdi Sèdi é caka Fídípù è yò: Cèn é pàa-ho ye san-dawéèkù! 30 K'ó cocí é kù pàa-ho, ò you k'yè Ètiòpû yañn kàn Weèdi weténako Èsàyî pòkàta meheká. K'òò béka è yò: A you-ú-dà a kàn-sà hímpú? 31 K'yèe dòò óò téná è yò: Nté n kó hìma é yekà yè hímpú k'òòcòñ pú yè nà n'wekànà? K'ó yí Fídípù è yò ó òsi-ní é kaadi o fòdi ye san-dawéèku hínka. 32 Nte Weèdi wemá ò de kàn-ma Weèdi pòkàta meheká:

Ò de yònà hòfa-dà pà dèdi-fá

è fà kódi-nà nòkòùdi,

è yònà hòbìidí pà céu-di

kú kpìmu kà nì yòn kúdúrì,

ò pú weè màcòmà.

33 P'òò yókànà-á-ma,

pà pú tehàa òò sída cóncodí.

Pà dèdà-mà o fòumu tenka hínka,

wodà kó wántá wedá o yaábíiká wemá?

34 K'yèe dòò é béka Fídípù è yò: M'a síékú-ma, n caka-ní Weèdi weténako wei-ko kú wemá miì. Ò wei o cóòdi kú wemá-dà, nkéè ò wei tòò òcòñ kú wemá? 35 Kà Fídípù é tódá wemá, é cetá-nà wemá ò cetà kàn-ma, óò caka Sèsû wenaamá. 36 Kà pá n'sòncí pa còku, é tantá bèmbèni nìcòni, kà néemá nì péé. K'yèe dòò yò: Nte néemá, baà kpadí a kó n cóntá-ma? [37 Kà Fídípù óò téná è yò: K'à dañ n'aa yàma weñni, n kó neé-ma áa cóntá.

K'yèe dòò óò téná è yò: N dañ-ma è yò Sèsí-Kídísi-dà yòn Weèdi bíitá.] 38 K'ó héé kà pá nehina ye san-dawéèku. Fídípù n'èe dòò kà pá cóntá pa déèdi ye néemá meheká, kà Fídípù óò cóntá. 39 Kà pá yeèni ye néemá meheká, kà Bateó Sèdi é tódá Fídípù óò kàhá-nà, ye dòò koò p'òò déhá. Àmá k'ó sòkadá o còku nà yañnaakú. 40 Kà Fídípù menn, é diida é n'hótà ò péé yotí pà

toò-ti Àsòtì meheká. K'ó yídá é n'kódí Sèsàdèè yotí, è cakú-ho Sèsî wenaamá, yotí ò de deèku-tí weñni, háá é yòo tantá.

9

Sódi kǝǝ o cǝǝdi Sèsî

1 Ye kú wòni meheká-dà Sódi de dǝǝháa é yídá-ma Teó dapàmma fǝkápàpu, è kpèi é pà kǝǝ. Memá-dà k'ó taá é déhá dǝǝhadi kpènn, 2 óò cǝǝhá è yò óò kǝǝ pǝkàhi mènhi bekú-hi è yò mení-dà ò pǝǝ nùdi è yò k'ò taá è déhá Dàmási yotí meheká, pǝǝpa yoo daapá kà pà tǝǝ Teó cǝǝku, k'ó pà cǝǝha-ní é pà teèní Sèdisàdém. Ò de yònà é taá kǝǝ ye pǝkàhi ye yotí Weèdi wemá biǝhà-nàmǝka kpèmma-dà. 3 Ò de káa sǝǝ cǝǝku-dà è pàti ye Dàmási yotí, ye pesá n'èe pesá, kà wenkú kùcǝǝkù é cútá-ní nà hǝǝnka è pàidi, é tèn'òò yéntá. 4 K'ó dǝǝ teñka, é yekà boòku kà k'òò cakú è toò: Sódi, Sódi, baà tee k'à n fǝkápú? 5 K'ó béka è yò: Fǝǝn wodà n Teù? K'yèe boòku óò tǝǝná è yò: Mmí Sèsî-dà a fǝkápú-ko. 6 Yídá é dúú yotí meheká. K'à tèi ye pesá, pà k'áa caka-á-ma a yònà é pǝǝsa. 7 Mèm̀pà de ò nǝǝ-nà-pa ye cǝǝnku meheká de you-ú-ma ye boòku, àmá pà pú dii òcǝǝn. Kà pà neèhi cǝǝdà pà pú neè é cǝǝha. 8 Kà Sódi é yíi-ní teñka, k'òò nǝǝnci kódí, w'áa koò pú dii. Kà pà cǝǝé o nǝǝku, óò dèdi, óò dúúwa Dàmási yotí meheká. 9 K'ó n'yòn yònn háá daàa kàtǝǝ, ò pú dii ò mèe pú niì yècǝǝ. 10 Dǝǝò òcǝǝn-dà há de pèe Dàmási yotí meheká è yòn Sèsî dapànn, kà p'òò yún Ànànyási. Kà Teó óò fodá óò caka è yò: Ànànyási! K'ó tǝǝná è yò: Nte mmí, n Teù. 11 Kà Teó óò caka è yò: Yídá é taá cǝǝku pà yún-kú Heùma cǝǝku, é tèi dúú Sùdási hǝǝta é béka dǝǝò pà toò-ko Sódi, k'ò yòn Táási yotí kóoó. Ò dǝǝn Weèdi-dà wòn menì. 12 Dǝǝhòti meheká, ò déhá dǝǝò òcǝǝn-dà kà p'òò toò Ànànyási, k'ó dúú-ní hǝǝta meheká é cǝǝná o nǝǝhi o hǝǝnka óò dihina. 13 Kà Ànànyási é tǝǝná è yò: N Teù, n yeèkaà-á-ma kà nǝǝpa dǝǝòdi wèi ye dǝǝò wemá. Pà n cakáa-á-ma kpákpaàma ò pǝǝ-ma weñni mèm̀pà yòn-pa a kpèepá Sèdisàdém meheká. 14 É yídá, kà dǝǝhàka yaamma kpèmma tǝǝm'òò kǝǝ-ní nòòti, è yò ó cǝǝ mèm̀pà kú wènni yún-pá a yèdi miì. 15 Àmá kà Teó óò caka è yò: Taá ò déhá, è yǝǝ n ò bàtà è yò ó deha n kpémú-dà. Mení-dà kó n'tee kà boocí tǝǝci nà ci wóopa é yǝǝdá n yèdi, é pèe-nà Ìsidàyédipa. 16 Mmí mǝǝn-dà k'òò beka ò yònà é dii-kú nánkú weñni nà n yèdi kpémú. 17 Kà Ànànyási é kǝǝhá, é tèi dúú ye hǝǝta meheká, é cǝǝná o nǝǝhi o hǝǝnka, óò caka è yò: N kúcàa Sódi, Teó Sèsî mèǹn àa fodà-ko-ní cǝǝku hǝǝnka k'à pení, mení-dà n tǝǝn-ní è yò ní tèni áa dihina, kà Weèdi Sèdi áa súná. 18 Ye pesá n'èe pesá, k'yècǝǝ é n'dǝǝ-ní n'òò nǝǝnci meheká è yònà dáamú, k'ó cemá diida. K'ó yídá kà p'òò cóntá. 19 Ye kú dàhàka k'ó yíi é dii é tǝǝmá déta kpeèti.

Sódi cakú Weèdi wenaamá Dàmási yotí

Kà Sódi é cǝǝntá é pǝǝ daàka kàcǝǝkà nà Sèsî tǝntǝndipá mèm̀pà de pèe-pa Dàmási yotí. 20 K'ó cemí cetá è cakú Weèdi wemá biǝhà-nàmǝka meheká è yò Sèsî-dà yòn Weèdi bíitá. 21 Mèm̀pà kú wènni de you-pá k'ò wèi, k'yé pà dii dédéi kà pà toò: Mèǹn-dà baà de fǝkápú-ní Sèdisàdém meheká mèm̀pà yún-pá Sèsî yèdi-a? N toò ò tèni miì è kó pà cǝǝha-á-dà-ma é pà tanà dǝǝhàka

yaɲma kpɛ̀mɲa yìhika?

22 Àmá, kà Sòdì é n'cakú Sèsfì wemá yè békú-ma kú bookú, háá è kpenì Sùwífùpa mèm̀pà de pée-pa Dàmási yotí nùka, kà pà koò pú n'yáá pà kó n'yòmù. Ò de pà wekàni è yò Sèsfì-dà yòn Weèdi takadáko.

23 Kà wòni nìcòni é kahá, kà Sùwífùpa é kòdà è yò pà k'òò kòù-ú-ma. 24 K'òòcòh è yódá ye wemá Sòdì. Kà pà n'ceí ye yotí hánnùka yènka nà wènku, è còti è kpèi òò kòù. 25 Yènka kàcò, kà Sòdì dapàmma òò tàa kòndúkèdi meheká, òò cùhina ye yotí bonkú dàhàka.

Sòdì Sèdisàdém̀ yotí meheká

26 Kà Sòdì é tantá-ní Sèdisàdém̀, é tɛni é peha è kó múná-nà Sèsfì dapàmma. Àmá kà pa weñni òò wani, mìi tee-sá pà de pú dan è yò ò hìn Sèsfì dapànn màmám. 27 Memá-dà kà Bànàbási òò tódá òò tanà Sèsfì tontondipá pesá, é tɛi é pà caka Sòdì de dékàama kú bookú Teó è kódí Dàmási yotí, nà Teó de ò cakàa-sa. K'ó tùmá pà caka Sòdì de cìnà kunnòhfa é caka-má kú bookú Weèdi wemá Dàmási yotí meheká nà Sèsfì yèdi. 28 É cɛgè-nà ye kú wòni, kà Sòdì é pà nòdá-nà, è cènti Sèdisàdém̀ yotí meheká è cakú Teó wenaamá nà kunnòhfa nìku weñni yìhika nà Teó yèdi. 29 Ò de peèku-nà-á-ma Sùwífùpa mèm̀pà wei-pa Kèdékìdi, kà pà té nòhina Weèdi wemá hìnka, àmá kà mempa penti pà kó hìmpú òò kòù. 30 Kà weèdòpa tòpa é mà yèkà, é tódá Sòdì òò tanà Sèsàdèè yotí, n'èe pesá kà pà héé kó sòkadá Táási yotí.

31 Ye kú wòni, weèdòpa mèm̀pà de pée-pa Sùdèè, nà Kàdìdèè, nà Sàmàdì tempàati weñni meheká de pée wèèdi meheká-dà. Pà de kpèh-n-ma Weèdi còku meheká, è you-nà Teó toòka, kà pa dódì dòdha è wehikú nà Weèdi Sèdi kú tempàma nòti.

Píyèè kpekàna Ènéè.

32 Píyèè de centi pa heedí teñka weñni meheká-dà. Daadí yèni, k'ó taá weèdòpa mèm̀pà de pée-pa Dìdàa yotí pesá. 33 K'ó tɛi é déhá ye yotí meheká, dòò òcòh kà p'òò toò Ènéè, k'ò hù è dòó o dòodí hìnka k'yè yò beeká kànì. 34 Kà Píyèè òò caka è yò: Ènéè, Sèsí-Kídìsì àà kpekàna-á-ma. Yídá é kówá a dòodí! Ye pesá n'èe pesá, k'ó yíi-ní. 35 Dìdàa yotí kpéepá, nà mèm̀pà de pée-pa Sàdóni bandikú kpéepá weñni ò déhà-ma, kà pà kòj pa còjdi Teó.

Píyèè yáhina Dòòkàsì

36 Pòò òcòh-dà de pée Sòpèè yotí meheká kà p'òò toò Tàbíta, nà kèdékìdi kà pà yò Dòòkàsì, mìi kpèi é n'yò-sa wòdfa. Ò de yòn weèdòò-dà, è pakú suumá sàma wòka weñni, è tempú-nà péhí. 37 Ye kú wòni-dà, ò mòkàa-ma é kpíi. Kà pà hòdi o wòhku, é kù dówá nàmòni meheká hòdìdikàta hìnka. 38 Kà Sòpèè weèdòpa é yekà è yò Píyèè pée Dìdàa yotí. Ye yotí há de pú deu-nà ti totí. Kà pà tòn nìi pàdèé è yò pà taá òò caka è yò ó yaní fen-feɲma pa hòjhi. 39 Kà Píyèè é yíi pà tìna ye wòni n'èe wòni. Ò tantà-ma, kà p'òò dikàna ye nàmòni meheká, kà nì pée ye hòdìdikàta hìnka. Kà kpíipòti weñni òò hétá-ho nà dawòòka, òò beka tókedeuka nà báatí Dòòkàsì de deu-sa è kàa pà pée-nà. 40 Kà Píyèè é deena nìku weñni, é hìu é paá weèdòpu. Ye kú dàhàka k'ó fitá ye pòò

wònkù béka è yò: Tàbíta, yíí-ní!

K'yèe pòdo é diida-ní, é déhá Píyéè, é yídá é kaadi. 41 K'ó cɛɛ o nòku, ódo tempa-nà k'ó yíí-ní. Ye kú dàhàka, k'ó yíí weèdoòpa n'èe kpíipoòti ódo pà beka o fòuo. 42 Kà Sòpèè yotí yamma weñni é mà yèkà, kà nipa dósódi é taàa pa dandaní Teó hínka. 43 Kà Píyéè é cántá Sòpèè yotí meheká é yóka, è péé doòdo òcɔ̀n kú hɔ̀ta k'ò pùkàdi doocí kà p'òdo yún Simódo.

10

Kòdònéi yíí Píyéè o hɔ̀ta

1 Doòdo òcɔ̀n-dà há de péé Sèsàdèè yotí meheká kà p'òdo toò Kòdònéi. Ò de yòn sósipa kpénn-dà Hòdóm sósipa kòta hùhùkàdi pà yún-dí Itàdî hùhùkàdi. 2 Ye doòdo n'òdo hɔ̀ta kpéepá weñni de káá-ma Weèdi wantafɔ̀di. Ò de tempú-nà-á-ma Sùwífupa péhí dósódi, è té n'dón Weèdi bá wòni. 3 Daadi yèni, kà wènkù yòdo bíkádápu, máaku màtaɔ meheká, kà Weèdi tontòndikó ódo fodá, k'òdo déhá pópóí dohòti meheká, k'ó dúú-ní o hɔ̀ta ódo caka è yò: Kòdònéi! 4 K'ó wánítá ye tontòndikó k'à wantafɔ̀di ò káá, k'ó béka è yò: Badà n Teù? K'yèe tontòndikó ódo téná è yò: Weèdi tantà-á-ma a weèdoòpu, nà paká a pɛi-ká péhí, nì pú dúi a kpémú. 5 Tòn nipa yotí pà toò-ti Sòpèè, kà pá taá é yíí-ní doòdo pà toò-ko Simódo, k'òdo yèdi toòdi héé Píyéè. 6 Ò bátà doòdo òcɔ̀n kú hɔ̀ta-dà, kà pà mèe t'òdo yún Simódo, k'òdo pùkàdi doocí, k'òdo hɔ̀ta kpédí-nà dàmédi. 7 Ye Weèdi tontòndikó ò weè-nà-ma é yòdo, é kàhá. Kà Kòdònéi é yíí o dehàpa pàdéé, n'òdo sósó òcɔ̀ o sósipa meheká mèm̀pà de dehú-pa o kpémú, k'yèe sósó wani Weèdi. 8 K'ó pà caka mìi paà-sa weñni, é yòdo pà tòn Sòpèè yotí. 9 K'yé wentá, kà pá n'káá sáá còku è pàti Sòpèè, kà Píyéè é òsi hɔ̀ta mùmùnti hínka è kó doa Weèdi, kà wènkù patí yuuka hínka. 10 Kà kòni ódo cɛdí, k'òdo kpèi é dii. Kà p'òdo m'bèènta dipú, k'yé ò hìn-nà dohòti. 11 K'ó déhá kà hínka é kpetá, k'yècɛ̀i yò̀mù-ní è cùti-ní teñka hínka, è yònà pénsàku pà púsí-ku ku nùka kanàhika. 12 Ku meheká, kà notí boocí weñni yè péé: Tàka kànàhì kpéetí, nà mìi fudì-sa weñni ye peutí hínka, nà nèhi. 13 Kà boòku kùcɔ̀kù ódo caka è yò: Píyéè, yídá é kòdo é céci! 14 Kà Píyéè é téná è yò: Ù̀, n Teù! N mum pú dii daadi yèni ti kpéntìnùka hìn mìi cí-sa, yoo mìi pú weni-sá. 15 K'yèe boòku é tùmá ódo caka déema è yò: Weèdi hìn mìi weni-sá, a dá n'yò yè pú weni.

16 K'yé paá ma kú bookú còku màtadi. Ye kú dàhàka, kà pá deèe-ho ye niya hínka, ye pesá n'èe pesá.

17 Kà Píyéè é n'káá péé yammàhàdi meheká, è békú o cò̀di ye kú bekàmà kpèi é n'yòpu. Ye wòni, è hɔ̀ta Kòdònéi de tòn-pá-ní nipa yòdo békàapu Simódo hɔ̀ta, è péé ta hánnùdi. 18 Kà pá yíí é béka è yò: Mii-dà doòdo pà yún-kó Simódo, k'òdo yèdi toòdi héé Píyéè, bátà-ma?

19 Kà Píyéè é n'káá màhu ye bekàma hínka, kà Weèdi Sèdi ódo caka è yò: Nte, nipa pàtaɔ péé tapaadi àa penti. 20 Yídá, é cútá, é pà nènta kà né kàhá a dá hìn hodahòda, è yáá mmí-dà pà tòn-ní. 21 Kà Píyéè é cútá-ní é caka ye nipa è yò: Nte mmí, ne penti-kó. Mmóma-dà ne teèní? 22 Kà p'òdo téná è yò: Sósipa kpénn Kòdònéi-dà ti tòn-ní. Ò yòn nì mènn coó-ko-dà, è káá Weèdi wantafɔ̀di, kà

Sùwífùpa weñni wei o suumá hínka. Weèdi tontondikó-dà ò fodà óò caka è yò, ó ton kà p'áa yí-ní o hǒṣta meheká, k'ó besí a k'òò caka-sá. 23 Memá-dà, kà Píyéè é pà dúùwa hǒṣta meheká, é pà codá kà pá weñ.

K'yé weka, n'èe nipa pataàka kà pá cǝǝ còka, kà Sòpéè yotí weèdòpa pàcǝ óò béhina. 24 Dadéèdi, kà pá tantá Sèsàdèè yotí, é tèi è hǒṣta Kòṣnèi pà ceí, è pèhèna o yeṁma, n'òò dópòbòṣka. 25 Píyéè tantà-ma é n'kpèi é dúú, kà Kòṣnèi é tèni o codápu, é wéi-ho o cǝṣṣi o tàka fṣṣi, óò òwa. 26 Àmá kà Píyéè óò yíkàna, óò caka è yò: Yídá! N mónn, n yòn nì-dà. 27 K'ó n'sǝncí è wei-nà Kòṣnèi, é dúú hǒṣta meheká, é tèi è hǒṣta niku dǝṣṣi tísí. 28 K'ó pà caka è yò: Ne mómpá, ne yáá-dà è yò kpéñtinùka yeèè-é-dà, Sùwífù kó dúú-ma mènñ pú yòn-ko Sùwífù hǒṣta meheká yoo é n'kòdi o pesá. Àmá Weèdi n bekáa-á-ma è yò, n pú yònà é n'yò nì menñ pú weni, n pú dúti o hǒṣta meheká. 29 Memá-dà tee ne n yíi-ma, n pú hín màcǝmà, ká n tèni. N caka-nà-ní sáma mì tee-sá kà né n yíi-ní.

30 Kà Kòṣnèi óò caka è yò: Danàhidí-dà yenì, k'yè beé-nà wònì ti péé-di, kà wèñku yòò bíkádápu, máàku màtaà meheká, è hǒṣta n péé n hǒṣta meheká è òn Weèdi. Ye pesá n'èe pesá, n hǒṣta òòò òcǝñ nèhi n yìhika, è báá báatí kà tì pàidi. 31 K'ó n caka è yò: Kòṣnèi, Weèdi yeèkaa-á-ma a weèdòpu, é deñta pàkà a pǝn-ká péhí. 32 Tòn nipa yotí pà toò-ti Sòpéè, kà pá taá é yíi-ní òòò pà toò-ko Sìmòṣ, k'òò yèdi tòdi héé Píyéè. Ò bátà òòò òcǝñ kú hǒṣta-dà kà pà mèe t'òò yún Sìmòṣ, k'òò pùkàti òòò, k'òò hǒṣta kpédi-nà dàmedì. 33 Ká n cemá ton nipa a pesá, k'à mèe é teha é tèni. Sáma-ní, ti péé mì ti weñni-dà Weèdi yìhika, è kó yekà Teó hín á ti caka-sá weñni.

Píyéè weè-ma wemá Kòṣnèi hǒṣta

34 Kà Píyéè é tódá wemá è yò: Wònì menì, n bantà-á-ma dédéi è yò Weèdi pú bahù nipa. 35 Kà nìi káá Weèdi wantafṣṣi è pàkú mìi coó-sa, Weèdi hǝ n'naa-nà-ko-dà bá k'ò kpèi k'ó n'yòn-ku bookú kóó. 36 Weèdi kǝṣṣ-ní ni wemá Ìsìdàyèdi niku-dà, kà mà cakú è yò Sèsí-Kídìsì-dà kǝñi wèèdi, è yòn nìi weñni Teó. 37 Ne yáá-ma mìi pàà-sa Sùdèè tempáàku weñni meheká. Yè cetà-nà-ní Kàdìdèè-dà, é tódá Ìsá-Bàtìsì cakáá tìn wòni nipa è yò pá hédá kà pá pà córtá. 38 Ne yáá-dà Weèdi de pǝi-má ni Sèdi nà ni nòti Sèsñ Nàsàdétì kóó. Ò de centi pàati weñni-dà è pàkú suumá, è kpekanì weèkupá wódo de núntí-pa weñni, mìi tee-sá Weèdi-dà de ò péé-nà. 39 Tínti déhà-á-ma nà ti nònci ò pàà-sa weñni Sùwífùpa teñka meheká, nà Sèdisàdém yotí meheká. P'òò kpéi kpíidokú hínka-dà óò kò. 40 Àmá, kà Weèdi óò yághina-ní dataádi daadí, é hédá k'ó beka o cǝṣṣi. 41 Ò de pú bekáa o cǝṣṣi nipa weñni, k'yè pú yòn tínti Weèdi de tǝkadà-pa nà daadí è yò tí n'yòn ni pútápa. Ò yántà-á-ma kpíipa meheká, kà tí péé óò dii-nà, é péé óò yàà-nà. 42 K'ó ti kǝṣṣ nùdi è yò tí caka niku Weèdi wenaamá, é kù caka è yò menñ-dà Weèdi tǝkadà-ma, k'ò kó síi-nà fòupa nà kpíipa. 43 Weèdi weténapa weñni wedà-á-ma o wemá, è yò mènñ wèni kó taàa-kó dandaní o hínka, Weèdi k'òò dèda-á-ma o sùma n'òò kú yèdi.

Mèmpà pú yòn-pa Sùwífùpa déta Weèdi Sèdi

44 Kà Píyéè é n'káá wei, kà Weèdi Sèdi é cútá-ní mèmpà d'òò besí-pa weñni hínka. 45

Weèdòpa mèm̀pà de béhìna-pa-ní Píyèè è yòn Sùwífùpa, k'yé pà dii dédéí nà Weèdi m̀è té kò̀-
ma-ní ni Sèdi mèm̀pà pú yòn-pa Sùwífùpa, 46 è yáá pà de you kà pà wei bocàncí-dà, è dèn Weèdi
wehimú. Ye wòni kà Píyèè é béka è yò: 47 Ti kó neé é yee-é-dà ti kó cóntá-ma néemá meheká,
nìpa mèm̀pà détà-pa Weèdi Sèdi è yònà t́ntí?

48 Ye wòni, k'ó kò̀ nùdi è yò pà pà cóntá nà Sèsí-Kídísì yèdi. Ye kú dàhàka, kà p'òò còhà è yò
ó cántá é pà paá-nà daàka céma.

11

Píyèè cakú o tòpa Weèdi paá-sa mèm̀pà pú yòn-pa Sùwífùpa

1 Kà Sèsí tontòndipá, nà Weèdòpa mèm̀pà péé-pa Sùdèè tempáaku meheká, é yekà è yò mèm̀pà
pú yòn-pa Sùwífùpa m̀è té teháa Weèdi wemá. 2 Píyèè tóní-ma-ní Sèdisàdém, kà weèdòpa
mèm̀pà yòn-pa Sùwífùpa ò kò̀nti-nà, 3 è tòò: A taá mèm̀pà pú yòn-pa Sùwífùpa pesá-dà, é t̀èi é
péé pà dii-nà. 4 Memá-dà, kà Píyèè é pà caka mì paá-sa-ní weñni, ye cetáma n'èe yòomá, è yò: 5
N de péé Sòpéè yotí meheká-dà è dón Weèdi, k'yé n hìn-nà dòhòti, ká n déhá yèc̄i k'yè cúti-ní nà
hìnka è yònà pénsaku pà púsí-ku ku nùka kanàhika, háá nà n fòdi. 6 Ká n códí sukú ku meheká, é
déhá tàka kànàhì notí, nà foñni kpéetí, nà mì fudì-sa ye peutí hìnka, nà nèhi. 7 Ká n yekà boòku
kùcòkù kà kù n cakú è tonà: Píyèè, yídá é kò̀ é céci! 8 Àmá ká n t́nà è yò: Ụ̀, n Teù! N mum pú
dii daadi yèni ti kpéntìnùka hìn mì cìi-sa yoo mì pú weni-sá. 9 K'yèe boòku é t́má weé-ní nà
hìnka è yò: Weèdi hìn mì weni-sá, a dá n'yò yè pú weni. 10 K'yé paá ma kú bookú é n'káà còku
màtàdi. Ye kú dàhàka, kà pà deè-ho ye niyya hìnka meheká. 11 Ye wòni ni cò̀di meheká, kà nì
pàtàa é t̀èni hò̀ta ti de péé-ta è kó n déhá, kà pà pà ton-ní nà Sèsàdèè yotí. 12 Kà Weèdi Sèdi é n
caka è yò n pà t̀una kà tí kàhá n dá hìn hòdahoda. Ká n tódá ti weèdòtòpa mèm̀pà pàkòdi, kà pà n
béhina Sèsàdèè, kà tí t̀èi é dúú Kò̀dèni hò̀ta meheká. 13 K'ó ti caka Weèdi tontòndikó ò fokáama
kú bookú o hò̀ta meheká, òò caka è yò: Tòn nìpa kà pà taá Sòpéè yotí, é yíi-ní Simòò pà t́má
yún-kó Píyèè. 14 Ò k'áa caka-á-ma wemá mèm̀pà kó n'tee-má, fò̀n n'aa hò̀ta kpéepá kà né déta
fítáma. 15 Ká n cetá é n'káà pà cakú ye wemá, kà Weèdi Sèdi é cúta-ní pa hìnka é n'yònà nì de
cúkáama-ní ti hìnka nà cetáma. 16 Ká n deñta-ní wemá Teó de weè-ma è yò: Ìsá-Bàtísì cóntà nìpa
nà néemá-dà, àmá néna pà kó ne cóntá nà Weèdi Sèdi-dà. 17 Weèdi m̀è té há pà p̄i-mà p̄dí nì
de ti p̄i-dí ti de taà t́n wòni ti dandaní Sèsí-Kídísì hìnka, mmí de héé wodà è kó neé nì kpaná nì
tómú meheká? 18 Pà yèkaà-ma mema, kà pa yàma é kaadi, kà pà fanta Weèdi yèdi è yò: Weèdi
m̀è té p̄i-í-ma mèm̀pà pú yòn-pa Sùwífùpa, è yò pa peñta pa paáma, é déta fòumu mómmú.

Àntíyòsì yotí weèdòpa

19 Yè de hò̀ta pà cetá weèdòpa fàkápama-dà Ètíyèni kúmú dàhàka. Kà pà m̀è é wiida pàati
weñni, kà pa pàcò é taá háa Fènisí teñka, nà Sípúdi kpéeká, nà Àntíyòsì yotí. Àmá pà de cakú
Weèdi wemá Sùwífùpa cò̀di-dà. 20 Pa meheká háka, pa mèm̀pà de yòn-pa Sípúdi nà Sidèni teñka
kpéepá, de taá-ma Àntíyòsì, é t̀èi é caka Teó Sèsí wenaamá mèm̀pà pú yòn-pa Sùwífùpa. 21 Kà

Teó kpeèti de pà péé-nà, kà nìpa dódì é taàa pa dandaní o hínka, òò kǒǒ pa cǒǒdi. 22 Kà Sèdisàdém weèdòpa é mà yèkà, é tòn Bànàbási Àntíyósi yotí. 23 K'ó tèni é déhá paásuumá Weèdi de paà-ma ye weèdòpa, k'yòò naka dédéí. K'ó yahikàna pa wònti pa weñni, è yò pá wédi é n'daadi-nà Teó nà pa yàma weñni. 24 Bànàbási de yòn nì mónn-dà, è káá dandaní, kà Weèdi Sèdi ò súnà. Kà nìku dódì é kǒǒ ku cǒǒdi Teó. 25 Kà Bànàbási é taá Táási yotí è kó peha-ní Sódì. 26 Ò tèi-má òò déhá, òò tóó-ní kà pá tèni Àntíyósi yotí. Kà pá tèni paà ye pesá benní mumun, é biòhàna weèdòpa dódì Weèdi wemá. Ye Àntíyósi yotí meheká-dà pá yíi-ma cecemá mèm̀pà t̀̀n-pá Sèsî è yò Kídísi kpéepá. 27 Ye kú daàka meheká, kà Weèdi weténàpa pácòpà é tèni Àntíyósi, è yíi-nà-ní Sèdisàdém. 28 P'òcò kú yèdi-dà de deè Àkàbúsi, k'ó yídá é wedá nà Weèdi Sèdi kú nòòti, è yò koñsàdi-dà kó dúni teñka weñni hínka. K'yèè kòni mèe de dúni, kà wóosào Kódótì wódí. 29 Memá-dà, kà Sèsî kpéepá é tódá takadáma, è yò bá pa mèǹn dèè-ko é kǒǒ ò kó neé kǒǒ-sa, kà pá nañci pa weèdòtòpa mèm̀pà de péé-pa Sùdèè tempáaku meheká. 30 Kà pá de mà hìn, é kǒǒ ye paàkà Bànàbási nà Sódì, kà pá taá kà kǒǒ Sùdèè tempáaku weèdòpa kpém̀ma.

12

Pà kòù Sàákì é kpená Píyèè

1 Ye kú wòni meheká-dà, wódo Hèdótì de cetà-ma è fǎkápú weèdòpa pácò. 2 K'ó héé kà pá kòù Sàákì, Ìsǎǎ kúcàa nà sepeǎdí. 3 Ò déhà-ma è hòtá yè naakáa Sùwífupa, k'ó héé kà pá mèe té cǎǎ Píyèè. Yè de hòtá pǎǎpa mèm̀pà kóò-pa yòmu yíkànasá kúúdi daàka meheká-dà. 4 Ò héè-ma kà p'òò cǎǎ, k'òò kǎntá kódeedí meheká, é heèda sósipa pànàhì pànàhì cǎncì cìnàhì è yò p'òò ceí. Ò de kpèi nùntiyèèma kúúdi-dà é kahá, k'òò dèna-ní nìku yìhika òò sída. 5 Píyèè de péé kódeedí meheká-dà kà p'òò ceí dédéí, àmá kà weèdòpa hùhùkàdi còòhu Weèdi tenten o kpém̀ú.

Weèdi tontòndikó fìhìna Píyèè

6 Ye yènkà mèǹkà de kó weka-ká kà Hèdótì é sída Píyèè nìku yìhika, pá de ò dákà dákáti tìdèé-dà k'òò dós sósipa pàdèé còhòka, kà kódeceípa neèhi ye kódeedí hánnùdi è ceí. 7 Ye wòni n'èè wòni, Kà Weèdi tontòndikó é fodá-ní, k'yèè kódeedí meheká yò fau, k'yèè Weèdi tontòndikó é pádá Píyèè, òò hèǹta òò caka è yò: Yídá fem̀ma! Ye wòni ni cǒǒdi meheká, k'yèè dákáti mèǹti de dásí-ti o nòhi é yoòta-ní teñka. 8 K'yèè Weèdi tontòndikó òò caka è yò: Cǎǎwá a nawònfá é fíí a nèùti. Kà Píyèè é paà ò de hímpú, k'yèè Weèdi tontòndikó é tuèha è yò: Bádí a tókesàdi é tù̀na-ní n dàhàkà.

9 Kà Píyèè é yeèni ye kódeedí meheká, òò t̀̀na. Ò de pú tonà mìì paàkú-sa yòn bemú, ò de tonà ò dòhú-ma. 10 Kà pá haàtá sósipa cǎnkú cecekú, é yíí haàtá déèku, é tantá máati hánnùdi nìpa de hó yèè-di é dúú yotí meheká. Kà pá tèi kà ní kpetá nà ni cǒǒdi pa yìhika kà pá yèdi, é tù̀na cedòòdi nìcòni. Ye wòni n'èè wòni, k'yèè Weèdi tontòndikó é yíí héé Píyèè.

11 Ye wòni-dà há deè, yè de hìn-má Píyèè pói k'òò yò: Wòni-dà n bantà-ma è yò móma-dà, Teó tòn-má-ní o tontòndikó k'òò n fìhìna Hèdótì nòhi meheká nà kpákpàama Sùwífupa de kpèi mèm̀a é dòdi-má n hínka. 12 K'ó mahà o yàma meheká, ye wòni é taá Màdî hòòta. Ò de yòn Ìsǎǎ pá túmà

toò-ko Mádíkì màa-dà. Yè de h́t̀a weèdòpa d́ódi-dà de peeta ta meheká, è pakú weèdòpu. 13 K'ó t̀eni é potá c̀odi, kà podeho òc̀ǹ, kà p'òò tonà Òdòtì é h́t̀a-ní é teha. 14 K'ó bantá Píyéè boòku, k'yòò naaka sàma móma bá ò koò pú tonà ó kpetá, k'ó cocí é taá caka toòpa è yò Píyéè péé tapaadi h́ǹǹdi. 15 Kà p'òò t̀ená è yò: A yìhika pú dii-aa? Kà tà yò bemú-dà tà weì-ma. Kà pà yò: Kà memá-dà t̀ont̀ondikó m̀è̀ǹǹ ò ceí-ko-dà.

16 Ye ẁoni, kà Píyéè baà s̀nc̀i è podì c̀odi. Kà pá t̀eni é kpetá, óò déhá k'yé pà dii sàma. 17 N'òò ǹòku, k'ó pà paá yìdó è yò pá h́ǹ wám. Ye ẁoni, k'ó pà caka Teó ò d̀enà-ma-ní kú bookú kódeedí meheká. K'ó tuèha è yò: Taá mà caka-nà Sàákì nà weèdòpa toòpa. Ye ẁoni, k'ó tón é yèdi é kahá páaku t̀okú.

18 K'yé weka, k'yèè s̀s̀ipa b̀ti pudì, kà pà békú pa toòpa Píyéè yèè-sa. 19 Kà Hédòtì é héé kà p'òò peha páati weñni, pà p'òò déhá. K'ó béka ye s̀s̀ipa yè h́mpú k'ó yèè-nà, ye ẁoni é k̀j̀j̀ ǹudi è yò pá pà k̀ò. Ye kú dàhàka, kà Hédòtì é yídá Sùdèè tempáaku é taá Sèsàdèè kpékú meheká, é t̀ei é paá daàka kàc̀k̀ka ka béka.

Wódo Hédòtì k̀j̀m̀ú

20 Yè de h́t̀a Hédòtì de pú naanà Tî nà Sídónì yotí kpéepá. K'yèè yotí nìpa é pédá ǹudi é ton nìpa è yò pá taá ò p̀eta-nà. Pà de denà é déhá o nahàku kpénn-dà, k'à p'òò tonà Bàdàsítúsì, k'ó teha pa kpéemá, kà p'áá neé t̀eni é déhá Hédòtì è yò pà kpèi pá tón é naaka-á-ma. Pà de còdhu miya mì tee-sá, pa yotí dití de yeèhu-ní nà wódo kpéetí meheká-dà.

21 Kà daadí pà de d̀ò-di é t̀ei, kà Hédòtì é báá o wóobáatí, é òisi é kaadi o wóokàtada h́ǹka, é cetá è cakú nìpa wemá. 22 Kà nìpa é dedí kpeéma è yò: Weèdi-dà weì, nìi d̀. 23 Ye ẁoni ni c̀j̀j̀di meheká, kà Weèdi t̀ont̀ondikó é t̀eni potá Hédòtì, kà biòka óò dii, k'ó kpíí, mì tee-sá ò de teháa kà p'òò c̀uwa è yònà Weèdi. 24 Hákà, Weèdi wemá de d̀òdhaa è piní-ma. 25 Bànàbàsì nà Sódì, mempa yòc̀-amá t̀m̀ú pà de kó paá-mu Sèdisàdè̀m meheká, kà pá n'tóntí é tódá Ìsáà, pà de t̀m̀à toò-ko Mádíkì.

13

Weèdi Sèdi t̀akadà Bànàbàsì nà Sódì è yò pá paá Weèdi t̀m̀ú

1 Ḃ̀ntíyòsì weèdòpa meheká, Weèdi weténapa nà Weèdi wemá biòhànapá de péé-ma, nte pa yèka: Bànàbàsì, nà Simèòò pà t̀m̀à yún-kó F̀òò, nà Dùsìyúsì Sídèni yotí kóoó, nà Mànàéni m̀è̀ǹǹ de péè é bíúha-kó nà wódo Hédòtì, nà Sódì. 2 Daadí yèni, kà pá m'boú ǹudi è d̀ǹ Weèdi, kà Weèdi Sèdi é pà caka è yò: N cená-nà Bànàbàsì nà Sódì kà pá púsí t̀m̀ú n pà yí-pu kpémú. 3 Pà boò-ma ǹudi é paá weèdòpu é yò, ye ẁoni é c̀ǹá pa ǹhi pa h́ǹka é cohà Weèdi pa kpémú, é pá hédá kà pá kahá.

Bànàbàsì nà Sódì Sípúdi teñka meheká

4 Weèdi Sèdi pà ton-má ni t̀m̀ú paá-pu, kà pá s̀j̀ntá Sèdèsì yotí-dà, n'èe pesá kà pá òisi néemá

dawéèku é taá Sípúdi teŋka. 5 Kà pá tantá Sàdàmínì yotí, é tèi é cetá è cakú Weèdi wemá Sùwífùpa weèdòò-nàmòka meheká. Pà de nòònà Ìsá-Mádíkì-dà k'ò pà tempú-nà.

6 Ye Sípúdi teŋka de sésì néemá còhòka-dà, kà pá kà dèta ka weñni háá é tantá Pàfòsì tempáàku. Kà pá tèi ye pesá é déhá dópòdópò yañn òcòñ, kà p'òò toò Bàá-Sèsí, k'ò yòn Sùwífù bookú, è bántí nipa è yò ò yòn Weèdi weténaòko-dà. 7 Ò de péè è péé-nà ye teŋka yìkànyìdo-dà, kà p'òò toò Sèsìúsì Pòdúsi, k'ò káá yuwóomá. K'yèe teŋka yìkànyìdo é yíí-ní Bànàbási nà Pódì mìi tee-sá ò de kpèi é yekà Weèdi wemá-dà. 8 Àmá, k'yèe dópòdópò yañn, kà pá de tùmà ò yún Èdimási nà kèdékìdi, é pá yee-nà. Ò de pú kpèi k'yèe teŋka yìkànyìdo é taàa o dandaní Weèdi wemá hìñka. 9 Ye wòni-dà Weèdi Sèdi sùnà-ma Sódì, pá tùmà toò-ko Pódì, k'ó còná o nòñci o hìñka, 10 è yò: Fǒn, a yòn Weèko bíitá-dà. Bábábàndàfa nà mekatohíká bodú bodú-dà sùnà a meheká. A pú kpèi mìi kú wenni yòn-sa suu-sá. A kó nehina yaà wòni-dà a kó m'buupú-ma Teó còci mènèci códí-ci? 11 Besí sákù. Teó k'áa potá-ma, k'á yòn. A kó yóka n'aa pú kó déhá-ma wenkú.

Ye pesá n'èe pesá, k'yèe Èdimási nòñci yò bìi-ì, k'yè ò yò yīpu. K'ó haapà páati weñni è penti mènè k'òò dèdi-kó. 12 Ye teŋka yìkànyìdo déhá-ma mìi de paà-sa, k'ó taàa o dandaní Teó hìñka, è yáá biòhànamá pá de ò kǒò-ma o hìñka de ò pín sàma-dà.

Pódì nà Bànàbási Àntìyòsì mènè pée-ko Pìsidí tempáàku meheká

13 Pódì n'òo nòòtòpa, kà pá òsi néemá dawéèku, é yídá Pàfòsì tempáàku, é taá Péésì yotí kà tì péé Pàñfidí teŋka. Kà Ìsá-Mádíkì é pá hédá ye pesá, é tón Sèdisàdém. 14 N'èe Péésì yotí, kà pá sòkadá pa còku, é tantá Àntìyòsì mènè pée-ko Pìsidí tempáàku. Kà pá tèi, ye wòni Sùwífùpa damuhipàdi daadí, kà pá dúú Weèdi wemá biòhà-nàmòni meheká, é kaadi. 15 Kà pá kaàn wemá kpéñtìnùka pòkàhi nà Weèdi weténaòpa kpéhi meheká, ye wòni kà ye Weèdi wemá biòhà nàmòni kpémma é tòn kà pá pá caka è yò: Ti kúcàpa-nà, kà ne káá-ma wemá è kó nakàna nipa yàma, kà né tódá wemá sàmà.

16 Kà Pódì é yídá, é paá yídó n'òo nòku è yò pá kpíi, ye wòni è yò: Ìsidàyédì kpéepá-nà, nà néna mènèpà kú wenni dón-pa Weèdi, besí-nà! 17 Tǐntí Ìsidàyédì nìku, ti Weèdi de takadà ti yàapa, é hédá kà ti bookú é wédá Èsípútì teŋka meheká-dà kú de wèe-sá. Ye kú dàhàka, kà ní kú dèna-ní o meheká nà ni kpeèti. 18 Kà ní pá púsì càwenkú meheká beeká púnàhì kpéemá. 19 É yídá, kà ní fíwá boocí ciyehì Kànààà teŋka meheká, é tódá ci teŋka é kǒò ni nìku, kà kú kà teeka, 20 háá beeká kòònà nàhì nà púnùm kpéemá. Ye kú dàhàka, kà ní pá kǒò-ní sídàpa háá Weèdi weténaòko Sàmùédì wòni. 21 Ye kú dàhàka, kà pá béka wódo. Kà Weèdi é pá kǒò-ní Sàúdi, Kísì bíitá, k'ò yòn Bènsàméè nahàku kóoó, k'ó wódì pa hìñka beeká púnàhì. 22 Ka kú dàhàka, kà Weèdi òò wéi, é pá kǒò Dàfítì k'ò yòn pa wódo. Mení kú hìñka-dà, Weèdi de wedà-ma è yò: N dètà nido n yàma kpèi-kó-dà, Dàfítì, Sèèséè bíitá. Ò kó paà-ma n kpèi-sá weñni. 23 Ye kú Dàfítì yaàbíiká meheká-dà, Weèdi denà-ma-ní Sèsí, k'ò yòn Ìsidàyédìpa Fǐhìno é n'yònà ò de hìñà-ma nùdi. 24 Kà Sèsí é neé tēni, Ìsáà-dà de denà é caka Ìsidàyédì nìku weñni Weèdi wemá è yò kú peñta fòumu, é héé kà pá kú cóntá. 25 Ìsáà de yòhòta-ká daàka meheká o tóná, ò de cakú è tonà: Ne maàhu è tonà n yòn

wodà? N pú yòn nìdo ne ceí-ko. Ò pení-ma-ní n dàhàka, n m̀e pú sàna n f̀dá o tàka ǹùti.

26 N kúcàpa nà n pot̀pa-nà, néna m̀mpà yòn-pa Àbàhám yaàbíiká, nà néna m̀mpà dón-pa Weèdi, t̀nti-dà Weèdi k̀ma-ní f̀hinamá wemá. 27 S̀disadèm nipa nà pa wóopa pú bantà S̀sì héé-ko, pà m̀e pú yeèkaà Weèdi weténapa wemá pà de kañ-ma damuhipàka weñni. Àmá, pà de denà nùdi-dà è yò p'òò k̀. Ma kú bookú-dà pà de paà-ma ye wemá h̀mpú. 28 Nà pà de pú déhà-sà pà kó p̀-ya o h̀nka òò k̀, kà pá còhà Pidáti è yò òò k̀. 29 Pà paà-ma Weèdi wemá de wàtà-sa weñni o h̀nka é yò, ye wòni òò cùhina-ní kp̀idokú h̀nka, é taá òò tàa híúdi meheká. 30 Àmá, kà Weèdi òò yáhina kp̀ipa meheká. 31 Daàka d̀di meheká, k'ò beka o c̀di m̀mpà de ò béhina-pa-ní nà Kàdìdèè háá S̀disadèm, m̀pà-dà m̀e cakú sàmà pà déhà-sa nà pa ǹnci Ìsìdáyèdi nìku còhka. 32 T̀nti m̀etéka, ye kú wenaamá-dà ti ne toó-ma-ní. Weèdi de h̀nà nùdi ti yàapa è yò nì kó paà-sa, 33 nì yè paà t̀nti pa yaàbíiká kpémú-dà, é yáhina S̀sì é n'yònà pà wàtà-ma Néyènci p̀kàta meheká néyèndèèfa meheká è yò:

A yòn n bíit.a-dà,
mmí-d'àà pedà yenì.

34 Weèdi de wedà è yò nì k'òò yáhina-á-ma kp̀ipa meheká, k'òò wònkú dá tón híúdi meheká é p̀. Nì de h̀mpú-dà è yò:

N kó ne k̀ kónama m̀ma weni-má-dà è yòn móma,
n de h̀nà nùdi è yò n kó k̀-ya Dàfítì.

35 Míi-ì tee pà wàtà-ma páaku tókú è yò:

A pú kó hédá
a t̀kadáko k'ò p̀ híúdi meheká.

36 Dàfítì há de paà-á-ma Weèdi de kp̀i-sá o kú wòni-h̀. Ye kú dàhàka, k'ò kp̀i, kà p'òò dáná, k'ò h̀tá o báapa, k'òò wònkú é p̀. 37 Weèdi há yáhina-ko, menn kú wònkú pú p̀. 38 N kúcàpa nà n pot̀pa-nà, né n'yáá è yò nà menn kú yèdi-dà pà ne cakú-ma s̀ima deèdamá wemá. 39 M̀n kú wènni kó taàa-kó o dandaní o h̀nka, ò k'òò f̀hina-á-ma s̀ima weñni meheká, M̀yisì kp̀ntinùka de pú kó neé òò f̀hina-má. 40 Ye kú kpémú, né paà yòkama kà Weèdi weténapa de wedà-sa pa p̀kahi meheká dá ne t̀ni. Pà de yò:

41 Wántá-nà, néna ỳsama s̀n-pá kú meheká,
yé ne dii, kà né s̀n,
è yáá n kó paà dehèmu mùcòmù-dà kà ne káa f̀u,
dehèmu ne pú kó teha-mú kú wemá
bá kà nì mà ne cakáa.

42 Pòdi nà Bànàbási yèni t̀n wòni ye Weèdi wemá biohà-nàm̀ni meheká, kà pá pà còhà è yò pá tóni damuhipadi m̀ni pení-di-ní, é pà weé-nà ye wenòdi ni c̀di h̀nka. 43 Pà wihita-má, kà S̀wífùpa d̀di nà m̀mpà de pú yòn-pa S̀wífùpa è há t̀n pa weèdòpu, é tùna Pòdi nà Bànàbási kà pà pà weì-nà, è yahikani pa wònti è yò pá d̀hà é daadi-nà paásuumá Weèdi pà paà-ma.

44 Ye damuhipàdi mènì de pení-di-ní tènì-má-ní, k'yèe yotí nìpa pa sàpa é tíká è kó besí Weèdi wemá. 45 Sùwífùpa déhà-ma kà nìku dódì tíká, kà yantimú é yeda, kà pá cetá è nòhù Pódì de cakú-sa, òò tèù. 46 Kà Pódì nà Bànàbási é pà caka pópóí è yò: Néna Sùwífùpa-dà ti de yònà é cedi caka-má Weèdi wemá. Ne há mà yeèè-mà, ne bekàà ye pesà è yò ne pú sàna é déta fòumu mèmù bá yòpú-dà. Ye kú kpémú-dà tee, kà tí fidí sàmà mèmù pú yòn-pa Sùwífùpa béka, 47 è yáá Bateó ti hìna nùdi o dehèmu hìnka è yò:

M'a takadà è yò á n'yòn
wenkú-dà boocí tocí meheká.
Á cèn teñka nà ka nùdi
é caka nìpa è yò
Weèdi-dà fìhìni.

48 Mèmù pú yòn-pa Sùwífùpa de yeèkaà-ma mema, k'yé pà naaka sàma, kà pá seé Weèdi nà ni wemá. Mèmù kú wenni de yòn-pa fòumu mèmù bá yòpú kpéepá, kà pá taàa pa dandaní Sèsì hìnka.

49 Kà Teó wemá é pidá ye teñka weñni meheká. 50 Àmá, kà Sùwífùpa é fucí poòpa mèmù de doñ-pa Weèdi è yòn niisàpa, nà yotí kpémù, kà pá yíkàna fákápàma Pódì nà Bànàbási hìnka, é pà dèna pa teñka. 51 Kà pá n'yetì ye teñka é kpá-kpádá pa tàka támú, é kahá Ìkònyòm yotí. 52 K'yèe Àntiyòsì yotí weèdoòpa mempa, kà yañnaakú pà sùnà nà Weèdi Sèdi.

14

Pódì nà Bànàbási Ìkònyòm yotí meheká

1 Ìkònyòm yotí meheká, kà Pódì nà Bànàbási mèe té dúú Sùwífùpa Weèdi wemá bihà-nàmòni meheká, é caka Weèdi wenaamá dédéí háá kà Sùwífùpa nà mèmù pú yòn-pa Sùwífùpa dódì é taàa dandaní Sèsì hìnka. 2 Àmá kà Sùwífùpa mèmù de pú taà-pa dandaní Sèsì hìnka, é fucí mèmù pú yòn-pa Sùwífùpa è yò pá pàá kpákpàama mèmù taà-pa pa dandaní Sèsì hìnka. 3 Nà mema, Pódì nà Bànàbási kà pá cántá Ìkònyòm yotí meheká é yóka dédéí è cakú Teó wenaamá, kà pa bòti pú dodi-nà yècèè, è dan Teó hìnka. K'ó pá pàá noòti kà pá pakú-nà pòntápàama nà pòntáyípa, mì bekú-sa è yò o pàásuumá wemá pá cakú-ma yòn webeèdi-dà. 4 K'yèe yotí yamma é totá é hìn cemá madéé. Kà pàcú péé Sùwífùpa béka, tòòpa Sèsì tontòndipá béka.

5 Sùwífùpa nà mèmù pú yòn-pa Sùwífùpa, nà pa kpémù, kà pá dhà sòdo è kó diá Pódì nà Bànàbási náákú, é pá kámu táàka é pá kò. 6 Kà pá mà yèkà, é cocí é kòn Dísítì nà Dèèpù yotí béka, nà yotí mènù de tí tó-tósi-nà-ti. Ye yotí de péé Dìkàònú tempàaku meheká-dà. 7 Kà pá tèi ye pesá, é cetá è cakú Sèsì wenaamá.

Pódì nà Bànàbási Dísítì yotí meheká

8 Dísítì yotí meheká, doò òcòh-dà de péé è yòn hòuta. Ò de mà yòn n'òo pedáma-dà, ò pú cèn daadí yèni. 9 Ò de besí Pódì wei-sa-dà. Kà Pódì òò n'wán, é n'hòta ò káa-ma dandaní è kó neé

kpeka. 10 Memá-dà k'òò caka kpeéma è yò: Yídá é neèhi! K'yèè dòò é fékádá-ní é neèhi-hò, é cetá è cènti. 11 Nìku déhà-ma Pódì pàà-sa, kà kú weé nà Dikàònfì bookú wemá è yò: Ti wàci-dà kpántà nìpa é cútá-ní ti còhòka.

12 Kà pá pàà Bànàbási yèdi è yò Sèùsì, Pódì menn Hèèmésì mii tee-sá, menín-dà de h́j n'wei. 13 Ye wàfa pà toò-fà Sèùsì, nàmòni de péé yotí dúma-dà. Kà mènènfà d̀hu-kó é peha-ní naàdaàka, é kà sàna péna, é kà teèní ye yotí h́ánùdi. Ò de kpèi nà nìku, pá pàà d̀hòka-dà Bànàbási nà Pódì kpémú. 14 Bànàbási nà Pódì mà yèkaà-ma, é cédi pa neñti é n'yòh pámpán n'èe nìku còhàka-ho è kpákádí è toò: 15 Baà tee kà ne kpèi é pàà miya? Ti m̀e té yòh nìpa-dà-ma è yònà ne yòmpù. Ǹte wenaamá ti ne teè-ma-ní: Né wéí ye wàci mènèncì pú kó neé é pàà-cì yèc̀fì, é t̀yuna Weèdi mènì f̀òu-di. Mení-dà pàà h́nka, nà teñka, nà dàmédì, é péé-nà mii yè péé-sà wenni. 16 Wòhncì mènèncì kàhà-cì meheká, nì de h̀è-é-ma boocì weñni kà cí t̀yuna còci cì kpèi-cì. 17 Nà mema baàkaà, kà ní hédá kà nìpa é bantá nì yòmpu nà suumá nì pà pakú-ma pesá. Mení-dà ne p̀n-ní tafá nà h́nka, kà ne té bódì ne dití é tì k̀y ti wòni. Mení-dà ne p̀n dimá, è ne s̀yini yaंनाakú.

18 Bá nà pà de pà cakáà-ma mema, yè de pà bii-í-ma dédéí kà pá neé é kpaná ye nìku kú kó pàà-ma d̀hàdi pa kpémú. 19 Kà Sùwífùpa é yeèni-nà-ní Àntíyòsì yotí, kà tì péé Pìsidí tempáaku meheká, nà Ìkòníyóm̀ kpéetí, é t̀eni é fucí ye nìku, kà kú kámu Pódì t̀àka è k'òò k̀ò, é yòò óò fudí, óò dèna yotí béékú, è màhu è toò ò kpíi-í-dà. 20 Àmá, m̀mpà de taà-pa pa dandaní Sèsì h́nka, kà pá t̀eni óò yéntá, k'ó yíi-ní é dúú yotí meheká. K'yé weka, nà Bànàbási kà pá kàhà Dèèpù yotí.

Pódì nà Bànàbási tóní Àntíyòsì yotí, Sídí tempáaku meheká

21 Kà Pódì nà Bànàbási é caka Sèsì wenaamá Dèèpù yotí meheká, kà nìpa d̀ódi é h́n Sèsì dapàmma. Ye kú dàhàka, kà pá fitá é tón Dìsítì nà Ìkòníyóm̀ yotí, nà Àntíyòsì kpéetí, kà tì péé Pìsidí tempáaku meheká. 22 Pà de yahikàni weèdòpa wòhnti-dà, è pà teñ è yò pá n'kpeni dédéí dandaní h́nka, è pà cakú è tonà: Ti yònà é yèdi náncì d̀ódi meheká-dà, é neé dúú Weèdi wòòti meheká.

23 Weèdòpa h̀hùkàdi bá mènì dèè-di meheká, kà pá tasi kpémma. Kà pá yídá é bowá nùdi é pàà weèdòpu, é pà tàa Teó pà dañ-ko nòhi meheká.

24 Ye kú dàhàka, kà pá deèta Pìsidí tempáaku é tantá Pànfidí kpékú. 25 Kà pá t̀ei Péésì yotí, é caka Weèdi wemá, é yòò é s̀jntá Àtádí kpéetí. 26 Ye pesá, kà pá dìsi néemá dawéeku é tón Àntíyòsì yotí mènnti péé-ti Sídí tempáaku meheká. Ye pesá-dà pà de pàà-ma weèdòpu pa kpémú, é còhà Weèdi pàasuumá pa h́nka, kà pá neé taá cetá-nà tòmù pà pàà-pù-ní.

27 Kà pá tantá-ní Àntíyòsì yotí, é t̀eni tíká weèdòpa é pà caka Weèdi pà tempáa-nà kà pá pàà-sa-ní weñni, nà nì kpetà-ma kú bookú dandaní còku, m̀mpà pú yòh-pa Sùwífùpa. 28 Kà pá cántá ye pesá é yóka dédéí, n'èe yotí weèdòpa.

Tíkama Sèdisàdém yotí meheká

1 Kà nìpa pàcɔpà é yeèni-nà-ní Sùdèè tempàaku, é tēni Sidī kú Àntíyósi yotí meheká, è biòhàni mèm̀pà tàà-pa pa dandaní Sèsī hīnka è toò: Kà ne pú hēè kà pá ne cāntá é n'yòná M̀yísi kpé̀tìnùka h́mpú, ne pú kó neé é dé́tá fítama. 2 Pódi nà Bànàbási kà pá pà ǹhìnà dédéí ye wemá hīnka, kà má hìn wesàma. Memá-dà kà weèdoòpa é tódá takadáma è yò Pódi, nà Bànàbási, nà pa kpéepá toòpa é taá Sèdisàdém, é tēi é déhá Sèsī tontondipá nà weèdoò-nàm̀ni kpé̀mma, kà pá seká ye wemà.

3 Kà weèdoòpa hònhòni é pà kɔ̀ ye cā̀nku de békú-sa wèni. Kà pá deèta Fènisī nà Sàmàdī tempàati, è cakú mèm̀pà pú yò̀n-pa Sùwífupa de kókáama pa cò̀di Sèsī. K'yèè wemá é naaka dédéí weèdoòpa wèni. 4 Kà pá tantá Sèdisàdém, kà weèdoòpa hònhòni, nà Sèsī tontondipá, nà weèdoò-nàm̀ni kpé̀mma é pà codá. Kà pá pà caka Weèdi de pà tempàa-nà kà pá paá-sa wèni. 5 Kà Fàdisipa kpéepá pàcɔ̀, mèm̀pà de kɔ̀-ya pa cò̀di Sèsī, é yídá è yò: Yè békáa pá camu-ú-ma mèm̀pà kɔ̀-ya pa cò̀di Sèsī è há pú yò̀n Sùwífupa, é pà caka è yò pá tùna M̀yísi kpé̀tìnùka h́mpú.

6 Kà Sèsī tontondipá nà weèdoò-nàm̀ni kpé̀mma é tíká, è kó códí ye wemá. 7 Kà pá dúú ǹnòhici meheká k'yè kpeni, kà Píyèè é yídá è yò: N kúcàpa-nà, ne yáá-ma è yò, nà Weèdi n takadá-ma ne còhòkà è yò ní caka ni wenaamá mèm̀pà pú yò̀n-pa Sùwífupa, yè yókáa. Pà de yòná é mà yèka é taàa pa dandaní-dà Sèsī hīnka. 8 Weèdi m̀ni yáá-di nido yàma, kà ní beka è yò nì pà tehàa-á-ma, é pà paá-ní ni Sèdi é n'yòná nì nì ti peikáama. 9 Weèdi pú paá baatamá tínti nà mèm̀pá ti còhòka. Nì wekàna pa yàma, è yòpu kpémú-dà pà dań Sèsī hīnka. 10 Badà há tee sámà, kà ne beń Weèdi, è kpèi é towá mèm̀pà dań-pa Sèsī hīnka, totoodí ti yàapa nà ti mómpá pú neè é toó-di? 11 Ti múntà dań è yò ti dé́tá fítama nà Teó Sèsī paásuumá kpémú-dà, é n'yòná mèm̀pá.

12 K'yèè niku mènku de petà-ku wèni é hìn wám, é besí Bànàbási nà Pódi kà pá kú caka pónítayípa nà pónítapaáma Weèdi de pà tempàa-nà, kà pá paá-ma mèm̀pà pú yò̀n-pa Sùwífupa còhòka. 13 Pà weè tíń wòni é yò, kà Sàákì é tódá wemá è yò: N kúcàpa-nà, n besí-nà! 14 Simóò cakáa-á-ma nà cetáma-ní, Weèdi h́mpú é baata bookú kà kú yò̀n o kpékú mèm̀pà pú yò̀n-pa Sùwífupa còhòka. 15 Ye wemà mèe pú ceń-nà Weèdi weténapa de weè-sa, è yáá pà wàtà Weèdi pòkàta meheká è yò,

16 Bateó yò:

Ye kú dàhàka, n kó tóni-ma-ní,

é yíkàna Dàfiti hò̀ta

mèntà de doo-tá.

N kó yíkàna-á-ma ta dawòni

é tón é nì nèhina,

17 k'yé teha, kà nìpa toòpa wèni

é peha Bateó,

é péé-nà boocí tocí n yí-ci wèni

è yò cí n'yòn n kpécí.
18 Memá-dà Bateó weè-ma,
è mèe èè bahìna nìpa,
k'yè káa ðeu.

19 Kà Sàákí é tòhìna è yò: Mmí kú pesá, yè pú sudi è yò tí kǒǒ kpéńtìnùka mènka kó kpaná-ka mèm̀pà pú yòn-pa Sùwífùpa, pà kó kǒǒ-ma pa cǒǒdi Teó. 20 Àmá tí pà wàhà pòkàta, é pà caka è yò pà dá cécí notá pà d̀hàa-ta wàfa f̀di, pà hédá yáyámú, pà dá cécí notá pà k̀u-ta è pú tà h̀dà, pà dá dii h̀ma. 21 Nà dekáa-dà, kà nìpa biòhànì M̀yísi kpéńtìnùka yotí bá mèǹti d̀è-ti meheká, è kà kàn damuhipàdi daadí wèni Weèdi wemá biòhà-nàm̀ka meheká.

Pòkàta pà wàhà-ta mèm̀pà dań-pa Sèsí é pú yòn Sùwífùpa

22 Memá-dà kà Sèsí tontondipá, nà weèdòò-hònhòni kpémma, nà weèdòòpa wèni é códí é n'h̀tà yè suu-ú-ma è yò pà ̀kadá pa meheká, nìpa pàcǒ kà pà béhina Pódi nà Bànàbási Àntíyósi yotí. Memá-dà kà pà baata Súúdi, pà tùmá yún-kó Bàasabási, nà Sidási. Ye nìpa padéèkà, pà de pà kèhi-í-ma weèdòòpa còhòka. 23 Nte pòkàta pà de pà tòn-nà-ta tonàpu:

Tínti Sèsí tontondipá nà weèdòò-hònhòni kpémma, ti dón ti weèdòòtòpa mèm̀pà pú yòn-pa Sùwífùpa, è péé Àntíyósi yotí, nà Sidí, nà Sidísí tempàati meheká. 24 Ti yeèkaà è yò pàcǒpà yídà ti pesá, é t̀i-ho ne h̀ǒhí, é buupa ne yàma é mà còha nà pa wemá. Tínti baà pú pà tòn-h̀. 25 Ye kú kpémú-dà tee, kà tí péé nùdi nìcǒ é ̀kadá ti meheká nìpa, é pà ne tòn-h̀, kà pà béhina ti dópòbò̀ka Bànàbási nà Pódi, 26 mèm̀pà yeèè-pa pa wò̀ni ti Teó Sèsí-Kídísi tòmú kpémú. 27 Ti ne tòn-h̀ Súúdi nà Sidási, è yò pa mómpá-dà é ne caka nà pa nùka ti ne wàhà-sa ye pòkàta mehekà. 28 Weèdi Sèdi nà tínti, ti códí é n'h̀tà yè pú sudi è yò ti ne tòhìna totoodí tòdi. Àmá, ne pú yònà é yakàdà-nà kpéńtìnùkà menka: 29 Ne dá cécí notá pà d̀hàa-ta wàfa f̀di, ne dá dii h̀ma, ne dá cécí notá pà k̀u-ta è pú tà h̀dà, né hédá yáyámú. Kà ne yentà miya, yè suu-ú-ma dédéí. Yé s̀ntá-nà datòdi!

30 Kà pà hédá ye nìpa pà tonti-pá, kà pà s̀ntá Àntíyósi yotí. Kà pà t̀i é tìkáná weèdòòpa hònhòni wèni, é nì kǒǒ ye pòkàta. 31 Kà pà tà kàn, kà ta wemá é yahikàna pa wò̀nti, kà yaंनाakú é pà súná pa wèni. 32 Súúdi nà Sidási de yòn Weèdi weténapa-dà. Kà pà tódá wòni sàma é weè-nà weèdòòpa, è kó yahikàna pa wò̀nti, é tòhìna pa dandaní kpeèti. 33 Kà pà yóka ye pesá c̀ma, kà pa weèdòòtòpa é neé pà còa, é pà hédá kà pà tón é kòn mèm̀pà de pà tòn-pá-ní pesá. 34 [Àmá kà Sidási menn é ̀kadá é cántá ye pesá.]

35 Kà Pódi nà Bànàbási é taá m'péé Àntíyósi yotí. Nà tòpa dódi, kà pà biòhànì è tùmá cakú Teó wemá.

Pódi nà Bànàbási totà

36 K'yé paá daàka kàcòkà, kà Pódi é caka Bànàbási è yò: Tí tón yotí ti cakáa-ti wèni meheká Teó wemá, é taá dentá ti weèdòòtòpa é déhá yè pà yòmpu. 37 Bànàbási de kpèi pà n'noò-nà-á-ma Ísàà, pà tùmá yún-kó Mádíkí. 38 Kà Pódi é códí é n'h̀tà yè pú cédí pà tùmá òò nodá-nà, mì tee-sá

ò de pà hédà Pà̀nfidî meheká, ò koò pú pà béhínà pa tomú meheká. 39 K'yé hìn wekú sàku Pódi nà Bànábàsi pà còhòka, háá kà pá totá. Kà Bànábàsi é tódá Mádíkì kà pá disi néemá dawéèku, é kàhá Sípúdi teńka. 40 Kà Pódi menn é takadá Sidási, kà weèdòtòpa é còhà Weèdi è yò ni pà̀suumá é pà béhina, kà pá kàhá. 41 K'ó deeta Sidî tempáaku nà Sidisî kpékú, è tòhìni kpeeti weèdòpa dandaní.

16

Timòtéè béhìnà Pódi nà Sidási

1 Kà Pódi é tantá Dèépù yotí, é sòkadá Dísití kpéetí. Ye pesá, kà weèdòò òcòh yè péé, kà p'òò yún Timòtéè. O yuú de yòn Sùwífù-dà, é kpántá Sèsî kóóó, àmá k'òò báaa menn yòn Kèdékì bookú. 2 Weèdòpa mèm̀pà de péé-pa Dísití nà Ìkòníyòm yotí de wei-í-ma o hínka k'yè sudi. 3 Kà Pódi é n'kpèi òò tódá kà pá nòdá o cànku meheká, hákà nà Sùwífùpa mèm̀pà de péé-pa ye tempáaku meheká kpémú, k'òò càn tá mì tee-sá pa weñni de yáá-ma è yò o báaa yòn kèdékì bookú-dà. 4 Yotí pà de tahu-ti weñni, pà de h́ caka-á-ma ti weèdòpa, Sèsî tontondipá nà weèdò-kpém̀ma mèm̀pà de péé-pa Sèdisàdém̀ de takadá-ka nùka k'yè békú pá kà tìna. 5 Weèdòpa dódidi de dòdhaà è tòhìni-í-ma pa hònhòka meheká, kà pa dandaká dòdhu è kpekú.

Weèdi yò Pódi é taá Màsèdóni teńka

6 Kà Weèdi Sèdi é kpaná Pódi nà Sidási kó caka-má Weèdi wemá Àsî tempáaku meheká, kà pá deeta Fidisî nà Kàdàsî tempáati. 7 Kà pá tantá yècò è hédí-nà Mísî tempáaku, é n'kpèi taá Bìtínî kpékú, àmá kà Sèsî Sèdi é pà kpaná. 8 Memá-dà, kà pá deeta Mísî tempáaku, é sýntá Tòási yotí. 9 Yèńka, kà Weèdi é beka Pódi dòhòti meheká, Màsèdóni teńka kóóó òcòh k'òò nèhi òò séúkú è toò: Cgá-ní Màsèdóni é ti tempanà! 10 Ye bekàma kàhà-ma, kà tí bantá è yò Weèdi-dà ti yún è yò tí caka ni wenaamá ka béka. Kà tí cem̀ peha ti kó h́mpú é taá Màsèdóni.

Didî tàà dandaní Teó h́ńka Fidípù yotí meheká

11 Kà tí disi néemá dawéèku Tòási yotí, é kàhá Sàmòtáasi kpéetí, kà tì sésí néemá còhàka. K'yé wentá, kà tí kàhá Nèàpòdísì yotí. 12 N'èe pesá, kà tí sòkadá yotí pà toò-ti Fidípù. Tì de yòn Màsèdóni tempáaku cecekú yosàti-dà, kà Hòdóm̀ yańma de tì teekáa. Kà tí pà̀ daàka kàcòkà ti meheká. 13 Damuhipàdi daadí, kà tí yèè yotí é taá kónkú bèni, è màhu è toò ti kó déhá bèmbèni-dà Sùwífùpa dón-di Weèdi. Kà tí tèi é kaadi è wei-nà pòpa mèm̀pà de tìkà-pa ye pesá. 14 Ye pòpa, p'òòcò kú yèdi-dà de héé Didî, k'òò yòn Tiyàtî yotí kóóó. Ò de h́ n'yéé pènhuèjìcì-dà, díikpeecí kpécí, è káá Weèdi wantafòdi. K'yèe pòò de ti besí, kà Teó m̀e é kpetá o yàma, k'ó besí sukú Pódi de wei-sa. 15 Kà t'òò cóntá, é péé-nà o h́òtá kpéepá weñni. Ye wòni, k'ó ti yíi o h́òtá meheká è yò: Kà ne dań-dà màmám̀ è yò n h́n Teó kóóó, kà né yaní é bátá n h́òtá. K'ó ti pèkàpa, háá kà tí teha.

Pà kpenà Pódi nà Sidási

16 Daadí yèni, kà tí n'kódí pà dón-sa Weèdi, kà núnsepànn òcònn é tèni ti peètanàpu, kà weèko péé o meheká. Ye weèko de h̄y hédá k'ò té pahí miì kó tèni-sá-dà-ní, k'yèe pahítí dúni díci sàma o dakpémma. 17 K'ó cem cetá ti t̄ȳnapú t̄ȳnti nà Pódì, è dedi kpeéma è toò: Nìpà mempà yòn Sàwènkù dehàpa-dà. Pà ne cakú còku ne kó t̄ȳna-kú-dà é déta f̄ítáma. 18 Memá-dà ò baà de h̄on-má háá daàka dódì, k'yé yòo h̄atá Pódì, k'ó fitá é caka ye weèko è yò: Nà Sèsí-Kídísì yèdi, yèè ye poò mehekà! Ye pesá n'èe pesá, k'yèe weèko é yèdi. 19 Ye núnsepànn dakpémma h̄tá-ma pà koò pú kó n'déékú díci tá, kà pá c̄éé Pódì nà Sidásì é pà tanà yotí wóopa yìhika, yotí t̄íká-bèmbèni pesá. 20 Kà pá pà teèní Hòdòm sítàpa yìhika é tèni è yò: Nìpà mempà yòn Sùwífùpa-dà, è buupú ti yotí. 21 Pà biòhànì bokupaáma càmma-dà, t̄ȳnti Hòdòm yaɔmma, ti kp̄ént̄inùka pú ti p̄ej̄ nùdi è yò tí tehamá yoo é mà t̄ȳna.

22 Kà n̄iku m̄èe té pà m̄oka-nà f̄ȳdi. Ye wòni, kà Hòdòm yaɔmma sítàpa é héé kà pá bátá pa báatí, kà pá k̄ȳȳ nùdi kà pá pà nàdi dabíidí. 23 Pà pà t̄h̄i-ma donkú é yòo, é pà ȳȳj̄ kódeedí, é caka m̄ènn̄ de nì ceí-ko è yò ó pà n'còti sukú. 24 Ye kódeceéko yeèkaà-ma mema, é pà h̄èda é pà tàa ye kódeedí meheká-ho, é dákána pa tàka nà dabíidí.

25 Kà yènká é n'kós totápu, Pódì nà Sidásì kà pà don Weèdi è dèn ni duntàma néyènci, kà kpenáti totí pà besí. 26 Ye pesá n'èe pesá, kà teñka é sampà dédéí, háá é nampa ye kódeedí mapúdáci. Ye pesá n'èe pesá, k'yèe kódeedí còka weñni é kpetá, k'yèe kpenáti weñni dákáti é dá-dákadá. 27 M̄ènn̄ ceé-ko ye kódeedí hentà-ma-ní é n'h̄tá ni còka fo-foó, k'ó nòòta-ní o sep̄èédí è kó kòu o c̄ȳȳdi. Ò de maàhu è toò ye kpenáti cocí-ma. 28 Àmá, kà Pódì é kpákada kpeéma è yò: Dá paá a c̄ȳȳdi kpákpaàma màc̄ȳmà, t'èè péé-ma miì ti weñni!

29 Memá-dà, k'yèe kódeceéko é cohà h̄awèta, é n'yòn-h̄ȳ pámpán ye kódeedí meheká, k'òo w̄ònti cèudi, é t̄èi é w̄éi-ho o c̄ȳȳdi Pódì nà Sidásì tàka f̄ȳdi. 30 K'ó pà dèna-ní tapaadi, é pà béka è yò: Dakpémma-nà, n yònà é paá mmóya-dà é f̄ítá? 31 Kà p'òò t̄éna è yò: Taàa a dandaní Teó Sèsì h̄ínka, a kó f̄ítá-ma f̄ȳn n'aa h̄ȳtá kpéepá. 32 Kà p'òò caka Teó wemá, mení nà m̄èmpà de péé-pa o h̄ȳtá meheká. 33 K'ó pà tódá ye wòni ni c̄ȳȳdi meheká, ye yènká, é pà kònà o h̄ȳtá, é t̄èi é p̄òsi pa m̄oká. Kà pá cem'òò cóntá mení n'òo h̄ȳtá kpéepá weñni. 34 K'ó pà òkàna o h̄ȳtá meheká, é peha dipú é pà k̄ȳȳ. K'yé naaka dédéí ye doòo n'òo h̄ȳtá kpéepá weñni nà pà tàa-ma pa dandaní Weèdi h̄ínka.

35 K'yé weka, kà Hòdòm sítàpa é t̄on-h̄ȳ pa dapàmma, è yò pá taá é caka m̄ènn̄ ceé-ko ye kódeedí k'ó w̄éi ye n̄ipa. 36 Kà kódeceéko é t̄èni é mà caka Pódì, è yò: Ye sítàpa n k̄ȳȳ-ní nùdi è yò n̄ ne w̄éi. Ne kó neé-ma é yèdi é kahá nà wèèdi. 37 Kà Pódì é caka pà t̄on-pá-ní è yò: T̄ȳnti yòn Hòdòm yaɔmma-dà, kà pá ti podí n̄ipa weñni yìhika, bá pà pú ti sídáa, é yòo ti ȳȳj̄ kódeedí. Sámà-ní, kà pà h̄á kp̄èi é ti w̄éi sòsòmma meheká? Yè pú cédi. Pa mómpá yaní é ti deèna!

38 K'yèe n̄ipa tón é t̄èi caka Hòdòm sítàpa ye wemá. Kà wantaf̄ȳdi é pà c̄édi dédéí, nà pà de yeèkaà-ma è yò Pódì nà Sidásì yòn Hòdòm yaɔmma-dà. 39 Kà pá t̄èni é pà sèùda, é pà dèna-ní kódeedí meheká, é pà séuka è yò pá yèdi ye yotí. 40 Pódì nà Sidásì yèni-má-ní ye kódeedí meheká, é taá Dìdì h̄ȳtá-dà, é t̄èi é déhá pa weèdoòt̄opa, é yahikàna pa w̄ònti, é yòo é c̄éé còku.

Pódi nà Sidási Tèsàdòníkì yotí meheká

1 Pódi nà Sidási de cɛtá Àn̄fipòdìsì nà Àpòdòn̄i yotí-dà, é neé tantá Tèsàdòníkì kpéetí. Ye pesá, kà Sùwífùpa de káá Weèdi wemá biɔhà-nàmòni. 2 Kà Pódi é taá ye Weèdi wemá biɔhà-nàmòni meheká. Yè de yòn o mantáma-dà. K'ó tukaná Sùwífùpa damuhipàka kàtɔa, nà ni n̄pa kà pà n̄h̄ini Weèdi wemá pòkàhi h̄ínka. 3 K'ó pà wekàna è pà beka è yò Weèdi Takadáko de yònà é dii nánkú-dà, é yántá-ní kpíipa meheká. Ò de pà cakú è tonà: Ye Sès̄i n ne cakú-kò kú wemá, men̄-dà héé Weèdi takadáko.

4 Mèmpà de ò besí-pa, pa meheká k'yèe wemá p̄ín pa pàc̄ɔ, kà pá tón Pódi nà Bànábási béka. Kà Kèdék̄ipa dós̄di mèmpà de duñti-pá Weèdi mèe té mà h̄in, nà poòpa dós̄di kà pà de pà kèhi dédéí.

5 Ámá kà Sùwífùpa é yídá yantimú, é tíkáná niyònti pà de déta-pa còci meheká, kà pá paá hodí, é buupa ye yotí. Kà pá taá yéntá Sàs̄ɔ̄ h̄ɔ̄ta, è penti Pódi nà Sidási, è kó pà tanà n̄iku yìhika. 6 Kà pá t̄ei pà pú pà déhà. Ye w̄oni, é yó̄pa-ní Sàs̄ɔ̄, nà weèdoòpa pàc̄ɔ yotí sídàpa yìhika, è toó hodí è toò: Ye n̄pà mēmpà buupáa-ní teñka weñni-dà, s̄ámà-ní é tantá-ni miì, 7 kà Sàs̄ɔ̄ há pà codá o h̄ɔ̄ta. Pa wenni, pà pú t̄un Hòdóm̄ wóosào kpé̄ntin̄uka. Pà cakú è yò wódo t̄òò-dà péé, kà p'òò toò Sès̄i. 8 K'yèe wemá é kòkapa dédéí n̄iku, n'èe sídàpa. 9 Kà Sàs̄ɔ̄ n'èe weèdoòpa t̄òpa é bodá díci ye sídàpa kà pá neé pà wéí.

Pódi nà Sidási Bèdèè yotí meheká

10 Kà yèñka é bóka, kà weèdoòpa é héé kà Pódi nà Sidási é k̄ahá Bèdèè yotí. Kà pá t̄ei, é taá Sùwífùpa Weèdi wemá biɔhà-nàmòni meheká. 11 Ye pesá kú kpéepá mēmpa de noñ-ma c̄am̄ma codápu é h̄atá-nà Tèsàdòníkì yotí kpéepá. Pà de tantá Weèdi wemá nà yàma màc̄ɔ-dà. Daàka weñni, è biɔhú Weèdi wemá pòkàhi è kó déhá kà Pódi de cakú-sa yòn bemú-dà. 12 Kà pa dós̄di é h̄in weèdoòpa. Kèdék̄ipa meheká, kà poòpa pà de kēhi-pá nà daapá dós̄di mèe té h̄in weèdoòpa. 13 Ámá, kà Tèsàdòníkì Sùwífùpa é yekà è yò Pódi cakú Weèdi wemá Bèdèè yotí, kà pá t̄eni é kòkapa, é fucí n̄iku. 14 Kà Bèdèè weèdoòpa é héé kà Pódi é k̄ahá ye w̄oni n'èe w̄oni Dàmédì béka. Kà Sidási nà Tìmòtèè mēmpa é c̄ántá Bèdèè yotí. 15 Mèmpà de béh̄inta-pá Pódi, kà p'òò tanà háá Àtèni yotí. Kà pá n'tónti è k̄unti-ní, k'ó pà n̄anci è yò pá taá é caka Sidási nà Tìmòtèè è yò p'òò h̄ɔ̄ta-ní fen-fem̄ma.

Pódi Àtèni yotí meheká.

16 Kà Pódi é m'péé Àtèni yotí meheká è ceí Sidási nà Tìmòtèè, k'òo yàma é c̄ha dédéí, miì tee-sá wàci-dà de s̄unà ye yotí. 17 Ò de h̄ɔ̄ n'nohù-nà Sùwífùpa-dà nà mèmpà pú yòn-pa Sùwífùpa è há doñ Weèdi, Weèdi wemá biɔhà-nàmòni meheká. É yídá, daàka weñni, ye yotí tíká-bèmbèni meheká, k'ò té n'weì-nà ò pèeku-nà-pa. 18 Kà pòkàyásàpa pàc̄ɔpà, pà yún-pá *Èpíkìdì kpéepá nà *Sìtòyìsì kpéepá é t̄eni òò n̄h̄u-nà. Kà pa pàc̄ɔ toò: Ye wesàkù yañn men̄ kp̄ei é n'yò badà? Kà

tòpa toò: Yè yònà ò wèi-ma-dà teñka tòka kú wàci wemá. Pà de hín mema, mì tee-sá Pódi de cakú Sèsî wenaamá-dà nà kpípa yántáma wemá.

19 Kà p'òò tódá òò tanà yotí kpémma h́ n'kaadi-sá è wèi yotí wemá, é tèi òò caka è yò: Ti kpèi é yádá bihànamá pàama a bihàni-ma-dà. 20 A ti cakú-sa yòn cànnya-dà, kà ti dósí èè yèkà sukú. 21 Yè há de h́tà Àtèni yotí yamma nà càmma mèm̀pà de tì péé-pa de h́ tódá pa wòni weñni-dà é té n'wèi yoo é m'bekù niì cànnya wemá.

22 Kà Pódi é yíí é neèhi ye yotí kpémma cohòka è yò: Àtèni yamma-nà, n códí é n'h́tà niì weñni h́nka, ne t̀n wàci còku-dà dédéí. 23 N cetà cènti ne yotí meheká, è demù ne wàci naadeeka, é yò taá déhá-ma nìć kà pà wàtà ni h́nka è yò: Ti pú yáá-di weèdi kú wemá. Ne duñti-dí è pú nì yáá, n t̀ni è kó ne caka ni kú wemá-dà. 24 Weèdi m̀ni pàa-di fòuku nà mì péé-sa weñni ku meheká, mení m̀ni yòn-di h́nka nà teñka Teó, pú wenti nàmòka meheká nìpa maá-ka nà pa nòhi. 25 Nì mèe pú bohòta nìpa é nì n'yoñ yèc̀i, è yáá yìc̀i pú nì dóntà. Mení-dà p̀n nìpa weñni fòumu, nà fuehèmu nà tòsa weñni. 26 Nà nì òc̀j-dà nì pàa-ma boocí weñni, é héé kà cì fòu teñka weñni h́nka. Mení-dà kótà bookú bá m̀nkù dèè-ku teñka, é h́ná-nà benní wòka. 27 Nì pàa mii kú wenni, è kpèi nìpa-dà é nì peha, bá kà pà poti poti pa pehàma meheká, k'yè nadi kà pá nì déta. Nì há pú ðeu-nà t'òòc̀n, 28 è yáá mení-dà tee kà ti fòu, è nampú, è péé. Ne weyántàpa pàc̀j yò weépu-dà è yò: Ti mèe té yòn ni bíhí-dà. 29 Ti há yòn-mà ni bíhí, ti pú yònà é mahà è yò nì yònà wàfa pà méi-fa-dà nà wúdó yoo nà díimáati, yoo nà táàka. Miya, nì-dà h́ mahà o yàma meheká èè yánta. 30 Weèdi de pú kañ nìpa pakú-sa, pà de mun pú yáá t̀n wòni ni còku. Àmá sámà, nì pà yún-í-ma pà péé-sa weñni è yò pá peñta pa fòumu. 31 Nì h́ná daadí-dà nì kó wántá síi-dí nìpa weñni nà coóma. Nì takadà nì-dà ye kú kpémú, òò yáhina kpípa meheká. Ma kú bookú-dà nì bekáa-ma nìpa weñni è yò mení-dà yòn sídàko nì takadà-ko.

32 Pà yèkaà-ma k'ó wedá kpípa yántáma wemá, kà pàc̀j é púsí o dekèti, kà tòpa mempa yò: Datòdi-dà ti kó t̀m'áa besí-ma ma h́nka.

33 Ye wòni, kà Pódi é yídá è pà héda. 34 Nà mema, kà pàc̀j taàa pa dandaní o wemá h́nka, òò t̀na. Pa meheká, kà d̀ò òc̀n yè péé, kà p'òò toò Dèni, k'ò de péé ye yotí kpémma meheká, nà pòò òc̀n k'ò yèdi toò Dàmàdísì, nà tòpa t̀màkaà.

18

Pódi Kòdènti yotí meheká

1 Ye kú dàhàka, kà Pódi é yídá Àtèni yotí é kahá Kòdènti kpéeti. 2 K'ó tèi ye pesá é peeta-nà Sùwífù òc̀n kà p'òò toò Àkidási, k'ò yòn P̀j tempáaku kóoó. Ò de kàa t̀n-í ye pesá n'ò pòò Pidísí, nà Itádí teñka-dà, mì tee-sá wóosào Kódóti-dà de denà nùdi è yò Sùwífùpa weñni é yèdi Hòdóm meheká. Kà Pódi é taá pà bátá. 3 Pà tomú há de yòn-ma mùc̀j tá, k'ó m'péé pa pesá kà pà péè mù pakú. Pà de pakàta doci f̀jiná-dà. 4 Damuhipadi weñni, kà Pódi té tóo wemá Weèdi wemá bihà-nàmòni meheká, é bihàna Sùwífùpa nà mèm̀pà pú yòn-pa Sùwífùpa, è kpèi pá teha ò de pà

cakú-sa.

5 Kà Sidási nà Tìmòtéè é yí-ní nà Màsèdónì tempáàku é tènì ye pesá, kà Pódì é détá bòdì é kǒǒ o cǒǒdi Weèdi wemá cakàpu, è wekàni Sùwífùpa è yò Sèsî-dà yòn Weèdi takadáko. 6 Àmá, kà Sùwífùpa é yeda o besípu, òò tèù. K'ò mèè é pi-pikàda o báatí tǎpùdùm, é pà caka è yò: Kà ne seh, ne mómpá-dà mà tee, yècî koò pú n'dii. É cǒǒ-nà wòni menì, n kó taá mèm̀pà pú yòn-pa Sùwífùpa béka-dà.

7 K'ó yèdì ye pesá, é taá dǒǒ òcǒn kú hǒǒta, kà p'òò toò Tìtíusì Sísítísì, k'ò káá Weèdi wantafǒdi, k'ò hǒǒta hédí-nà Weèdi wemá biòhà-nàm̀oni. 8 Àmá k'yèè Weèdi wemá biòhà-nàm̀oni kpè̀n, kà p'òò yún Kìdípúsì é taàa o dandaní Teó hǐnka n'ò hǒǒta kpéepá wèni. Kà Kòdèntìpa dǒǒdi, mèm̀pà kú wennì de besí-pa Pódì, mèè té taàa pa dandaní Teó hǐnka, kà pá pà cóntá.

9 Yè̀nka kàcǒ, dǒhòti meheká, kà Teó é beka o cǒǒdi Pódì óò caka è yò: A dá wampa, baà ní n'sǒncí é n'weì, a dá muhipa, 10 m'a péé-nà-á-ma. Òcǒn pú kó neé áa cǒǒ, áa paá sǐima, m̀i tee-sá mèm̀pà yòn-pa n kpéepá ye yotì mehekà, pà wehi-í-ma. 11 Kà Pódì é paá Kòdèntì yotì meheká, benní nà cǐma màkòdì è biòhàni nìpa Weèdi wemá.

12 Kàdìyǒ̀ yòn tǐn wòni yìkànyìdo Àkàyì tempáàku, kà Sùwífùpa é yídá Pódì hǐnka, é múná nùdì óò cǒǒ, óò tanà sídàpu hǒǒta. 13 Kà pá tèi è yò: Dǒǒ menè yè̀ù nìpa-dà, è yò pá n'dón Weèdi kpè̀ntìnùka pú hǐmpú. 14 Kà Pódì é n'kpèi é wedá, kà Kàdìyǒ̀ é caka Sùwífùpa è yò: K'yè de yònà yetádi nìcǒni-dà yoo kpákpaàma màcǒmà-dà ò paà-ma, n de kó ne besí-ma néna Sùwífùpa. 15 Y'áá yòn-mà ne nòhù wenòka hǐnka, nà yèka hǐnka, nà ne kpè̀ntìnùka hǐnka, yè dii néna-dà. N pú kó neé é n'yòn ye kú wemà sídàko. 16 K'ó pá bǒhà-ní ye sídàpu hǒǒta meheká. 17 Ye wòni, pa wèni kà pá cǒǒ Sòsitèni, Weèdi wemá biòhà-nàm̀oni kpè̀n, óò tàa donkú ye sídàpu hǒǒta yìhika, bá Kàdìyǒ̀ pú pá wèntà.

Pódì tǔmà tón Àntíyòsì yotì

18 Kà Pódì é tǔmá cántá Kòdèntì yotì meheká é yóka. Ye kú dàhàka, k'ó cowa o weèdò̀t̀pa, é too néemá dawéèku é kǎhá Sídì tempáàku è nò̀-à Àkìdási nà Pìdisì. K'ò há neé kǎhá, ò de taá é kodí o yùti-dà Sǎkèdèè, m̀i tee-sá ò de hǐnà nùdi-dà Weèdi. 19 Kà pá tantá Èfèsì yotì, kà Pódì é hédá ye pesá Pìdisì nà Àkìdási. K'ó taá dúú Weèdi wemá biòhà-nàm̀oni meheká è weì-nà Sùwífùpa. 20 Kà p'òò còhà è yò ó cántá é pà paá-nà daàka kàcǒkà, àmá k'ó yeda. 21 K'ó n'kèhidi é pà caka è yò: [Kúúdi mènì peñ-dì-ní, yè békú n nì dii Sèdisàdèm-dà.] Kà Weèdi kpèi, n kó tóni-ma-ní ne pesá. K'ó disì néemá dawéèku Èfèsì yotì é kǎhá.

22 K'ó tantá Sèsàdèè yotì, é póntá Sèdisàdèm é tèi é dowa weèdò̀pa hònhòni, é yò é sǐntá Àntíyòsì. 23 K'ó cántá ye pesá é yóka céma, é yò é sǒkadá. K'ó taá Kàdátì tempáàku nà Fìsì kpékú, è cèntì pàati wèni è tǒhìni Sèsì kpéepá dandaní kpè̀ti.

Àpòdòsì Èfèsì nà Kòdèntì yotì meheká

24 Kà Sùwífù òcǒn, kà p'òò toò Àpòdòsì, k'ò yòn Àdèkìsǎntì yotì kóoó, é tènì Èfèsì. Ò de non wemá-dà dédéi, è tǔmà yáá sukú pá wǎhaà-sa Weèdi pòkàta meheká. 25 Pà de ò biòhanà-á-ma Teó

còku tɔ̀̀namá wemá. Nà wɔ̀nyahisàti, k'ò cakú è tɔ̀mà biòhàni màmám Sèsî wenaamá. Hákà, ò de yáá Ìsá-Bàtìsì kú cònti-dà sáádi. 26 K'ò cetá è biòhàni Weèdi wemá biòhà-nàmòni meheká, bá o b̀ti pú pudì yècɔ̀. Kà Pìdisî nà Àkidási é besí o biòhànamá, é yò òò yí pa hòtá, é d̀hà òò wekàna sukú Weèdi còku. 27 Ye kú dàhàka, kà Àpòdòsì yò ò kpèi é taá Àkàyî tempáaku-dà. K'òo weèdòtòpa é yahikàna o wònti, é wàhà pòkàta weèdòpa mèm̀pa de péé-pa ka béka, è yò p'òò codá sukú. K'ò t̀i ye pesá, é tempanà dédéi weèdòpa, m̀i tee-sá Wèedi-dà de ò péé-nà. 28 Nìku weñni yihika-dà, ò de yení-ma pépédì Sùwífupa de cakú-sa, bá kà pà pú kó neé ò ǹhi-nà. Ò de yèyè pà wàhaa-sa-dà Weèdi pòkàta meheká, è pà bekú è yò Sèsî-dà yòn Weèdi takadáko.

19

Pódi Èfésì yotí meheká

1 Kà Àpòdòsì é m'péé Kòdénti yotí, kà Pódi é cèn yotí mèǹti de péé-ti Àsî tenka taàka meheká, háá é tantá Èfésì yotí. K'ò t̀i ye pesá é déhá nìpa pàcòpà kà pà yòn Sèsî kpéepá. 2 K'ò pà béka è yò: Ne détà-á-dà Weèdi Sèdi nà ne taà-ma ne dandaní Sèsî h̀nka?

Kà p'òò t̀nà è yò: Ya-ho! Ti múntà pú yeèkaà daadí yèni kà pà yò Weèdi Sèdi péé. 3 K'ò pà béka è yò: Cònti m̀mónti-dà pà ne còntà-ma?

Kà p'òò t̀nà è yò: Ìsáá kpéetí. 4 Ye wòni, k'ò pà caka è yò: Ìsáá de cómù mèm̀pa de kpèi-pá-dà é peǹta fòumu, è cakú Ìsìdàyédi nìpa è yò pá taàa pa dandaní d̀òò mèǹn pení-ko-ní o dàhàka, meǹ- dà mèe héé Sèsî.

5 Pà yèkaà-ma ye wemá, é héé k'ò pà cóntá nà Teó Sèsî yèdi. 6 Kà Pódi é còná o ǹhi pa h̀nka é paá weèdòpu pa kpémú, kà Weèdi Sèdi é cútá-ní pa h̀nka. Kà pá cetá è weì bocànci, è cakú wemá Weèdi de pà kòyè-ma. 7 Ye nìpa de yòò-ó-ma p̀i-pàdéé kpéemá.

8 Kà Pódi é paná ye yotí meheká cìma màtaa, è kòdi Sùwífupa Weèdi wemá biòhà-nàmòni, è cakú weèdi wòoti wemá nìku weñni yihika è pú wani yècɔ̀, è penti kà mèm̀pa ò besí-pa é mà teha. 9 Ámá kà pa pàcò é kpekàna pa toòka é yeda pà kó taàa-má pa dandaní Sèsî h̀nka, è weì è sádì o còku tɔ̀̀namá wemá nìku yihika. Ye wòni, kà Pódi é yèdi é pà hédá, é tódá mèm̀pa de taà-pa pa dandaní Sèsî h̀nka, é pà tanà d̀òò pà toò-ko Tìdànìsì dàkòòdi meheká, é t̀i è pà cakú Weèdi wemá daàka weñni. 10 K'ò paá beeká kàdéé è h̀n mema, kà nìpa mèm̀pa péé-pa weñni Àsî tempáaku, Sùwífupa nà mèm̀pa pú yòn-pa Sùwífupa é yekà Teó wemá.

Sèfàà bíidahí

11 Weèdi de péé-nà-á-ma Pódi, k'ò pakú pòntápaama sàma móma. 12 Pà de h̀j tódá kùdákpiihutáti-dà yoo báatí mèǹti p̀n-ti o wònti é còná mòkàpa h̀nka, kà pà té kpeka, kà seèkpákpaàka yeèhu nìpa meheká. 13 Kà Sùwífupa pàcòpà, mèm̀pa de càu-pá páati weñni è b̀hu seèkpákpaàka, mèe té n'kpèi é kà b̀hà nà Sèsî yèdi. Pà de cakú ye seèkpákpaàka è tonà: Nà Sèsî Pódi cakú-ko kú wemá yèdi, yèè-nà, tínti-dà mà ne h̀n!

14 [Sùwífupa d̀hàka yamma kpènn òcònn, kà p'òò toò Sèfàà, kú bíidahí hìyehi-dà de mà h̀n.] 15

Àmá kà seèkpákpaàadi é hì téná è yò: N yáá-ma Sèsî, è yáá Pódi héé-ko. Néna hákà tá, mómópa-dà ne héé? 16 K'yèe seèkpákpaàadi de péé-ko dòdò kú meheká, é dótina pa hínka k'òo kpéésá é dii, k'ó pà dúúwa dónkú tenten, kà pá cokapa é yèdi ye hòtá meheká pa foòkpeèka nà bòka. 17 Kà Èfésì yotí kpéepá weñni, Sùwífùpa nà mèmpa pú yòn-pa Sùwífùpa de é mà yèkà, kà wantanfòdi é pà cegé pa weñni, kà Teó Sèsî yèdi é yuukà dédéí. 18 Nìpa dósódi mèmpa de hìn-pá weèdòpa, kà pà kódì-ní è cakú nìku weñni yìhika paákpákpaàama pà paà-ma. 19 Kà dópòdópò yaàmma dósódi é tée-nà-ní pa dópòdópò pòkàhi é hì tòn nìku weñni yìhika. Kà pá kódì é n'hòtá ye pòkàhi díci de kó tòi-í-ma díimáati tòhika púnùm. 20 Ma kú bookú-dà Weèdi wemá de piní-ma, è kàdi tenten nìpa yàma meheká, nà Teó kpeèti kú nòti.

Kònni Èfésì yotí meheká

21 Ye kú dàhàka kà Pódi é takadá è yò ò kó deèta Màsèdóni nà Àkàyî tempáati é taá Sèdisàdèm. Ò de yò, k'ò tantà, yè békú ò mèe té taá Hòdòm yotí-dà. 22 K'ó tòn nìi pàdèé mèmpa de ò tempú-nà-pa, Tímòtèè nà Èdásì Màsèdóni tempáaku meheká, k'òo mónn é cántá Àsî kpéekú meheká, é paà daàka kàcòkà.

23 Ye kú daàka meheká, kà pá paà kònsàdi Èfésì yotí meheká, Teó còku tuùnámá hínka. 24 Dòdò òcòh-dà de péé ye yotí kà p'òdò yún Dèmètidiyìsi. Ò de hò tódá díimáati-dà è té máí nàmòomú kà mù té n'yònà waàsàfa pà toò-fa Ààtèmìsi hòtá. Ò de bopù díisàaci-dà dehèpa mèmpa d'òdò tempú-nà-pa tòmú. 25 K'ó pà tìkáná é péé-nà mèmpa mèe té de pakú-pa ye tòmú bookú, é pà caka è yò: N dòòpa-nà, ne yáá-dà è yò ti tòmú-dà tee kà ti káá. 26 Ne mómpá há dii-í-dà-ma è túmà you ye Pódi pakú-sa. Ò cakú è yò wàci nìpa paà-cí nà pa nòhi pú kó neé hìn Weèdi. Yè mèe pú yòn Èfésì meheká còdì-dà ò cakàa-ma nìpa dósódi kà pá teha o wemá, àmá yè kaá céma kà Àsî tempáaku weñni kó cèèna. 27 Kà ti pú paà yècîi, yè kó còha ti tòmú-dà. Yè mèe pú kó n'yòn mu còdì, àmá ye waàsàfà Ààtèmìsi, Àsî tempáaku yaàmma nà teñka weñni nìpa duñti-fà, fa hòtá koò pú kó n'yòn yècîi. Fà kó féná-ma fa wehimú.

28 Ye nìpa yeèkaà-ma mema, kà fòdi é pà cegí dédéí, kà pá cem é dedí kpeéma è yò: Ààtèmìsi, Èfésì yaàmma wàfa-dà yòn waàsàfa. 29 K'yèe hoodí é pidá ye yotí weñni meheká. Kà pá cegé Màsèdóni tempáaku yaàmma pàdèé, Kàyúsi nà Àdìsitákì, Pódi nòtòpa cànkú meheká, é pà tanà feñ-femba ye yotí peètamá bèmbèni. 30 Kà Pódi é n'kpèi è taá ye nìku meheká, àmá kà weèdòpa òò kpaná. 31 Kà Àsî tempáaku dehà-kpémma pàcò, kà pà de yòn o dòòpa, òò nànci nùdi è yò ò dá yetá é taá ye peètamá bèmbèni. 32 Ye wòni, k'yè cèkápú-ma ye nìku meheká, kà pàcò toó hoodí è toò memà, kà tòpa toò tòmà. Pa dósódi múntà de pú yáá mìi kpémú tee-sá kà pá tísí. 33 Kà Sùwífùpa é yèi-hò Àdèkìsánti yìhika è yò ó weé nà pa kpémú, kà nìi pàcòpà òò caka mìi de pakú-sa. K'ó yoòda o nòku è kpèi ye nìku é hìn wám k'ó kú wekàna yè hìmpú k'yèe wekú é tèni. 34 Àmá, pà bantà-ma è yò ò yòn Sùwífù-dà, pa weñni kà pá péé é n'dedì nùdi nìcò háá máaku màdèé kpémá è toò: Ààtèmìsi, Èfésì yaàmma wàfa-dà yòn waàsàfa.

35 Memá-dà, kà yotí pòkàwàhò há neé é nehina ye nìku hoodí, é toó wemá è yò: Èfésì yaàmma-

nà! Woò mónn-dà pú yáá è yò tínti Èfésì yamma-dà ceí waàsàfa Àtèmìsì nàmòni, nà fa diku mènku dɔɔ-kú-ní nà hínka. 36 Òcɔ̀n kós mèn kó mà nòhì-ko. Ye kú kpémú, ne yònà é bókàna ne fɔ̀ka-dà, kà ne dá yetá paá yècɛ̀ɛ̀ sɛ̀sɛ̀ma meheká. 37 Nìpà ne teè-pà-ní miì, pà pú paá kpákpàama màcɔ̀mà ti wàfa nàmòni hínka, pà mèe pú weè sɔ̀ma màcɔ̀mà fa mónfá hínka. 38 Dèmètìdiyìsì n'òò dehàtòpa, kà pà káá-nà wemá òcɔ̀n, sídama daàka péé-ma kà pà kó neé peeta-nà sídapa. Ye pesá-dà pà yònà é taá pà yíi-ma. 39 Kà ne mèe káá tòdama màcɔ̀mà-dà, ne kó neé-ma é mà tanà yotí kpémma pesá. 40 Mìi paá-sà yenì, yotí kpémma kó neé-ma é ti púá é n'yò ti pà yeèè-nà toòka-dà. Kà pà ti békáà miì tee-sá ye tíkámà memà, ti pú káá ti kó téná-sa k'yé n'sà. 41 Ò weè-ma mema é yòò, é wihina ye nìku.

20

Pódì taá Màsèdónì tempáàku nà Kèdésì kpékú

1 Ye hoodí neèhi t́ín wòni, kà Pódì é t́íká weèdòpa, é yahikàna pa wònti. Ye kú dàhàka, k'ó pà cowa, é kàhá Màsèdónì tempáàku. 2 K'ó t̀èi é cèn ye tempáàku meheká, é caka wɔ̀nyahití wemá d́ódi weèdòpa. Ye kú dàhàka, k'ó sɔ̀kadá Kèdésì tempáàku. 3 K'ó t̀èi ye pesá, é paá cìma màtaa. K'ó n'dòdhu sòdo è kó dìsi néemá dawéèku é taá Sìdìi tempáàku, é yekà è yò Sùwífùpa kɔ̀daa è yò pà k'òò paá kpákpàama. Memá-dà, k'ó fitá é tón Màsèdónì tempáàku. 4 Nte mèm̀pà d'òò béhìnà-pa yèka: Sòpàtéè, k'ò yòn Pidúsì bíitá, k'òò yotí héé Bèdéè, nà Àdisitáákì nà Sèk̀ndúsì, kà mempa yòn Tèsadònìkì yotí kpéepá, nà Kàyúsì Dèébù yotí kóóó, nà Tìmòtèè, é yídá nà Tìsíkì, nà Tòdòfìm, kà pà yèni nà Àsìi tempáàku. 5 Mempa de nihí-ma, é t̀èi è ti ceí Tòdòásì yotí. 6 T́inti mèekà, pèèpa mèm̀pà kós-pa yòmu yíkànasá kúúdi kú dàhàka-dà, ti dìsi-má néemá dawéèku Fìdípù yotí, é n'káá daàka kànùm é neé pà h́tá-ho Tòdòásì yotí. Ye pesá, kà tí paá daàka kàyehì.

Pódì fòkànà dapànn òcɔ̀n Tòdòásì yotí

7 Kàyeèho dacecedí, kà tí t́íká è kó dii Weèdi dipú, kà Pódì cakú nìpa Weèdi wemá háá kà yènkà é yòò totá. Ò de sɔ̀kadà é yóka ma kú bookú, miì tee-sá yè de kó wentá k'ó kàhá-ma. 8 Nàmòni ti de péé-di kú meheká de péé h́dìdìkàta hínka-dà, kà hawèhi d́ódi t̀i. 9 Kà dapànn òcɔ̀n, kà p'òò yún Ètikúsì kàdi fùnétì béékú. Kà Pódì é n'cakú Weèdi wemá é yóka sàma, kà nùndokpémú é cɛ̀dí ye dapànn. O nùndómú meheká, k'ó dɔɔ-ní tènka n'èe h́dìdìkàta nàmòtáádi hínka, kà pá taá ò yíkàna-ní o kp̀idi. 10 Àmá kà Pódì é cutá-ní é t̀eni yj́nà o hínka, òò h̀èe-ní o nòhi meheká è yò: Ne b̀ti dá m'pudì, ò káá fòu-ú-ma.

11 K'ó tón é dìsi ye h́dìdìkàta hínka, é t̀èi é wéha pèè é céci. Ye kú dàhàka, k'ó t́úmá sɔ̀kadá Weèdi wemá cakàpu háá k'yé yòò weka, k'ò há neé é kàhá. 12 Kà pá kpəná ye dapànn o fòuò, pa wèni k'yè pà naa dédéi.

Pódì yídá Tòdòásì yotí é taá Mídèè kpéetì.

13 Kà tí nihí é dìsi néemá dawéèku, é kàhá Àsòsì yotí è kó t̀èi é tódá Pódì ye pesá, miì tee-sá o

mónn-dà de takadà è yò ò k'èè tadí n'òò tàka. 14 Ò ti hótà-ma-ní Àsòsì yotí, kà t'òò tódá ye néemá dawéèku meheká, kà tí kàhá Mìtidèni yotí. 15 Ye pesá, kà tí sòkadá nà néemá dawéèku, k'yé wentá kà tí tantá Kiyòò. K'yé tùmá wentá, kà tí tantá Sàmòsì. Dataádi, kà tí dúú Midéè. 16 Pódì de pú kpèi é neèhi Èfèsì yotí. Ò de pú kpèi é tódá wòni Àsù tempàaku meheká. Ò de pakú femma, è kpèi k'yè tehàà, k'ó tantá Sèdisàdém yotí-dà Pàntèkótì daadí.

Pódì cón Èfèsì weèdòò-nàmòni kpémma

17 Nà Midéè yotí, kà Pódì é tòn nìdò Èfèsì yotí, kà p'òò yíi-ní ti weèdòò-nàmòni kpémma. 18 Pà tantà-ní tìn wòni o pesá, k'ó pà caka è yò: Ne yáá-ma n de fòuma kú bookú ne còhàka, é tódá dacecedí n tàdi nàa-dí-ní Àsù tempàaku meheká. 19 N de kpàhìnà n còjòdi-dà céma, è púsì-nà Teó tòmú. N mèè de mù púsì nà nuhénéemá-dà, nà nánkú Sùwífùpa de múnà nùdi è n diini-ku. 20 Mii de kó neé ne tempanà-sa weñni, n yè ne cakàà-á-ma. Nìku weñni yìhika, nà ne hòjòhí meheká, n ne cakàà-á-ma Weèdi wemá é tùmá mà ne biòhàna. 21 N cakàà-á-ma Sùwífùpa nà mèmpa pú yòn-pa Sùwífùpa è yò pá kój pa còjòdi Weèdi, é taàa pa dandaní ti Teó Sèsù hínka. 22 Nte sàmà kà n kódi Sèdisàdém. Weèdi Sèdi-dà n yèyè nà nòti è yò n kà tadí, n mèè pú yáá mii n ceí-sa ka béka. 23 N yáá-sa sàadi-dà héé, yotí weñni meheká, Weèdi Sèdi de hý n caka è yò kódeedí nà nánkú-dà n ceí. 24 Mmí hákà, n mónn kú fòumu pú n yòn yècù. N bohòta-sá-dà héé, n paá tòmú Teó Sèsù n kójpu, háá mù yòò. Ye tòmú-dà héé n caka Weèdi paásuumá wenaamá.

25 Sàmà-ní, néna n cèn-pá kú weñni còhàka é caka Weèdi wòti wemá, n yáá-ma è yò ne koò pú kó n déhá daadí yèni. 26 Ye kú kpémú-dà tee n ne cakú-ma yenì kpédì pópóí è yò, kà n'òòcòh fèdi n yetádi nìcòh kós ye meheká, 27 è yáá n pú ne sònà yècù. N ne cakàà-á-ma Weèdi de hínà è yò né yáda-sa nà daadí yèni. 28 Né n'yáá ne còjòdi kpémú, nà weèdòpa hònhòka Weèdi Sèdi ne cèàka è yò né kà n'nihí é kà m'púsì sukú. Weèdi kà dontà nà ni biitá hìma-dà. 29 N yáá-ma è yò kà n kàhá, nipa kó tènì-ma-ní ne còhàkà, é n'yònà càkomòka, é n'tohi dédéí, é paá sñima weèdòpa. 30 Bá ne còhàkà, pàcò kó cetá-ma é n'cakú nuñhetí, é yehèna weèdòpa kà pá pà tùna. 31 Ne n'you ne dá dòó! Né dehta è yò n paà beeká kàtaà-dà, è teñ bá ne mènè dèè-ko wènkù nà yènkà, wòni yèni nà nuhénéemá.

32 Sàmà-ní, n ne tanì Weèdi nòhi, nà ni paásuumá wemá meheká-dà. Mà káa-ma nòti è kó neé tòhèna kpeèti ne dandaká, é tùmá ne kój kpàati Weèdi híi-ti mèmpa yòn-pa weñni ni kpéepá kpémú. 33 N pú dókàà òcòh kú díci, yoo o wúdó, yoo o báatí. 34 Ne mómpá yáá-ma è yò nà n mónn kú nòhi-dà n dehàa-ma, é púsì-nà n còjòdi, nà n nòtòpa. 35 N ne bekàà-á-ma wòka weñni, ne yònà é m'púsì-ma kú bookú tòmú, k'yé teha kà né n'tempú-nà péihí. Ne mèè yònà é n'dèn-í-ma Teó Sèsù mónn de hímpú. Ò de yò: Mènè pòn-kó kú yañnaakú hý n'hatà-á-ma pà pei-kó kú kpékú.

36 Pódì weè-ma mema é yòò, é hiu dúuka, é péé pà paá-nà weèdòpu pa weñni. 37 Pa weñni kà pá taá dawòka, òò bàsi-nà, òò còa. 38 Pa yàma de còháa-á-ma dédéí, mii tee-sá ò de pà cakàà è yò pà koò pú k'òò déhá daadí yèni. Kà p'òò béhina háá néemá dawéèku pesá.

Pódi taá Sèdisàdém yotí

1 Ti cɔwáa-ma nà mempa, kà tí dìsi néemá dawéèku, é kàhá cɔcɔ Kósi teñka néemá de yéntà-ka. K'yé wentá kà tí tantá Òdòdési kpéeká. N'èe pesá, kà tí taá Pàtàdàa yotí. 2 Kà tí tèi ye pesá, é déhá néemá dawéèku kà kù kódí Fènisî béka, kà tí kù dìsi é kàhá. 3 Kà tí tèi é n'wán Sípúdi teñka, é kà hédá ti cànkamá, é kàhá Sídî tempáaku béka. Kà tí tèi é cútá Tî yotí, ye pesá-dà ye néemá dawéèku de kó cùhina-má neñti. 4 Kà tí déhá ye pesá weèdòpa, é pà paá-nà daàka kàyehi. Kà Weèdi Sèdi é pà caka è yò pá caka Pódi ò dá taá Sèdisàdém. 5 Nà mema, k'yèe daàka kàyehi é kàhá, kà tí yídá è kó sɔkadá ti cànku. Kà pá ti behina pa weñni, nà pa poòpa nà pa bíhí háa ye yotí yèema. Ye pesá, dàmedí nùdi, kà tí hiu é paá weèdòpu. 6 Ye kú dàhàka, kà tí cɔwa ti toòpa, kà tí dìsi néemá dawéèku, kà mempa é fitá é tón é kòn pa hɔhí.

7 Kà tí dehà ti cànku nà néemá dawéèku, é yídá Tî yotí é tantá Tòdèmàyisi kpéeti, é tèi é cútá. Ye pesá, kà tí déhá ti weèdòtòpa, é pà dɔwa, é pà paá-nà daadí nicɔ. 8 K'yé weka, kà tí cɛɛ còku, é tantá Sèsàdèè yotí, é tèi bátá Weèdi wecako pà toò-ko Fídípù hɔta. Ye Fídípù de yòn nii pàyehi, Sèdisàdém weèdòpa de batà-pa è yò pá n'tookú dimá, p'òcɔ-dà. 9 Ò de káá sepàmma pànàhi-dà, kà pà mun pú yáá dɔu, kà pà yòn Weèdi weténapa. 10 Ti de péé-sa-dà, é yò daàka dódí, kà Weèdi weténako òcɔn é tènì nà Sùdèè tempáaku, kà p'òdò toò Àkàbúsi. 11 K'ó tènì ti pesá, é tódá Pódi nawòncéɛfa é bowá o n̄hi n'òo tàka è yò: N̄te Weèdi Sèdi hímpú: Nii mèn̄n tee-kó nawònfà menfà, Sùwífùpa k'òdò bowá ma kú bookú-dà Sèdisàdém meheká, òdò taa mèm̄pà pú yòn-pa Sùwífùpa n̄hi meheká.

12 Ti yeèkaà-ma mema, t̄ínti nà Sèsàdèè weèdòpa, kà tí séúka Pódi è yò ò dá taá Sèdisàdém. 13 Àmá k'ó ti téná è yò: Baà tee kà ne hódí è kó yákàna n wònti? Mmí, n sòdo bii-í-ma, kà pà kpèi kà pá n dákáná, bá é n kòu Sèdisàdém meheká nà Teó Sèsî yèdi. 14 Ti hɛkáa-ma ti k'òdò héi-ma wemá, kà tí kòu ti kpéemá è yò: Teó kpèi-sá é paná!

15 Kà daàka kàcɔkà é kàhá, kà tí paá sòdo è kó póná Sèdisàdém. 16 Kà Sèsàdèè weèdòpa pàcɔ é ti béhina, é tèi é ti tanà dòdò òcɔn kú hɔta, kà p'òdò toò Nàsóni, k'ò yòn Sípúdi kóoó, è de yòn weèdòdò k'yè de. O hɔta-dà ti de kó bátá-ma.

Pódi pètà-nà Sèdisàdém weèdò-kpém̄ma

17 Ti tantà-ma Sèdisàdém, kà ti weèdòtòpa é ti codá nà yañnaakú. 18 K'yé weka, nà Pódi kà tí taá Sàákì hɔta, é tèi è hɔta weèdò-kpém̄ma weñni tíkà ta meheká. 19 K'ó pà dɔwa é yò é pà caka pópói, Weèdi paá-sa o dehèmu meheká mèm̄pà pú yòn-pa Sùwífùpa còhòka. 20 Pà yèkaà-ma mema, é fanta Weèdi é caka Pódi è yò: A déhá nkèè ti kúcàà, Sùwífùpa tòhika tòhika dódí taà-ma dandaní Teó híñke-è! Pa weñni mèe t̄un-dà dédéí kpéñt̄inùka hímpú. 21 P'áa pà cakáa è yò a biòhànì Sùwífùpa mèm̄pà péé-pa weñni tɔ-boocí còhàka, è yò pá hédá Mòyisi kpéñt̄inùka, pà koò dá n'tùn pa bokupaama, pà mèe koò dá n'camù pa bíidahí. 22 Ntè ti kó hímpù-dà? Pà kó yekà-ma è yò a tènì, n̄pa dódí kó tíkà-dà-ní. 23 Ye kú kpémú á paá ti k'áa caka-sá. N̄pa pànàhi-dà péé ti

cɔhàkà, è hɪ̀nà nùdi è yò pà kó deha Weèdi kpémú. 24 Pà tódá kà né taá paá wekànamá kákámú, k'á bodá pa koóma dífa. Ye wòni, nìpa weñni kó bantá-ma è yò pà yèkaà-sa a hɪ̀nka pú yòn bemú, àmá a mónnì tỳn-ń-ma kpéńtìnùka hɪ̀mpú. 25 Mèmpà pú yòn-pa Sùwífùpa è há hɪ̀n weèdòpa, ti pà wàhaà mempa pòkàta-dà, é pà caka ti hɪ̀nà-ma. Ti yò pà té dá céci mànci pà kòu-ci wàci fɔ̀ka, pà dá dii hɪ̀ma, pà dá dii notá pà kòu-ta è pú tà hɛ̀dà, pà mèe pú yònà é m'pakú yáyámú.

26 K'yé weka, kà Pódi é tódá ye nìpa pa nàhika, kà pá cetá ye wekànamá kákámú paápu. Ye kú dàhàka, k'ó dúú Weèdi hɔ̀ta meheká, é caka dðhòka yaɔ̀mma, ye wekànamá kákámú kó yò-dí daadí, kà bá pa mènè dèè-ko é toó-ní o dðhàdi notá.

Pà cɛ́ Pódi Weèdi hɔ̀ta meheká

27 Ye kákámú daàka kàyehi kós-ma yòpú, kà Sùwífùpa mèmpa péé-pa Àsɪ̀ tempáaku é déhá Pódi Weèdi hɔ̀ta meheká. Kà pá fuci niku, kà p'òò cɛ́dí, 28 è kpákádí è toò: Paá-nà, fàpá Ìsìdàyédìpa-nà! Nte-nà ye dòò mènè càu-kó páati weñni, è cakú kpàkpàama ti bookú hɪ̀nka, nà ti kpéńtìnùka hɪ̀nka, nà ye Weèdi hɔ̀ta hɪ̀nka. Ò mèe mà cakú nìpa weñni-dà. Ò múntà dúwà mèmpa pú yòn-pa-dà Sùwífùpa ta meheká, é tà paá yókama. 29 Pà de wei mema mi tee-sá, pà de déhá Tòdòfɪ̀m-dà, Èfèsì yotí kóoó nà Pódi kà pà nò yotí meheká, kà pá mahà è yò Pódi ò dúu-ú-ma Weèdi hɔ̀ta meheká.

30 Kà hoodí é tódá ye yotí weñni meheká, kà nìpa é coci-ní nà páati weñni. Kà pá cɛ́ Pódi, òò yópa, òò dèna Weèdi hɔ̀ta meheká, é cemá kpená ta còka. 31 Kà pá n'kpèi òò kòu, kà Hòdòm Sòsipa kpènn é yekà è yò Sèdisàdém weñni saɔ̀mpu-ú-ma. 32 Ye pesá n'èe pesá, k'ó toó sòsipa nà pa dapànkpèmma kà pá kahá ka béka. Pà déhá tɪ̀n wòni ye kpènn nà sòsipa, kà pá hédá Pódi pootí. 33 K'yèe sòsipa kpènn òò hétá-ho, é héé kà p'òò cɛ́dí, k'ò yò p'òò bowá nà dákati tìdée. Ye kú dàhàka, k'ó béka menn héé-ko, n'òò paà-sa. 34 Àmá, ye niùdòdi meheká, kà pàcɔ̀ toó hoodí è toò memà, kà tòpa toò tòma. K'yèe sòsipa kpènn é n'hɔ̀ta ò pú kó neé é yekà webeèdi ye kú hoodi mehekà. K'ó kɔ̀ nùdi è yò pá tanà Pódi sòsipa hɔ̀ta. 35 Pódi tantà tɪ̀n wòni còncòka pesá, k'yèe sòsipa òò hèda é toó, mi tee-sá fɔ̀di-dà de káa ye niku dédée. 36 Ye niku dòdi de tỳn-ń-ma è kpákádí è toò: Ò kòu-nà!

Pódi wei-nà Sèdisàdém niku

37 Pà kpèi tɪ̀n wòni é dúuwa Pódi ye sòsipa hɔ̀ta meheká, k'ó còhà ye sòsipa kpènn è yò: A kó neé n paá nùdi ká n weé màcɔ̀mà? K'òò tɛ́nà è yò: A you Kèdékidi? 38 A pú yòn Èsípùti yaann mènè fuci-ko nìpa daàka menkà kú mehekà, é tódá toyèpa tòhika kànàhì é kahá-nà càwenkú meheká nkèè? 39 Kà Pódi òò tɛ́nà è yò: Ù, n yòn Sùwífù-dà, è yèni-nà-ní Táási yotí, Sìdisɪ̀ tempáaku meheká. N yotí yèdi yuhù-ú-ma. M'a séúkú-ma, héé ká n weé-nà ye niku.

40 K'yèe sòsipa kpènn é teha. Kà Pódi é neèhi ye còncòka hɪ̀nka, é yoòda o nõku è kpèi ye niku é hɪ̀n wám. Kà kú yò kúdúm, kó pà weé-nà Sùwífùpa bookú^b wemá è yò:

^b **21.40** Sùwífùpa bookú de héé hèbùdèèdi-dà.

22

1 N kúcàpa nà n báàpa-nà, né besí wòn menì n káá-ma è kó ne caka é pútá-nà n còḍḍi.

2 Pà yèkaà-ma k'ó pà weé-nà pa bookú wemá, kà pá dḥà è yò kúdúm. Kà Pódi é sḡkadá è yò: 3 Mmí, n yòn Sùwífù-dà kà pà n pedà Táási yotí, Sìdisì tempáaku meheká. Àmá, n bíúháa miì-dà Sèdisàdém yotí meheká, kà Kàmàdiyédi yòn n métídi. Mení-dà n biḥàna sukú mónkú ti yàapa kpéñtinùka. N wònti mēe té de yahi-í-ma dédéí, Weèdi tóná hīnka é n'yòna ne yòm̀p̀u ne wenni yenì. 4 N de fākápáa-á-ma mēm̀p̀a t̀n-pá Teó còku, háá é k̀d̀u p̀ac̀. N hēe-é-ma kà pá cḡha daapá nà poḍpa é pà yèi kódeedí. 5 Dḥàka yaḡma kpéñn nà Sùwífùpa kpém̀ma hònhòni weñni kó neé-ma é wedá è yò n weì-sà yòn bemú-dà. Pà múntà de n k̀ḡḡ p̀òk̀ahi-dà mēñhi n p̀ḡn-hí nùdi, è yò kà n taá è déhá weèdoḍpa mēm̀p̀a péé-pa Dàmási yotí, kà n pà cḡha-ní é pà teèni Sèdisàdém, é yón pa toòka. N de yòna é taá é k̀ḡḡ ye p̀òk̀ahi, ti kúcàpa Sùwífùpa-dà mēm̀p̀a péé-pa ti meheká.

Pódi cakú yè hīmpú k'ó hīn-nà weèdoḍo

6 Kà n ní n'sáá còku, è patì Dàmási yotí, kà wēñku patì yuùka, ye pesá n'èe pesá kà wensàku é cútá-ní nà hīnka, é n tiida é n yéñtá-ho. 7 Ká n dodi teñka, n you kà boòku kùcòkù n weì-nà è toò: Sòdi, Sòdi, baà tee k'à n fākápú? 8 Ká n téná è yò: Fón wodà, Teù?

K'yèe boòku é n téná è yò: Mmí-dà Sèsñ Nàsàdèti kóoó a fākápú-ko. 9 Mēm̀p̀a de n nòḍ-nà-pa de déhá-á-ma ye wenkú, àmá pà pú yeèkaà mēñn de n weì-nà-ko boòku. 10 Ká n béka è yò: N yòna é p̀aḡ badà n Teù?

K'ó n téná è yò: Yídá é taá Dàmási yotí. Ye pesá-dà pà k'áa caka-má a yòna é p̀aḡ-sa weñni. 11 Ye wenkú h́ de paìdi-í-ma sàma, ye kú kpémú kà kú n yòna. Kà n nòḍtoḍpa é n deèdi é n tanà Dàmási yotí.

12 Y'áa de h́tá doḍo òcòñ-dà péé ye pesá, kà p'òò yún Ànànyási, k'ò káa Weèdi wantafòdi, è t̀n kpéñtinùka hīmpú dédéí. Sùwífùpa mēm̀p̀a kú wenni de péé-pa Dàmási yotí meheká de weì o suumá-dà. 13 K'ó tēni n pesá é n caka è yò: N kúcà Sòdi, diida! Ye pesá n'èe pesá, kà n nòñci é diida, kà n ò déhá pópóí. 14 K'ó tuèha è yò: Ti yàapa Weèdi-d'áa t̀kadà k'yèe deu, è yò á yádá nì kpèi-sá, é déhá Niicoóko, é yekà o boòku. 15 A yòna é hīn o pútáko-dà, é caka nīpa weñni a déhá-sa n'áa yeèkaà-sa. 16 A t́m̀a yókú ba sàmà-ní?. Yídá kà p'áa cóntá, yíi o yèdi k'ó a deèda a s̀iima.

Pódi cakú Teó ò tónkáama mēm̀p̀a pú yòn-pa Sùwífùpa béka

17 Ye kú dàhàka, kà n tóní Sèdisàdém. Daadí yèni, kà n ní m'p̀akú weèdoḍpu Weèdi h́ḡta meheká, k'yé n hīn-nà dḥòti. 18 Ká n déhá Teó k'ó n caka è yò: Yèdi feḡma Sèdisàdém yotí, è yáá ti yaḡma pú kó teha a kó caka-sá n hīnka. 19 Ká n téná è yò: N Teù, pa mómpá yáá-ma è yò n de centi Sùwífùpa Weèdi wemá biḥà-nàm̀d̀ka meheká, è cḡhú mēm̀p̀a dañ-pa a hīnka, é pà yèyù kóodeèka meheká, è héu kà pà pà podì. 20 Pà de k̀d̀u-ku Ètíyèni a pútáko, kà n mónn péé-ma ye pesá, è ceí pa báatí, é seda pa p̀aḡma. 21 Ye wòni kà Teó é n caka è yò: Toḍta, m'a tónti deùma-dà,

mèmpà pú yòn-pa Sùwífùpa béka.

Pódì wedà è yò ò yòn Hòdóm kóó-dà

22 Nìpa de besí-ma Pódì háá wòni ò hín-dí, Teó ò tòn mèmpà pú yòn-pa Sùwífùpa béka-dà. Ye wòni, pa weñni kà pá dedí kpeéma è yò: Nìi menñ pú sàna é n'fòù, ò kòù-nà! 23 Kà pá dèhà é kpákada dédéí, è báákú pa báatí è tì pùhìnì hínka, è kpihú tápùdùm. 24 Kà Hòdóm sósipa kòmàndánn é kǒǒ nùdi è yò pá dúùwa Pódì sósipa hǒǒta meheká, óò poó dáafa k'yé teha k'ó yáda mìi tee-sá kà nìkù kpákadí mema kú bookú o hínka. 25 Kà p'òò m'booni è k'òò poó dáafa, k'ó béka sósipa kòta kpènn mènñ de péé-ko ye pesá è yò: Pà ne pèi-í-dà nùdi, è yò ne podí Hòdóm kóó dáafa bá è p'òò síi-nà? 26 Ye sósipa kòta kpènn yeèkaà-ma mema, é cocí é taá caka kòmàndánn è yò: A cetà kó paá badà ye pesà-ní? Ye nìdò yòn Hòdóm kóó-dà. 27 K'yèe kòmàndánn é tēni Pódì pesá, óò béka è yò: N caka-ní. A yòn Hòdóm kóó-dà nà mómasí?

Kà Pódì óò tēná è yò: Aǎ. 28 K'yèe kòmàndánn óò caka è yò: Mmí bodà díci sàma móma-dà, é neé hìn-nà Hòdóm kóó.

Kà Pódì yò: Mmí, n yòn Hòdóm kóó nà n pedáma-dà-ní. 29 Ye wòni, mèmpà de kpèi-pá óò podí k'ó weé bemú, kà pá cem wiida óò hédá. Kà wantafòdi é cèé ye kòmàndánn, ò yèkaà-ma kà Pódì yò ò yòn Hòdóm kóó-dà, k'ò há hédá kà p'òò dáká.

Pódì sídàsàpu yìhika

30 Ye kòmàndánn de kpèi é yáda-ma dédéí, Sùwífùpa púyùni-sa kú hínka Pódì. Ye kú kpémú, k'yé weka, k'ó yí dèhàka yañma kpèmma, nà sídàsàpu yañma weñni è yò pá tíká. K'ó héé kà p'òò pǐntá ye dákáti, k'òò teè-ní óò nèhina pa yìhika.

23

1 Kà Pódì é n'wáñ ye sídàsàpu yañma è yò: N kúcàpa-nà, nà n yàma weñni-dà n dehàa-ma Weèdi kpémú háá nà yenì. Yècǐ mèe pú kòkapú n yàma n cemu meheká nà Weèdi.

2 Kà dèhàdi kpènn, Ànànyási é kǒǒ nùdi mèmpà de ò hédí-nà-pa è yò pá potá o nùdi. 3 Kà Pódì óò caka è yò: Weèdi kó wántá áa potá-ma, yañpèntayà fǒn! A kaadi ye pesà, è kó n síi-nà kpèntìnùka hímpú-dà, há òte k'à kà yetà-nà, é kǒǒ nùdi è yò pá n potá! 4 Mèmpà de ò hédí-nà-pa, kà p'òò caka è yò: A teù Weèdi dèhàdi kpènn-dà? 5 K'ó pà tēná è yò: N kúcàpa-nà, n de pú yáá è yò dèhàdi kpènn-dà, è yáá pà wàtà Weèdi pòkàta meheká è yò: A pú yònà é weé kpákpàama a bookú kpènn hínka.

6 Pódì de yáá-ma è yò ye sídàsàpu yañma pàcǒ yòn Sàdúkìpa-dà, kà tòpa yòn Fàdísipa. Ye kú kpémú-dà tee, k'ò de é weé kpeéma pa yìhika è yò: N kúcàpa-nà, n yòn Fàdísì-dà, kà n báaa yòn Fàdísì. N dañ-ma kpémú-dà è yò kpíipa kó wántá yántá kà pà n síi-nà.

7 Ò weè-ma mema, kà Sàdúkìpa nà Fàdísipa é cetà nònðicí, k'yèe sídàsàpu nìku é totá é hìn cemá màdèé. 8 Sàdúkìpa mempa de cakú è yò kpíipa pú kó wántá yántá, mèekà sèka nà Weèdi

tontondipá kóó. Kà Fàdísìpa mempa dań è yò ye kú niì weñni péé-ma. 9 Kà hoodí sàdi é tódá pa còhàka. Kà kpéńtinùka biòhànapá pàcǔ, kà pà yòn Fàdísìpa còku kpéepá, é yídá weé kpéema è yò: Tíńtí pú déhà kpákpàama màcǔmà ye dɔɔ menñ hĩnka. K'yè púdí sèdi yoo Weèdi tontondikó-dà ò weè-nà!

10 K'yèe nònðhicí é dðhà é kpeka dédéí, háá k'yèe kòmàndánn é yó wampa pà dá yetá é ce- cetá-ma Pódi. K'ó kǔǔ nùdi o sósipa è yò pá cútá òò dèda pa còhàka, òò téná sósipa hǔta meheká.

11 Ye daadí yèñka, kà Teó é beka o cǔǔdi Pódi òò caka è yò: A wònti dá yáaka! A cakaàma kú bookú miì n wemá Sèdisàdèm meheká, a yònà è mèe té mà caka-má kó bookú-dà Hòdóm yotí meheká.

Sùwífùpa múnà nùdi è kó kòu Pódi

12 K'yé weka kányèñfa, kà Sùwífùpa pàcǔ é múná nùdi, é wéha è yò, pà pú kó dii pà mèe pú kó yàà yècǔ, kà pà pú kòu Pódi. 13 Mèmpa de múnà-pa nùdi é pǎǎ ye kú wéghèdi de haťa-á-ma púnàhì. 14 Kà pá taá é peèta-nà dðhàka yañma kpémma, nà Sùwífùpa kpémma é pà caka è yò: Ti wéghàa-á-ma Weèdi yihika, è yò ti pú kó dii yècǔ kà ti pú kòu Pódi. 15 Wòn menì, né kǔda-nà sídàsàpu yañma, kà né taá é còhà Hòdóm sósipa kòmàndánn, è yò ó teèní Pódi ne yihika. N'óò còhà, k'yé n'yònà ne kó dðhà é cós-ma sukú o wemá. Tíńtí, ti sòdo kó m'bií-ma, kà t'òò kòu k'ò mun pú tantà-ní miì.

16 Ámá, kà Pódi potǔǔ-bíitá é yekà ye wemá, é taá ye sósipa hǔta meheká, é tèi dúú é mà caka Pódi. 17 Kà Pódi é yíi sósipa kòta kpéñn òcǔñ, òò caka è yò: Tanà dapàmíbítà mentà kòmàndánn pesá, tà káá màcǔmà-dà è k'òò caka.

18 K'yèe sósipa kpéñn é tà tanà kòmàndánn pesá, é tèi òò caka è yò: Kpenáku Pódi-dà n yíi é n còhà è yò m'áa teèní dapàmíbítà mentà, tà káá màcǔmà-dà è k'áa caka. 19 K'yèe kòmàndánn é cǔǔ ye dapàmíbítá nòku, é tà dèdi kà pá taá béékú pa cǔǔdi pesá. K'ó tèi é tà béka è yò: A káá mómá-dà è kó n caka? 20 Kà t'òò téná è yò: Sùwífùpa-dà kǔdaà, è k'áa còhà, k'á teèní Pódi kúyweñni sídàsàpu hǔta. Pà yò pà k'áa caka è yò pà kó dðhà é códí o wemá-dà sukú. 21 A dá teha pà k'áa còhà-sa, è yáá pa meheká, nipa haťa púnàhì è kpèi é wòci còku, òò kòu. Pà wéghàa-á-ma Weèdi yihika, è yò pà pú kó dii yècǔ pà mèe pú kó yàà yècǔ, kà pà pú kòu Pódi. Pa sòdo bií-ma wòni, pà ceí a tehàma-dà sǔǔdí. 22 K'yèe kòmàndánn é caka ye dapàmíbítá, è yò tà dá yetá caka òcǔñ ye wemà t'òò cakáa-mà. Ye wòni, k'ó tà hédá kà tá kòn.

Pà tanà Pódi tempáaku yikànyiko Fèdísì pesá

23 K'yèe kòmàndánn é cem yíi o sósipa kòta kpémma pàdèé, é pà caka è yò: Tíká-nà Sósipa kòonà déé, nà sandáapa púyehì, nà kpaàka yañma kòonà déé. Pa weñni sòdo é m'bii, kà pá kaha Sèsàdèè yotí yohokú màaku màwòí. 24 Né mèe té dðhà sanhí, é tódá Pódi òò taħina tempáaku yikànyiko Fèdísì pesá, nà naakú.

25 K'ó yídá é waha pòkàta è yò:

26 Mmí Kódótí Dìsìyási, n dón dapànkpéñn, tempáaku yikànyiko Fèdísì. 27 Sùwífùpa-dà cǔǔ

doòd m'a nañci-kò-hɔ menñ, è kpèi óò kòù. N yeèkaà-ma è yò ò yòn Hòdóm kóó-dà, ká n taá nà n sósipa óò fèda. 28 Kà n ní n'kpèi é yádá p'òò púyùni-sa kú hínka, óò tanà pa sídàsàpu yamma yìhika. 29 Ká n déhá é n'hótà, p'òò nòhù-nà pa kpéñtìnùka hínka-dà, ò pú paà yetádi nicòni kà nì sàna p'òò kòù yoo óò kpená. 30 Pà há n cakáà è yò Sùwífùpa-dà múnà nùdi è kpèi óò kòù. Ye kú kpémú-dà tee, ká n ò nà nàñci-ho fen-femà. N cakáà mèm̃p'òò púyùni-pa, è yò pá taá óò yíí a pesá-dà sídàpu.

31 K'yèe sósipa é paà ò de pa kòò nùdi è yò pá paà-sa. Kà pá tódá Pódì, óò kahá-nà yènka yotí pà yún-tí Àntipàtìsì. 32 K'yé weka, kà sósipa mèm̃pà de centi-pa tàka é tón é kòn pa hòta, kà mèm̃pà dáa-pa sanhí é sɔkadá-nà Pódì. 33 Kà pá tantá Sèsadéè, k'yèe sandáapa é kòò ye pòkàta ye tempáaku yìkànyiko, é taàa-nà Pódì o nòhi meheká. 34 K'yèe tempáaku yìkànyiko é kaàn ye pòkàta, é béka Pódì tempáaku p'òò pèè-ku kú meheká.

K'òò ténà è yò: Sìdisì tempáaku. 35 K'yèe tempáaku yìkànyiko óò caka è yò: Mèm̃p'áa púyùni-pa kó tēni tīn wòni-dà, n k'áa béka-má mēm̃à dèè-ma. K'ó kòò nùdi è yò pá híná Pódì, Hèdótì wóo-hòta meheká.

24

Tètùdúsi púyùni Pódì

1 Kà daàa kànùm é kahá, kà dèhàdi kpéñn Ànànyási é tēni Sèsadéè yòti, è nòò-nà-ní Sùwífùpa kpém̃ma pàcò, nà Àfòkàà òcòñ, kà p'òò toò Tètùdúsi. Kà pá tēni tempáaku yìkànyiko Fèdisì pesá, é caka Pódì paà-sa. 2 Kà pá yíí-ní Pódì k'ó tēni, kà Tètùdúsi é cetá o púyùpu è yò: Dapànkpéñn, nà fòñ kú nòti-dà ti fòu-ma wèèdi sàdi meheká. N'aa kú nòti-dà mēe deè, cehenamá paà-ma ti nìkù menkù kú kpémú, nà yañfòuma a káa-ma. 3 Ti mēe teháa-á-ma ye kú paásuumà wòka weñni nà páati weñni, àa sedí sàma móma. 4 Hákà, ti pú kpèi áa tódá wòni sàma. Ti pú kó wedá sàma. Ye kú kpémú, m'a còòhu è yò a nìima meheká, á ti besí. 5 Ti còó é n'hótà doòd menñ yòn niìkpákpàdo mónn-dà. Ò cènti teñka nà ka nùdi-dà, è kàñni Sùwífùpa. Menñ-dà nihí weèdòd-còku pà toò-ku Nàsadéti kpéepá. 6 Ò múnta beñ-ma, è kó paà yòkama Weèdi hòta, kà t'òò cèè. [Kà tí n'kpèi óò síi-nà ti kpéñtìnùka hímpú, 7 àmá kà kòmàndánn Disiyási, é tēni óò fèda ti nòhi meheká nà kpeèti. 8 Ye wòni é ti caka è yò t'òò yíí a pesá.] A kó neé ò béka-á-ma a mónn, é déhá kà t'òò púyùni-sa weñni pú yòn bemú.

9 Kà Sùwífùpa é teha ò wedà-sa weñni, è yò ò wedà pópói-dà.

Pódì púyùkú o còòdi Fèdisì yìhika

10 Ye wòni, k'yèe tempáaku yìkànyiko é paà yídó Pódì, è yò ó wedá. K'ó tódá wemá è yò: N yáa-ma è yò n'aa sídì-ma ti teñka meheká, yè yòò beeká dódì. Ye kú kpémú-dà tee n dañ-ma, è kó caka n kpéemá é pútá n còòdi. 11 Yè pú haà daàka pñ-kadéé, nà n pòntà-ma Sèdisadém è kó dca Weèdi. A mónn kó neé é béka-á-ma é déhá kà móma-dà. 12 Òcòñ pú n déhá daadi yèni Weèdi hòta meheká, yoo Weèdi wemá bihà-nàmòka meheká, yoo yotí meheká, kà n hákádí n'òòcòñ, yoo

kà n fukù nìku. 13 Ye nìpà mempa n púyùni-sà wenni-ní sàmà, p'òdcòhò pú káá ò kó beka-sá k'yè yòn bemú. 14 Nte hákà n teháa-sa a yìhika: N tòn còku-dà, kà mempa kù dìi è yò kù pú sudi. Mómásì hínka, n dehú n yàapa Weèdi kpémú-dà. N dań-ma pà wàhaa-sa weñni kpéńtínùka pòkàhi meheká, nà Weèdi weténápa kpéhi meheká. 15 N káa-ma ye kú dańma Weèdi pesá, kà pa mómá mèe té mà káá, è yò Weèdi kó wántá yághina-á-ma niicoópa nà niisimma. 16 Ye kú kpémú-dà tee, kà n mèe té wédi wòka weñni, è fòu Weèdi yìhika nà nipa yìhika yè kó himá kà n yàma dá nà n kòkapú. 17 N paà beeká dódidi-dà cànku. N tòn é koní Sèdisadèm, è toó-ní díci-dà, è kó tempa-nà n bookú kpéepá, é kój-nà Weèdi paká.

18 N tēni Weèdi hòtá ye kú kpémú-dà, kà pá n déhá, è hòtá n káa yòhòta-ní wekànamá kákámú. Nìku de pú n yéńtá, kòkapàma màcòmà mèe de kóó. 19 Hákà, Àsì tempáaku Sùwífùpa pàcò de yè péé-ma, mempa-dà de yònà é tēni a yìhika é n púá, kà pà de káá màcòmà n hínka. 20 Yoo, mēm̀pà péé-pà miì, pá caka-ní yetádi pà déhà-di n hínka pà n tanà t́n daadí pa sídàsàpu yańma yìhike-è! 21 Pà kó neé é caka-sá sáadi-dà héé, n de neèhi-sá pa yìhika, é weé kpeéma è yò: N dań-ma kpémú, è yò Weèdi kó wántá é yághina kpíipa, ye kpémú-dà tee kà pà n síi-nà ne yìhikà yenì. 22 Fèdisì há de yò békàpu-dà, è yáá ye bihànamá yòm̀pu sukú. K'ó fànta ye sídama daadí, è yò: Kà k̀m̀ndànn Dìsiyási tēni t́n daadí, n kó sída ne wekú.

23 K'ó kój nùdi sòsipa kòta kpènn, è yò ó n'cei Pódì, àmá òò m'pòn foóma, é tùmá hédá k'òo kpéepá é n'kódi-ní òò tempú-nà.

Pódì nēhi Fèdisì nà Dù̀sìdì yìhika

24 Kà daàka kàcòkà é kàhá, kà Fèdisì é tēni n'òo pòò Dù̀sìdì, k'ò yòn Sùwífù. K'ó tòn kà pá toó-ní Pódì. K'ó besì ò de káa-ma, dandaní taàa-má Sèsí-Kídìsì hínka. 25 Àmá, Pódì cetà t́n wòni è wei coóma wemá, nà còdi cèéma wemá, nà sídama mēm̀mà pení-ma-ní wemá, kà wantafòdi é cèé Fèdisì, k'òò caka è yò: A kó neé kàhá-ma sàmà-ní. Kà n déta t́n daadí bòdi, n kó tùm'áa yíi-ní. 26 Ò mèe té de cei Pódì k'òò paà-má-dà díci. Ye kú kpémú-dà tee, k'ò d'òò yún wòka weñni, òò k̀di-nà.

27 Kà beeká kàdéé é kàhá, kà Pòsiyúsi Fèsitúsi é tańta Fèdisì, wòoti hínka. Fèdisì há de kpèi-má Sùwífùpa òò n'naanà tá, k'ó hédá Pódì kódeedí meheká.

25

Pódì kpèi Hòdóm̀ Wóosào òò sída

1 Fèsitúsi tēni-má-ní é paà daàa kàtaà ye tempáaku meheká, ka kú dàhàka, k'ó yídá Sèsadèè é póńtá Sèdisadèm. 2 Kà d̀hàka yańma nà Sùwífùpa kpèmma é tēni o pesá, é caka Pódì paà-sa é yèi ye hínka dédeí. 3 Kà p'òò còhà, è yò ó pà paà niima, é tēnà-ní Pódì Sèdisadèm meheká. Pà de kpèi é woòka nipa-dà còku òò k̀. 4 Àmá, kà Fèsitúsi é pà tēnà è yò: Pódì péé kódeedí meheká, Sèsadèè yotí. N mómá mèe pú kó yóka é tòn ti meheká. 5 K'ó tuèha è yò: Ne kpèmma é n béhina Sèsadèè. K'yè yònà ye d̀òò paà yèc̀i k'yè pú coó, kà p'òò yíi sídàpu.

6 Kà Fèsitúsi é paá daàa kàniì yoo píta kpéemá sààdi pa yotí meheká, é neé tón Sèsàdèè. K'yé weka, k'ó taá kaadi sídàma nahàku meheká, é kǒǒ nùdi è yò pá yaà-ní Pódi. 7 Ò tēni-má-ní, kà Sùwífùpa mèm̀pà de yeèni-pá-ní nà Sèdisàdè̀m, é tēni òò yéntá-ho, òò púá niìi dǒódi hínka k'yè pú coó. Hákà, p'òòcǒn de pú kó neé é beka ye miì yòn-sa bemú. 8 Kà Pódi menn púújú o cǒǒdi è tonà: N pú yetà-nà Sùwífùpa kpé̀ntinùka, n pú yetà-nà Weèdi hǒ̀ta, n m̀eè pú yetà-nà Hòdóm Wóosào.

9 Fèsitúsi menn há de kpèi-má Sùwífùpa òò n'naanà tá, k'ó béka Pódi è yò: A kpèi é taá Sèdisàdè̀m é tēi kà p'áa síi-nà n yìhika ye wekù hínka?

10 Kà Pódi é téná è yò: N neèhi Hòdóm Wóosào sídàma nahàku meheká-dà, ye pesà-dà m̀eè deè pà yònà n síi-nà-ma. A mónn yáá-ma sukú, è yò n pú paá Sùwífùpa yèc̄i k'yè sìn. 11 Kà n káa yetádi-dà yoo n paá yèc̄i-dà k'yè sàna pá n kòù, n pú kó yeda kúmú. Àmá, k'yèc̄i kós è yòn ḿomasí ye nìpà n púnì-sà wenni hínkà, òcǒn pú yònà é n taàa pa n̄hi meheká. N kpèi Hòdóm Wóosào-dà é n sída.

12 Ye w̄ni, kà Fèsitúsi é weé-nà mèm̀pà d'òò teñ-pa ye sídàma meheká, kà pá neèhi nùdi nìcǒ kú hínka. Ye kú dàhàka, k'ó caka Pódi è yò: A yò a kpèi kà Hòdóm Wóosào-dà áa síde-è, a kódí o pesá-dà k'ò k'áa sída.

Pà tanà Pódi Àkìdìpáà nà Bèdènisì pesá

13 K'yé hìn daàka céma, kà wódo Àkìdìpáà n'òo potǒǒ Bèdènisì é tēni Sèsàdèè è kó doa Fèsitúsi. 14 Kà pá m'péé ye pesá é paá daàka dǒódi, kà Fèsitúsi é caka ye wódo Pódi wemá, è yò: Dòò òcǒn-dà péé miì, kà Fèdisì ò hédà kódeedí meheká. 15 N taá-ma Sèdisàdè̀m, kà d̀hàka yàmma kpé̀mma nà Sùwífùpa kpé̀mma-dà é tēni òò yí sídàpu n pesá, é n còhà è yò n̄ ò kòù. 16 Kà n pà téná è yò, Hòdóm̀pa pú hǒ kòù nido ma kú bookù, è mum pú hédà ye yànn k'ó pútá o cǒǒdi, o kà̀tò̀pa ò pú̀ni-sa kú hínka. 17 Ye w̄ni, kà pá n neñta-ní é tēni miì. N m̀eè pú ceí é yóka, k'yé weka, kà n dúú é kaadi sídàma nahàku, é kǒǒ nùdi è yò p'òò yaà-ní. 18 K'òo kà̀tò̀pa é tēni, kà n màhu è toò pà k'òò pú̀-sa kó n'dò̀n-ń-dà dédéí, àmá mema há de do. 19 Pà de ò n̄hù-nà pa bookú paáma hínka-dà, nà Sèsì òcǒn kú hínka k'ò tìn kpíi, kà Pódi menn toò ò fòù. 20 N de pú yáá n kó sída-má kú bookú ye wemà memà-ní. Ye kú kpémú-dà tee, kà n de béka Pódi, k'ò kpèi é taá Sèdisàdè̀m, é tēi kà p'òò síi-nà ka béka ye wemà hínkà-ní. 21 Àmá k'ó yeda, è yò ò kpèi kà Hòdóm wóosào-dà òò sída. Memá-dà, kà n kǒǒ nùdi è yò pà mun òò n'h̄i kódeedí meheká, háá kà n ò nànci-ho wóosào.

22 Kà Àkìdìpáà é caka Fèsitúsi è yò: N de kpèi-í-ma é besí n mónn, ye dòò. Kà Fèsitúsi òò téná è yò: Kúnwenni, a k'òò besí.

23 K'yé weka, kà Àkìdìpáà nà Bèdènisì é tēni, è f̄di-nà-ní nìpa dǒódi. Kà pá tēni é dúú sídàma nàm̀ni meheká, è nònà sósipa kpé̀mma, nà yotí kpé̀mma. Kà Fèsitúsi é kǒǒ nùdi kà pá teèní Pódi. 24 Ye w̄ni, kà Fèsitúsi yò: Wódo Àkìdìpáà, nà néna mèm̀pà kú wenni péè ti péé-nà-pa miì, wántá-nà ye dòò men̄. Sùwífùpa weñni-dà tēni é n déhá n'òo kpémú, Sèdisàdè̀m meheká nà miì,

è toó hoodí è yò ò koò pú yònà é n'fòù. 25 Mmí kú pesá, n cós é n'hótà ò pú paà yècī k'yè sàna ó kpíí. Hákà, ò yò ò kpèi wóosào-dà òò sída. N tākadà è k'òò n'òò nañci-í-ma-ho. 26 N há pú káá yècī è kó wāhà o hīnka, é nañci-ho wóosào. Ye kú kpémú-dà tee n ò teè-ma-ní, fḡn wódo Àkìdìpáà yìhika, nà tōpà néna, è kpèi á ò béka, k'yé teha ye kú dàhàka ká n déta n kó wāhà-sa. 27 N pú sedáà k'yè sudi, n nañci-ho memà kpenáku, è pú wekàna mì tee-sá kà pà kù púyùni.

26

Pódi púyúku o cḡḡdi Àkìdìpáà yìhika

1 Kà Àkìdìpáà é caka Pódi è yò: A kó neé-ma é wedá a káá-ma é pútá a cḡḡdi. Ye wòni, kà Pódi é yoòda o nòku, é cetá o cḡḡdi pútápu è yò: 2 Wódo Àkìdìpáà, yè n naá-ma dédéí, nà n kó neé-ma é pútá n cḡḡdi yenì a yìhika, Sùwífùpa n púyùni-sa weñni kú hīnka, 3 è yáá, a yáá-ma dédéí pa bokupaáma weñni, nà pà nòhù-sa kú hīnka. M'a còḡhu è yò á n besí nà mùyḡ.

4 Sùwífùpa weñni yáá-ma n fòumu de yòmpu nà n dapànku wòni. Pà yáá-ma, nà cetáma n de fòu-ma kú bookú n niku còhòka, nà Sèdìsàdém meheká. 5 Pà n yáá-ma k'yè de, è yò n de péé nuḡmúnní mènì tūn-dí-dà dédéí ti bokupaáma, Fàdìsipa kpéedí. Pa mómpá kó neé é caka-á-ma è yò bemú-dà, kà pà kpèi. 6 Sámà-ní, pà n sí-nà, è yòpu kpémú-dà n ceí nùdi Weèdi de hīnà-di ti yàapa. 7 Ti bookú nahàti pī-tidéé pḡn pa kpéetí è dùnti Weèdi wèñku nà yèñka, è mèe té ceí ni kú paáma-dà. Wódo Àkìdìpáà, ye kú daḡmà kpémú-dà tee Sùwífùpa n púyùni-ma! 8 Baà tee néna Sùwífùpa, kà ne maàhu è yò yè pú cédí kà Weèdi é yáhina kríípa?

9 N mónní, n de maàhu è tonà n yònà é màa-á-ma nà n nòḡti weñni, kà Sèsī Nàsàdétì kóoó yèdi dá pidá. 10 N mèe de paà-sa-dà Sèdìsàdém meheká. N de yèi-í-ma kódeedí meheká, weèdòpa dḡḡdi. Dòhàka yaḡma kpémma-dà mèe de n kḡḡ ye kú nòḡti. Kà pà mèe de kpèi é pà kòù, n de hḡ teha-á-ma. 11 N de centi-í-ma Weèdi wemá bihà-nàmòni nà ni tḡḡdi, è yḡn pa toòka, è penti é pà paá nà nòḡti kà pá nòhì pà dañ-sa. N fḡdi-dà de hītà-ní pa hīnka, háá kà n pà tūni-nà boocí tḡcí yḡtí meheká, é pà fākápú.

Pódi cakú ò cèhèna-ma kú bookú

12 Memá-dà ká n de n'kódí Dàmási yḡtí, kà dòhàka yaḡma kpémma n kḡḡ nòḡti è yò ní taá cḡha-ní weèdòpa. 13 Wódo Àkìdìpáà, kà n de n'sáá còku, kà wèñku patì yuùka hīnka, ká n déhá kà wenkú é yeèni nà hīnka. Ye wenkú de paìdi-í-ma è haḡa-nà wèñku kpékú. Kà kú tēni é n cīna-hḡ é péé-nà n nòḡtòpa. 14 Kà tí dḡdi teñka ti weñni, ká n yekà boòku kà kù n wei-nà hèbùdéèdi è tonà: Sòdi, Sòdi, badà tee k'à n fākápú? A wéní kpeèsa-dà. Nótá pú kó neé é yeda dḡḡdi ta yañn tà naà-nà-di. 15 Ká n béka è yò: Fḡn wodà n Teù? Kà Teó é n tḡnà è yò: Mmí Sèsī-dà, a fākápú-ko. 16 Yídá é neèhi sāmà. Nte mì tee-sá kà m'áa fodá: N kpèi á n'yòñ n deho-dà, é n'cakú nipa a n dékáama kú bookú yenì, nà n kó tūmá a beka-sá. 17 M'a tḡnti Sùwífùpa pesá-dà, nà boocí tḡcí pesá. N k'áa fīhina-á-ma pa nòhi meheká. 18 A yònà é taá pà dīhina-á-ma, é pà dēna-ní yīpu meheká é pà teèní wenkú meheká, é pà fēda-ní Weèkupá wódo nòḡti meheká é pà teèní Weèdi

pesá. Kà pà tàà dandaní n hínka, Weèdi kó pà dèda-á-ma pa sùma, kà pá péé é détá kpàtìdi nà mèm̀pà yòn-pa Weèdi kpéepá.

Pódi weì o tomú wemá

19 Wódo Àkìdìpáà, é cègè-nà ye kú wòni, n pú nòhì-nà ye bekàma mèm̀mà yèni-má-ní nà hínka. 20 N múntà cedí caka Weèdi wemá Dàmásì yamma-dà, é yídá tùna Sèdisàdém̀ kpéepá, nà Sùdèè kpéepá wènni, nà boocí tóci nìpa. N pà kpákádáà è yò pá pènta paáma-dà, é tóní Weèdi pesá, é beka pa paáma meheká è yò pá pèntà. 21 Ye kú kpémú-dà tee, kà Sùwífùpa é n cègè Weèdi hòtá mùnkú meheká, è kpèi é n kòù. 22 Àmá, kà Weèdi n púsí, háá yèni kà n sòncí è cakú n déhà-sa nà n yeèkaà-sa nìpa wènni, kpèmma nà bíhí. N pú cakú yècègè k'yè ceń-nà Weèdi weténápa nà Mòyìsì de cakáà è yò mìl pení-sa-ní. 23 Pà de yò Weèdi takadako kó dii nánkú-dà, é n'yòn cecedó é yántá kpípa meheká, é caka wenkú wemá ti nìku nà boocí tóci.

Pódi kpèi kà Àkìdìpáà é hìn Kídìsì kóóó

24 Pódi de káà sáá-sa-dà è púúkú o cò̀̀di, kà Fèsitùsì é dedí kpeéma è yò: A fikadà-á-ma Pódi! A yáásama-dà tee k'aa yudí é yó fidí. 25 Kà Pódi óò téná è yò: N pú fikadà, dapànkpènn. Wemà n wei-mà yòn bemú-dà è káà còku. 26 Wódo Àkìdìpáà yáá-ma miya, mií-ì tee n ye wei-ma o yìhika è pú dàsi yècèjì. N yáá-ma è yò ye yècèjì p'òò bìnì-nà mìl tee-sá, sòsòma meheká do ye paà-ma. 27 Wódo Àkìdìpáà, a dań-dà Weèdi weténápa wedà-sa? N yáá-ma è yò a dań.

28 Kà Àkìdìpáà é téná Pódi è yò: Wòni cemasí tùmkaà, a kó n kpáhina Kídìsì kóóó-dà^c. 29 Kà Pódi é téná è yò: K'yè kpèi k'yè n'yòn wòni cemasí yoo ye yókáà, n cò̀̀hu Weèdi è yò yè dá n'yòn a cò̀̀di, àmá nà néna mèm̀pà kú wenni n besí-pa yèni kú daadí, è yò né kpántá n yòm̀pu, àmá ne dá dúú dákátì mentì kú meheká.

30 Ma hínka, kà Wódo, nà yotí yìkànyìko, nà Bèdènisì, nà mèm̀pà kú wenni de yè kadi-pá, é yídá, 31 é n'yèti, è cakú-ho pa tò̀pa è toò: Dò̀̀ò meǹn pú paà yècèjì k'yè sà̀nà kódeedí yoo p'òò kòù.

32 Kà Àkìdìpáà é caka Fèsitùsì è yò: K'yèe dò̀̀ò de pú hìn ò kpèi kà Hò̀̀dò̀̀m wóosào óò sída, a de kó neé ò wéi-ma.

27

Pà tanà Pódi Hò̀̀dò̀̀m

1 Pà takadà t́n wòni è yò tí dúú néemá dawéèku meheká, é kàhá Itàdî, kà pá kó̀̀ Pódi nà kpenáti tò̀̀ti tìcò̀̀, sósipa kpènn òcò̀̀n kà p'òò toò Sùdiúsì. Ò de yòn sósipa mèm̀pà dehú-pa Hò̀̀dò̀̀m wóosào nahàku meheká, pa kpènn òcò̀̀-dà. 2 Kà tí dìsi Àtìdàmítì néemá dawéèku, é kàhá. Ye néemá

^c 26.28 Páaku tókú pà téná ye wenòdi è yò: Wòni cemasí tùmkaà, a kó yàkà n teha è yò a n kpáhina Kídìsì kóóó-dà

dawéèku de kódí Àsî tempáàku yotí-dà, néemá dawéèti de nehù-sa. Kà Àdisitákì ti noò-nà, è yòn Màsèdòni tempáàku kóóó, è péé Tèsàdòníkì yotí meheká. 3 K'yé weka, kà tí tantá Sìdòni yotí. Kà Sìdiúsì mènèn de pàkú-ko Pódì nìima, óò pàà nùdi è yò ó taá déhá o dóòpa, kà p'òò tempanà. 4 Kà tí yídá ye pesá, é n'dídí Sípúdì teñka kónnùdi, mìi tee-sá yakú-dà de heu è ti coó-nà. 5 Kà tí deèta Sìdisî nà Pànfidî dàmédì, é tantá yotí pà toò-ti Midáà, Dìsî tempáàku meheká. 6 Ye pesá-dà, ye Hòdóm sósipa kpènn déhá-ma Àdèkìsàtidî yotí néemá dawéèku, kà kù kódí Ìtadî, k'ó ti dikàna.

7 Kà tí pàà daàka dósódi, è cènti yókàma. Nà wééma-dà tí de tantá-ma bèmbèni nìcòni, è beé-nà Kìnidì yotí. Yakú há de yeéè-ma tí kó sàkadá-ma ka béka tá, kà tí dídí Kédétì teñka, é coá Sàdimònéè béka. 8 Kà tí n'dídí ye kónnùdi nà wééma, é tantá bèmbèni nìcòni kà pà nì toò Neèhisuudí, kà nì hédì-nà yotí pà toò-ti Dàsèè.

9 Kà ti cèmu é dònà é donka, kà tí féná wòni sàma, háá kà numboóma daadí é tènì kàhá. Memá-dà tee, Pódì de pà cakú-ma è yò: 10 N dóòpa-nà, n mádí é n'hótà cànkù menkù kó n'dòn-í-ma. Néemá dawéèku nà neèti kù toó-ti kó còha-á-ma, tùmàkaà, kà ti pú yáá ti kó féná-ma ti wòòka.

11 Àmá, ye Hòdóm sósipa kpènn, menn de dañ ye néemá dawéèku méntáko híñka-dà, nà ku yañn é hatá-nà Pódì wemá. 12 Tùmàkaà, ye néemá dawéèti nehù-sa de pú cédì nido é neèhi ye pesá sému wòni. Memá-dà tee, pa sààpa takadà-ma è yò pá kàhá. Pà de kpèi k'yè kó teha, kà pá tantá néemá dawéèti nèhidi pà toò-di-dà Fènikìsì, kà nì péé Kédétì yotí. Ye bèmbèni de coó-nà pèpècúécúèdi nà ni yúnyúuni béka-dà. Pà de kpèi é tèi é neèhi-sá-dà sému wòni.

Yakpekú heu dàmédì híñka

13 Kà yamú é yeèni híñkà béka è heu, kà pá mahà è yò pa yañmàhàdi kó dii-í-ma. Kà pá yohòna pa néemá dawéèku yòdika, é kàhá è dídì-nà Kédétì kónnùdi. 14 Àmá k'yé tshìna-ní, kà yakpekú pà yún-kú pèpècúécúèdi yakú, é kpetá-ní dédéf ye teñka néemá yéntà-ka híñka. 15 Kà kù tènì é tódá ye néemá dawéèku. Kù de pú kó neé é tādì-nà ye yakú. Kà tí cem hédá kà kù ti kàhá-nà kù kpèi-ká béka. 16 Ti haakú tñ wòni teñka néemá de yéntà-ka kà kà sàà céma, kà pà kà toò Kòdáà, kà ká ti kuncí ye yakú. Ye wòni-dà, ti nedà-ma nà wééma sàma, é teeka néemá dawéè-fhinasá, 17 é tón èè dúùwa ye neémá dawéèku meheká. Ye wòni, k'yèe dawéeméntápa, é bowá wèci é kù yéntá. Pà há de wani-má kù kó pà dodi-nà-ma Dibî kónnùka tàmú híñka tá, kà pá wéi yòdidi mènì pòsi-dí híñka, é hédá kà yakú ti n'tóò kù kpèi-ká béka. 18 K'yé weka, k'yèe yakpekú baà é n'sòncí è ti sàmpu kpeéma, kà pá cetá é kámu totoòka dàmédì meheká. 19 Dataádi daadí, kyèe néemá dawéèku yañma é kámu dàmédì meheká nà pa mómpá nòhi, dabíidí mènì hý n'neèhi-dí kù dàhàka, nà kùdàasàti mènì hý n'cancí-ti ye dabíidí híñka. 20 Kà tí pàà daàka dósódi, ti pú déhá wènkù yoo hààhi. K'yèe yakpekú baà sòncí è heu kpeéma. Ye wòni-dà ti cetà-ma è koò pú n'dañ è yò ti kó fítá.

21 Yè de yókàà-á-ma nà ti pú dii-má. Ye wòni, kà Pódì é yídá é neèhi nipa còhàka é pà caka è yò: N dóòpa-nà, kà ne de n besí-ní, è yenì ti pú yî-ní Kédétì yotí. Ti de pú kó féná ti neèti, é tùmá é m'péé sèmma meheká. 22 Àmá sàmà-ní, n ne còdhu è yò né pàà mùyò, mìi tee-sá n'òcòh pú kó

kpíí. Néemá dawéèku cɔ̀̀di-dà kó sèn. 23 Yènkà menkà, Weèdi mènì n tee-dí, kà n dehú ni kpémú, ni tɔ̀̀ndikó n fodà-á-ma, 24 é n caka è yò: Dá n'wani Pódi, yè békú p'áa sída-á-ma wóosào yìhika. Nà fɔ̀̀n kú kpémú, Weèdi kó fìhina-á-ma a nɔ̀̀tɔ̀̀pa weñni. 25 N dóòpa-nà, ne wònti é wédá ne yàma dá wédá. N dań-ma Weèdi hɔ̀̀nka, è yáá è yò nì cakáa-sa kó paá-ma. 26 Àmá, kù kó ti dodi-nà teńka kàcɔ̀̀kà kú kónnùdi-dà kà néemá kà yéńtà.

27 Yè de hɔ̀̀n ti yèńka píta nà kà nàhi-dà mema, nà yakpekú ti toó-ma è ti fàkápú Mèditèdànèè dàmédì meheká. K'yé m'patì yèńka totáma, k'yèe néemá dawéèku yańma é bantá è yò, ti héékú-nà-ní teńka kàcɔ̀̀kà. 28 Kà pá káńtá máayuhùdi nicɔ̀̀nì è nì cádì-nà wèku, é déhá é n'hòtà néemá cumpumú yòn métídìpa pútaa nà pàyeħi. Kà pá tùmá tuùta-ho deùma, é káńtá é n'hòtà ye cumpumú yòn métídìpa púdéé nà pàńi. 29 Pà há de wani-má è yò ti néemá dawéèku dá yetá é yó boòda-má-ní táàka tá, kà pá káńtá yòdika kàńàhì dàkà-béka é kù nèhina. Ye kú dàhàka, è há n'kaadi è sùkù è yò yèńka é weka feńma. 30 Àmá, k'yèe néemá dawéèku yańma é m'penti pà kó hɔ̀̀mpú é yèdi ku meheká é fítá. Ye wòni, kà pá cúhina néemá meheká, dawéèsa mì fìhìnì-sa nìpa, é báńta è yò pà kpèi é kpéí yòdika-dà ye néemá dawéèku yìhika. 31 Kà Pódi é caka ye Hòdóm sósipa kpèńn, nà sósipa è yò: Paá-nà yòkàma fá! K'yèe nìpà pú kaadi ye néemá dawéékù mehekà, ne koò pú kó fítá.

32 Ye wòni, kà sósipa é cédá wèci mènìci de cèé-ci ye néemá dawéèsa, k'yé dodi-ho néemá meheká.

33 Kà pá n'kaadi è ceí ye weka, kà Pódi é pà teń pa weñni è yò pá dii dipú. K'ó pá caka è yò: Nte yenì dapî-nàhidí-dà mema, kà ne ceí ti tèimá, ne pú dii yècɔ̀̀. 34 N ne còòhu è yò né dii-í-ma, k'yé teha kà né fítá. N'òcɔ̀̀n pú kó féná o yudí yùku bá kùcɔ̀̀.

35 Pódi wedà-ma mema é yò, é tódá pèè é seda Weèdi pa weñni yìhika, é yò oò wéha, é cetá è yon. 36 Ye wòni-dà, pa weñni yàma há kaadi-má, kà pá mèe té dii. 37 Ti weñni de yòn ye néemá dawéèku meheká, nìpa kòonà déé nà púyeħi nà pàkòdi-dà. 38 Pà dii tɔ̀̀n wòni é den, kà pá káńtá pèè yòmu dàmédì meheká, è kpèi é yòkàna ye néemá dawéèku.

39 Yè wekáa-ma, ye néemá dawéèku yańma pú bantá teńka, àmá kà pá déhá boòma màcɔ̀̀mà kú meheká, bèmbèni kà tàmú ye cópú-ho sàma. Ye wòni, kà pá tódá takadáma è yò pá taá é kù dɔ̀̀-à ye pesá, k'yè kó teha. 40 Kà pá pɔ̀̀ntá ye yòdika, é kà héé-ho ye dàmédì meheká. Ye wòni, é ceń botá wèci mènìci de púsí-ci ku méńtádi, é yídá é diika kùdáaku ku yìhika, è há hédá kà yakú é kù n'túdí, kà pá coó ye tàmú bèmbèni béka. 41 Àmá, kà pá taá tuùdi tàmú hɔ̀̀nka, néehéncí cìdéé còhòka. Kà ku yìkà-béka é níń-hɔ̀̀, kù koò pú kó neé tuùta. Kà néesanhí podì kpeéma ku dàhàka, kà ká cetá è pú.

42 Kà sósipa é n'kpèi é kòu ye kpenáti, k'yé teha kà kùcɔ̀̀kù dá faá é foi. 43 Àmá Hòdóm sósipa kpèńn há de kpèi é fìhina-á-ma Pódi. Memá-dà k'ó yeda pà kó paá-ma miya. K'ó kɔ̀̀ nùdi mèm̀pa de non-pá è fɔ̀̀, è yò pá cedí dodi néemá meheká, é deeta kpeèdi. 44 Tòòpa mempa, é pá tùna é n'cèé-nà dawehí yoo mì sòńtà-sa ye néemá dawéèku hɔ̀̀nka. Ma kú bookú-dà pà de hɔ̀̀n-má, é tantá pa weñni kónnùdi nà naakú.

kpémú-dà tee kà n dásí ye dákátì mentì.

21 Kà p'òò tǝná è yò: Ti pú déhà pòkàta tàcǝtà kà tà yèni-nà-ní Sùdèè tempàaku è weì a wemá. Ti kúcàa òcǝn mèe pú tèni é ti dódí a paǝ-sa, yoo é ti caka kpákpàama màcǝmà a hǝnka. 22 Àmá, ti kpèi é yekà n'aa mǝnní kú nùdi-dà, wemá a cakú-ma, è yáá ti you-ú-ma páati weñni kà nìpa weì kpákpàama, còku a tǝn-kú kú hǝnka.

23 Kà pá hǝná daadí pà kó tóni-di-ní o pesá. K'yèè daadí tèi, kà pá tóni o peètanàpu ò de péé-sa, kà pa dódí dǝhaà è wehi. Kányènfá háá nà yookú, kà Pódì é pà wekàna Weèdi wemá hǝnka. Ò de pà cakú Weèdi wóòti wemá-dà, è penti ò kó hǝmpú kà pá teha Sèsù wemá. Ye kú kpémú-dà tee, k'ò de yǝnkù Mǝyísì kpéñtìnùka hǝmpú, nà Weèdi wetǝnápa pòkàhi cakú-sa Sèsù hǝnka. 24 Pa meheká, kà pàcǝ é teha ò de weì-sa, àmá kà tǝpa é yeda. 25 Kà pá n'yíti Pódì pesá, è nǝhù-nà pa tǝpa ye wemá hǝnka, k'ó pà caka è yò: Weèdi Sèdi de naá-ma dédéi nì de cakáa tǝn wǝni ne yàapa nà Weèdi wetǝnáko Èsàyi nùdi, è yò:

26 Taá é déhá ye nìkù é kù caka è yò:

Ne kó n'you-ú-ma sukú,

àmá ne bá yekà yècǝi.

Ne kó n'wán-ma sukú,

àmá ne bá déhá yècǝi,

27 mì tee-sá bookù menkù kú nìpa

yàma koò pú nìkìdi yècǝi kú hǝnka.

Pà hǝnà pa toòka-dà,

é wún pa nǝnci,

è pú kpèi kà pa nǝnci é déhá,

kà pa toòka é yekà,

kà pá bantá é fidí-ní n béka,

ká n pà kpekàna.

28 Kà Pódì é tǝhina è yò: Né n'yáá è yò fǝhinamá Wemá, Weèdi mà kǝh-hǝ sáma mèmpa pú yǝn-pa Sùwífùpa béka-dà. Mempa kó mà besí-ma!

29 [Pódì weè-ma mema, k'yèè Sùwífùpa é kǝhá è nǝhù-hǝ dédéi pa cǝòdi meheká.]

30 Kà Pódì é paá beé-kàdéé hǝòta ò de péé-ta kú meheká, è bopù díci. Ò de coní-ma mèmpa kú weñni de kódi-pa-ní o pesá. 31 Ò de cakú-ma Weèdi wóòti wenaamá, è biòhàni Teó Sèsì-Kídísì wemá. Ò de pakú miya nà daríma-dà, k'yècǝi p'òò kpanì.

Tɔnà pòkàta meheká yeèpàka

Pàntèkótì *Pentecôte (Ac 2.1)* : Dikɔpú Kúúdi-dà Kèdékípa yún-má Pàntèkótì. Pà de hó nì yànkà daàka púnùm dàhàka-dà kà pàkì kpéedí kàhà. Mèm̀pà tàà-pa dandaní Sèsí-Kídísì h́nka, ye kúúdi yòn Weèdi Sèdi pámá-dà / Weèdi Sèdi cútáma-ní Sèsí dapàmma h́nka.

E cɔnà n̄hi n̄i h́nka *Imposer les mains (Ac 6.6)* : E cɔnà n̄hi n̄i h́nka yòn yídó-dà mèǹn bekúko è yò pà k̄nì ye yañn Weèdi nòti yoo kónáma màcɔmà k'ò kó púsí Weèdi tòmú. Tým̀kaà, pà h́ neé-ma é cɔnà n̄hi n̄i h́nka ód kpekàna.

Kànàáà *Canaan (Ac 7.11)* : Weèdi de denà-ní Isìdàyéđipa Esípútì meheká é pà paa-ká tenka-dà pà yún-má Kànàáà. Ye yèđi tým̀ tàkù Nòwèè dapànn Kám̀ bíitá-dà.

Èpíkídì kpéepá *Epicuriens Ac 17.18* : Pa dakpènn yèdi-dà de deè Èpíkídì, pà m̀e toó o kú yèdi-dà. Mempa de biòhànì è yò ti dìi-sà fòùkù kpéésà wennì, ti pú yònà èè òdida yèc̄h̄. Pà de tým̀ cakú è yò fòùmu pú yòn yèc̄h̄, n̄i yònà é bohà ò kó h́má-dà é cɛɛ wèèdi é yentá nánkú. Kà n̄i kpèi-sá k'ó yè páná ò dá n'wisí yèc̄h̄, ò m̀e dá yentá yèc̄h̄, cìtì kóó. Mii-dà tee kà pà de yeda Kídísì wemá Pódì de cakú-ma.

Sitòyísì kpéepá *Stoiciens Ac 17.18* : Mempa de týn biòhànámá pa kpènn Sènòò de biòhànì-ma-dà. Pà de bohàta è kó yádá kpéntìnùka mèǹkà tee-ká-dà kà fòùku péé, ye wòni é tý̀na kà h́mpú.